

‘Apousel’

‘Apousel’ sohwife Syohofoho.

Olo Hungkuno Simo'mjofoho.

Jisas ahwomomne'no nto simentiso sohonta soswo *teti-tili* (33) nto uyakolo'mentisopolikeno Luk olo iyoswo loso mt'i'mokumentisofoho. Luk sohwo iyoswo Tiyoufilosimne'no mt'i'mokonto tifi olo iyoswo *Apousel* loso mt'i'mokementisofoho. Olo iyoswo hiloso Jisasimo a'amu songo in'ngkamentohofoso'nji Poul'i'nji Mponopasi'njiye syoho'nji Pita'nji Poul'i'nji nom'ne a'amu so'njimo Anituye Towahuno ni'hu'no yokumpohn'nyo uhula'mo'mentiso sontne'no Luk mt'i'mokumentisofoho. Oso'no olo iyoswo homo lomne yofeso pi'n'ngo womulantifi inyofoho. Yofe hiso ole: A'amu syoho'njo hwafe iyoswofoho. U, a'amu syoho'njo sohwamo Anituye Towahuno uhula'ofoyoswofoho. U, Pita'nji Poul'i'njiye syoho iyo somjo hungkuno iyoswofoho. Oso'no olo iyoswo homo lomjo yofe neso ole: A'amu syoho'njo hwafe iyoswofoho. Oso'no yofe tifo mulinyoso ole: *Apouseliyoho*. Luk iyoswo simo'mjo mt'i'mokumentisoso Jisas yo'mayo hopi'nonohino imentiso so'no mt'i'mokumentisofoho. I oso'no olo iyoswo loso a'amu Jisasimo in'ngkunyoso Anituye hungkuno liku'meefo yahon'ngkofi a'amu Jisasimo min'ngkunyoso tango uyontifi fonjasiyo uloho'motofo so'ne mt'i'mokinyofoho. Oso'no

olo iyoswo Apousel lomjo hungkuno hwapingo Anituye hungkuno liku'meefo syohoso Jelusalem mta'ni foka'mentisoso nihu'nahone Jutiya piwekihn'nawo lohofonto osoponta'angoso Someliya piwekihn'nawo'mentisofoho. Osopo nta'ni mjimo'nimoponto nakwoe ango lopo ifawo'nyofoho. (Olo hungkuno lomjo hungkuno hwapingoso *Apousel* sohe engo 1 honingkanowe'e 8. Osopo weho.) Olo iyoswo loso Luk ango Loum humanto mti'mokumentisofoho. Olo iyoswo hiloso hofi'ko nakwo ito'no ehumayo'ne hungkuno iwolo'mokumentohofokalohi nakwo atofolihwasi tifi uningkohwano.

Jisas ulimento, Nje Towahuno Wopingoso sekuyepono wolihwatimonnoho.

¹ Nje Tiyoufilos sohwo, ngko Luki'ni mti'mokalokweno. Iyoswo simo'mjo kikimne'no mti'mokumentoheso ole, Jisas kakoe hungkuno luti'hwanto kakoe syohoso nomjimi'wento ahwomomo simentisofoho. Oso'no ifalifaliyonto mti'mokumentohofoho. Hungkuno songoso olenoho.

² Jisas Kako ahwomomo masiyo sohonta kako Anituye Towahuno'nji nohumanto kakoe a'amu *apousel* uhwasopo'mentiso sohwo oso hungkunoso yo'mayo syoho ifitne'ento ulimentisofoho.

³ Jisas poyo pe'nonto apa'no songo lika'mentiso sohonta kako yo'mayo wonyoangkafo yontaningkofi sikuno *fouti* (40) memjao'mentisofoho. A'amu huhwo sohwa ose nuhwonontifi ole syafi'hu'mentohofi, Ou,

Jisas songo humayoso nehopeho. Huno ose uyimentisofoho. Jisas nohumanto Anitu nakumo yokumpohn'nyo enemokosyohumane so'no lutihwamentisofoho.

⁴ Sikuno fihwi Jisasiye inomokomoyo sohwa Jisasi'nji nuhu'mokontifi Jisas ole ulimento, Nonje nonje humpekutoho. Jelusalemnohini fosyohumantokuno. Oso hiso Anitu kako se-japone so'no nto selimentohe so'no fohontohumantokuno.

⁵ Joun a'amumo mijo kiyoma'mojo sohwo mijo'nohino kiyoma'mojofoho. Sikuno mofonepo Anituye Towahuno wosehula'o'montonoho. Ose ulimentisofoho.

⁶ Apousel sohwa Jisasi'nji uhu'mokumentohofoso'no Jisasi'mo ulohonimentohofi, Hwe Engo sohwosi, olohonta nakwo a'amu Jutajo hn'nwi nakwo mokosyohumunane'no wonamokumonntaho. Nakwoe yofe Isilael engo umo'nimontolaho.

⁷ Ose ulahon'ngkofi Jisas ulimento, Oso sikuno hiso sekwo huno maseyohoyohoho. O'o, Mpo-hwo Anitu oso sikuno hiso ho'nahumentisofoho. Kako'nohini mokosyohumaho.

⁸ I oso'no Anitu kakoe Towahuno Wopingo sekumo sehula'ofoso sohonta kakoe yokumpohn'nyo nomafikuji nje hungkuno sekwo nomotakuji a'amu hopi'nonohino somo filutihwafikuno. Pone Jelusalemne'no, hwaho Jutiya hopi'nonohino ne'no, hwaho Someliya ne'no ango yawojo'meemo filutihwafikuno.

*Jisas ahwomomo simentisofoho.
(Mak 16:19-20; Luk 24:50-53)*

9 Oso hungkuno hiso Jisas ulahonꝑngki a'amu sohwa uhwontohumentanꝑngkofi kako ahwomomo sꝑmentisofoho. Nosontanꝑngki himo a'amufe tꝑmomo uhoholo'mentisofoho.

10 Hofꝑko ahwomomo tꝑmo huno honamofontꝑfi hwe manji'mofo halojo'njo hufa'u sohwa'u hofꝑko'nji lohofonji ulꝑmentisi.

11 Sekwo a'amu Ngkalilinta'ango soku, nolohofontꝑfi ahwomomo peho'no uhwontohumalofo. Anꝑtu nto utꝑmakwoho. Oso hwe huhwo sohwo sekwo olhonta uhwonꝑngkohofopa'nyoso hwanguk asomo noponefoho. Ose ulꝑmentisiyefoho.

Hofꝑko Jutasꝑye syohomne'no hwe fihumo uhwosopomꝑmentohofofoho.

12 Oso hwofꝑki'nyo Oulif sopo nta'ni nokotapontꝑfi Jelusalemno umentohofofoho. Ikanopo'maho. O'o, tꝑfoneponoho. A'amu Jutaso sꝑkuno iyoho humayo osomno hofꝑko hano tꝑfonopo emmotofoso pa'nyoponoho.

13 Jelusalem i'mofapontꝑfi ango tokilonjwa'mo molinyo somo humamentohofosopo kotasꝑmentohofofoho. Oso a'amu huhwo sohwafe yofe ole, Pitaja, Jounja, Jemꝑsꝑja, Entꝑluja, Filipꝑja, Toumasꝑja, Mpatoulomꝑyuja, Matꝑyuja, Alꝑfꝑyosꝑye hwomu Jemꝑsꝑja, Saimoun Seloutꝑja, Jemꝑsꝑye hwomu Jutas sohwanjoho.

14 Hofꝑko sꝑmeho afa'nohino inontꝑfi Anꝑtune'no jomo ulꝑwo'nꝑmentohofofoho. Moya'mi sofa Maliya Jisasꝑye kona'wohi'nji konꝑngkwa'wehwosanji hofꝑko'nji Anꝑtune'no jomo ulꝑwo'nꝑmentohofofoho.

¹⁵ Hofiko Anitumo jomo ulontaningkofi sikuno fiso memjao'mentisofoho. Sikuno fihumo a'amu *wan hantilet tiwenti* (120) Jisasimo in+ngkamotofoso nohumentan+ngkofi Pita nol+kafonto ul+mento,

¹⁶ Nje a'amu soku, hohonta Anituye Towahuno sohwo kakoe mampaho Ntefitiye simehomo'mo ho'nosyahon+ngki Ntefit oso hungkunoso mt+'mokumentisofoho. Oso hungkuno hiso ne imo'nyo'nefoho. Jutas kako Jisasimne'no tokoyo'ofu imentisofoho. Oso'no Ntefit mt+'mokumentisofoho. Olohonta oso hungkunoso ne imo'n+masofoho.

¹⁷ Jutas nakwo'nji humamojo hweho. Nakwoe syohoso afa'ehinoso Jisas nahwosopo'mentisofoho.

¹⁸ Jutas huhwo sohwo kakoe wonyo so'ne hamniyoho nomanto hwaho mpe yonto osopo mnokino ki'mo lohofonto p+wahu'mentisofoho. Nop+wasyonto kakoe simeho fongkulo lohofonto yo'mayoso hu'mewahu'mentisofoho.

¹⁹ Oso hungkuno hiso ho'n+ngkahon+ngki a'amu Jerusalem mta'angoso nupa'nontifi oso hwaho hopo sopono mul+mentohofi, Akel+amanoho. Hopo sopone yofe yiwolo'mo ole, Hwaho jahino'njoponoho.

²⁰ Hohonta Ntefit olo hungkuno loso Ta'njo Iyoswomo mt+'mokumentisofoho. Hungkuno ole,

Kakoe angoso siki wawent+hwono.

A'amu fihwo nohumayo'eno.

Nom'ne hungkuno ta'njoso ole
mt+'mokumentisofu,

Hwe nom'nehwo kakoe syoho womano.

²¹⁻²² Oseso Jutasīye syoho mayoso'no nom'ne hwe fihumo uhwosopehwasi kako nakwo'nji Jisas songo līka'mentiso so'no wolutīhwantano. Olo hwe huhwo lohwo kako nakwo'nji Jisasī'nji nohumentanīngki Joun a'amumo mijo kiyoma'mentiso sohonta Jisas kakoe syoho ema'mentisoso oso syoho mji'miwento osohonta Anītu Jisasīmo utīma'masofoho. Oso hopi'nono uhwonīwo'nīngkiso sohomo nakwo uhwosopeeno.

²³ Pita ose ulahonīngki a'amuso hwe hufa'u hwa'u uhwosopo'mentohofoho. Hwe anga'no kakoe yofe Jousep Mpasopas, nom'ne yofe mulīmotofoso Josītosīyoho. Hwe nom'ne sohwo kakoe yofe Matiyas.

²⁴ Oso hwa'umo uhwosopentīfi Anītumo jomo ulīmentohofi, Hwe Engo, a'amu hopi'nonohinofe sīmehomo huno kiyohoho. Olo hwe uhwonalokune lohwa'u ntisohomo uhwosopeenehwo.

²⁵ Oso hwe huhwo sohwo Jutasīye *apousel* syoho womano. Syoho hiso Jutasīmo kīko uya-honīngkini Jutas syoho wopīngoso ulīko'manto nīhu'nahone tīkanomo umentisofoho.

²⁶ Anītumo ose ulontīfi hofīko sojo we'e so'nji syohi'nyo yontīfi Matiyasīmo uhwosopo'mentohofoho. Hwe huhwo sohwo kako Jisasīye *apousel* aho hopi'nono sīfe mta'ni anga'nohino sohwanji humamotofoho.

Anituye Towahuno pmentisofoho.

¹ Oso Sikuno Engo iyoho humayo'ne
Pentikous * osomo a'amu Jisasimo
in+ngkawo'n+ngkohofoso ango fipo
uhu'mokumentohofofoho.

² Osopo nuhu'mokahon+ngkofi ti'mayo
yoka pa'n+ngo ahwomo mta'ango
ho'nonto ango uhu'mokumentohofoso
uhula'o'mentisofoho.

³ Oso a'amuso oso ti'mayo yoka upa'nontifi
uhwon+mentohofoso ti'melanyo hopa yonto oso
hiso mt+hupo mt+hupe lohofonto a'amu nohu-
mentan+ngkoko somo a'apahopo humolawopm-
mentisofoho.

⁴ Oseso Anituye Towahuno Wop+ngo a'amu
somo ifeehu'mokasi lohofonto hungkuno kengo
kengo nom'ne a'amufe mampaho pa'nyo hofi+koe
mangomo umasiyahon+ngki hofi+ko hungkuno
kengo kengo limentohofofoho. Oso hungkunoso
Towahuno Wop+ngoso umentisofoho.

⁵ Juta a'amu hwaho kengo kengoponta'ango
Mousesiye hon+ngkano hungkunomo
in+ngkamotofoso Jelusalem humamentohofofoho.

⁶ Oso ti'mayo yoka hiso ho'n+ngkahon+ngki
a'amu Jelusalem humamotofoso nupa'nontifi
a'amu pi'n+ngo engo oso angopo komo'no
uhu'mokumentohofofoho. *Apousel* sohwa
hungkuno kengo kengo lontan+ngkofi a'amu

* **2:1:** Oso iyoho homayo sikunoso sikuno *ffitiso* (50)
Anitu Kako A'amu Isilael somo Uyakolo'mentiso somne'no
Syafisiyo Sikuno Engo somo humantife sohonta *Pentikous*
imofap+wo'n+ngkisofoho.

hopi'nonohinoso hofikoe mango hungkuno limotofoso upa'nimentohofofoho.

⁷ Nupa'nontifi yomo yontifi huno pi'ningo engo syafihu'mentohofi, Olo pipilikeno. Oso a'amu hungkuno kengo kengo lalokwofo lohwa Ngkalilinta'ango hwafoho.

⁸ Nakwoe hungkuno kengo kengo loso na'uja aswo nema'mentohofoso osohonta upa'nimentihwone pa'nyofoho. Oso hiso pipilo.

⁹ Nakwo kengo kengopo nta'ningo'nwoho. Patiya, Mitiya, Elam, nom'ne a'amu Mesopoutemiyanta'ango, nom'ne Jutiya, Kapotousiya, Pountos, Esiya,

¹⁰ Filijiya, Pamifiliya, Ijip, Lipiya, Sailini mafone sopo nom'ne Loum mta'ango hn'nwi humalohwono.

¹¹ Nakwo a'amu Juta hn'nnonji nom'ne a'amu kengoso nakwoe yahinomo iningkowalokwofo so'nji, Kilitnta'angoso Alepiya'njoso nakwo hopi'nonohino hn'nwi yo'mayo wonyoangkafo Anitu iwo'ninkiso so'no nakwoe hungkuno kengo kengoso upo'nalokuhwono.

¹² Ose syafisyontifi yomo yomo yontifi huno engo syafisyontifi ulimentohofi, Oloso pipilo.

¹³ A'amu fehohnjo sitofo ole ulimentohofi, olo hwe lohwa Anituye hungkuno nelalokwofo lohwa hofiko mijo iyoho'njo niloho'nontifi kolalokwofo. Ose ulimentohofofoho.

Pita kako Anituye hungkuno lutihwamentisofoho.

¹⁴ Pita *apousel* aho hopi'nono sife mta'ni anga'nohino sohwanji nolikafonto mango engo

ulimento, Sekwo Jutiyanta'ango soku a'amu Jelusalem humalofo sikunonji nje hungkuno waselimonne'no yohono. Sekwo upa'nimno.

¹⁵ Ole lolalokwofo, Hwe lohwa mijo iyoho'njo niloho'nontifi kolalokwofo. Ose lolalokwofo. Awonoho. Ose'maho. Olo mofehi'nyo'njoho. A'amu mofehi'nyo'nji mijo iyoho'njo manyo hwafoho.

¹⁶ O'lo hohonta Jouel hwe Anituye hungkuno limojo sohwo olo hilo so'no limentisofoho. Kakoe hungkunoso olohonta ne imo'nalofoho. Jouel ole mtimokumentisofoho.

¹⁷ Anitu hohonta ole ulimento, Sikuno moi'wo imo'nyoso mofone sohonta nje Towahuno sofe yokumpohn'nyoso a'amu hopi'nonohinomo uyonefoho.

Sekwoe hwomu sohwanji mu sopeenji hofiko Anituye hungkuno ulifitnnefoho.

Hwe songo sohwamo ngko wojo uhwonyo pa'ningo yo'mayo so'no utihwamnefoho.

Hwe a'mane sohwa wojo uhwonifitnnefoho.

¹⁸ U, nje Towahunoso nje hwe moya'mi syoho ntohofiyo somo uyimnefoho.

Ose uyohonimo hofiko nje hungkuno nalifitnnefoho.

¹⁹ Sekwo ahwomo ajwo lopo timo uhwonngkujo'no nom'ne kengoso setihwamnefoho.

Olo hwaho lopo yo'mayo kengo wonyoangkafoso nomtimokumnefoho.

Oso kengoso honiyo'nji toho'nji tikayo hujen-jemo'nji nomtimokumnefoho.

²⁰ Olo mofehi'nyolo sikwo'mno imo'nngkuhwosi sikuno meefonefoho.

Hamnosu honiyo'nohino imo'nonefoho.

Olo hiloso nuhwon'ngkuji u nje S+kuno Engoso imo'nonefoho.

21 Oso hohosohonta hwe fihwa hwoya'mi fifa ngkine'no joho ntikujo somo uti'ma'mnefoho.

Nje a'amu imo'n+fitnnefoho.

Oso hungkunoso Jouel mt+'mokumentisofoho.

22 Sekwo a'amu Is+lael soku, olo hungkuno haloho upa'n+mno. Jisas Nasalet nta'ango oso huno sekwo huno moi'wonoho. An+tu Jisas+mo kakoe yokumpohn'nyo uyahon'ngki olo hwaho lopo Jisas yo'mayo kengo wonyoangkafoso net+hwamentisofoho. Oso hiso nuhwonontani nakwo huno naimentisoso Jisas An+tuye Hwomu Ne hweho.

23 An+tu kako hohonta huno ole, Nje hwomu a'amufe wonyo'ne poyo pe'nyo'ne hwahopo uhwat+monne'no yohono. Ose syafi+hu'mentisofoho. Oso'no olo hwe lohwo An+tu sekwoe ahomo ho'nahumentisofoho. Ho'nosyahon'ngki sekwo a'amu Loum somne'no ipemotasont+fi hofi+ko iyo hwojiyafi+ku'nnyo somo fonjinto'ofahumentohofofoho.

24 An+tu kakoe hwomumo poyo pe'nyo yahino tohino somta'ni isi+hutofomanto apa'no songo uli+ka'mentisofoho. Jisas sohumo sokimo somo mokilopm'mokumentisofoho.

25 Hohonta Ntefit ole mt+'mokumentisofoho.

Nje Hwe Engo sohwo kako ngko'nji mofonepo humaso sohumo ngko uhwon+iwo'n+ngkohefoho.

Kako nje aho angahohnta'ni humaso sohune'no
ngko mopɨwahu'mnehono.

Yo'mayo nom'neso ngkimo milo-
janɨmofonehoho.

²⁶ Hiso'no nje sɨmeho wopɨngo
nɨmo'nɨngkohoho.

Nje mampaho Anɨtuye yofe ho'nomayo'nefoho.
Ngko poyo pe'nɨme sohonta iyoho mannonefoho.
O'o, ngko Anɨtumo uhwonɨmnefoho.

²⁷ Nje huyo'mangoso tɨkanomo humayo'ne
nɨsɨkwajjiyo'eno.

Jɨje hwomufe a'apaho piso imo'nyo'eno.

²⁸ Songo humayo'ne honɨngkano ntɨhwahino.

Kɨko ngko'nji humayo so'no nje sɨmeho wopɨngo
nɨmo'nɨngkohoho.

Ntefit hohonta ose mtɨ'mokumentisofoho.

²⁹ Nje a'amu soku, olo hungkuno Ntefit
mtɨ'mokumentiso so'no yolohoso waselɨmo.
Ntefit kakine'no mtɨ'mokumentiso'maho.
O'o, kako poyo pe'nɨngkahonɨngki hofɨko
ijopijisyahumentohofofoho. Kakoe pi'nɨmomo
olo hwaho lopo weho. Nakwo tɨmo
uhwonɨwo'nɨngkuhwono.

³⁰ Ntefit kako Anɨtuye hungkuno lɨmojo hweho.
Anɨtu Ntefitɨmo ulɨmento, Jɨje imu hwe yofe
engo'njo jɨje yofe pa'nyo imo'nɨngkɨhwosi
a'amumo umokosyohumane hweho. Ose
ulahonɨngki Ntefit kako huno umentisoso oso
hungkuno hiso ne imo'nonefoho.

³¹ Hohonta Ntefit yo'mayo Anɨtu yone'ento
uhwonɨmentisoso oso'no hwe Anɨtu uh-
wosopo'mentiso sohwo poyo nope'nɨngkuhwosi

apa'no songo nolikafone so'no limentisofoho.
 Ole mt'i'mokumento,
 Kakoe huyo'mango tikanomo humayo'ne
 nusikwajiyo'eno.

Kakoe a'apaho piso imo'nyo'eno.

³² Oso hwe huhwo sohwo Jisasiyoho.
 Anitu nto ulika'mentiso lohomo nakwo
 uhwonimentihwone. Osohune'no lalokuhwono.

³³ Kako ahwomomo nokotasonto osopo
 Anituye aho angahohnta'ni nto humantono.
 Hohonta kako ole nto nalimentisofoho. Ngko
 Anituye Towahuno Wopingo wosejapmmo.
 Jisas ahwomomo nosahoningki Mpohwo kakoe
 Towahuno uyahoningki Jisas Towahuno hiso
 nehwojahoningki olohonta hungkuno mampaho
 kengo kengo so'nji selihwoneso yo'mayo
 yihwoneso hwapingo Anituye Towahuno
 nehulo'ofalofoho.

³⁴ Upa'nimno. Ntefit oso hungkunoso
 kakine'no mamti'mokummentisofoho. O'o,
 kako ahwomomo masimmentisofoho. Ole
 mt'i'mokumentono,
 Anitu nje Hwe Engo Kilais Anitu nakwoe
 hwahopo uhwatimentiso sohomo ole
 ulimento,

Kiko nje aho anga sohohtanta'ni fosyohumaho.

³⁵ Osopo kiko nohumahoji ngko jije mango
 sohwo jije sifiki'nyo'mo enjwa'mo
 wakuhumoti'monnoho.

³⁶ Oso'no sekwo a'amu Isilael soku, huno
 ito'no fisiyafihupmno. Olo Jisas huhwo
 sohwo sekwo iyo hwojiyafiku'nnyopo
 fonjinto'ofahumentohofa lohune'no Anitu
 Hwe Engo nemokosyohumayo'ne sohomo

umokumentisofoho. Olo hwe lohwo Kilaisiyoho.
Pita ose ulimentisofoho.

*Hwe moya'mi pi'n'ingo engoso
simeho yiwalo'mokahon'ingkofi mijo
kiyoma'mentohofofoho.*

³⁷ A'amuso olo hungkunolo nupa'nontifi
simeho tango mikunimposo umentisofoho.
Pita'nji *apousel* nom'ne sohwanjimo
ulimentohofi, Ou, hwe sifahwe, nakwo pipi
yanehwono.

³⁸ Ose ulahon'ingkofi Pita ulimento, Sekwo
a'amu anga'no anga'no hon'ingkano wonyo
foho'naopmno. Anituye hungkunomo
tifi fin'ingkamno. Jisas kako jije wonyo
wae yakumofihwosi kakoe a'amu ne
imo'n'ingkohoho'no a'amumo utihwayo'ne mijo
wokiyosemapife. Ose ikujo'no kakoe Towahuno
Wop'ingo wosejapmmontonoho.

³⁹ Anitu selimento, Nje Towahuno Wop'ingo
wosejapmmo. Oso hungkunoso sekwo'ne'nji
sekwoe mehomi mne'nji a'amu hwaho
kengoponta'ango oso'ntnne'nohinofoho.
A'amu hopi'nonohino nakwoe Hwe Engo
Anitu kakine'no joho ulalokwofo soku kakoe
Towahuno Wop'ingo wosejapono.

⁴⁰ Pita ose ulonto, hungkuno nom'ne pi'n'ingo
engo ulonto, ulimento A'amufe hon'ingkano
wonyomne'no i'waho fiyimno. Tohino engo
nomapitoho. Sekwo Anitumo fin'ingkamno.

⁴¹ Ose ulahon'ingki a'amuso nupa'nontifi oso
hungkuno somo in'ingkowahon'ingkofi mijo kiy-
oma'mentohofofoho. Oso sikuno somo a'amu *t'li*

tausen (3,000) Anitumo simeho uyimentohofoso Anituye a'amu ne imo'nimentohofoho.

A'amu Jisasimo iningkawo'ninkohofoso sofe yahino songo wonyoangkafo ma'mentohofofoho.

⁴² Anituye a'amu ne imo'nimentohofoso *apousel* sohwa Anituye hungkuno luti hwentaningkofi hofiko upa'nimotofofoho. Hofiko nuhu'mokontifi ufo'ma'nimotofofoho. Hofiko wosopayo afapo nta'ni nonontifi † Anitumo jomo ulimotofofoho.

⁴³ Anitu kakoe yokumpohn'nyo *apousel* sohwa mo uyahonngki hofiko yo'mayo kengo wonyoangkafoso imentohofofoho. A'amuso oso hiso nuhwonontifi pisopisaho mjalimwentifi iyoho'nji yomo yomo'nji imentohofofoho.

⁴⁴ A'amu Jisas Kilaismo simeho hi'ntnnono umotofoso afapo nohumantifi hofikoe ho'yango yo'mayoso nem'nohino afafoho.

⁴⁵ A'amu ho'yango'njo hwaho'njoso oso hiso a'amu nom'ne somo uyontifi hamniyoho nomantifi umofonyo inyo somo yano ulohmmentohofofoho.

⁴⁶ Hofiko simeho yano inontifi sikuno huhwo huhwi Anituye ango engo somo nuhu'mokontifi Anituye yofe ho'noma'motofofoho. Hofiko wopayo nom'ne ango kengo kengomo nonontifi hofikine'no huno mosyafisiyo'njo yontifi nom'ne

† **2:42:** A'amu pi'ningo engo huno'njo Jisas Kilaismo iningkunyoso nihu'mokontifi wopae nimentohofofoho. Osohonta wopayo moi'wo nontifi hofiko hunso Jisasiye mikufo'nji honiyo'nji ne'no syafi'hu'motofofoho.

a'amumne'no syafi'hu'motofofoho. Oso'no hofiko simeho wopingo'nji humamotofofoho.

⁴⁷ Wopingo nohumantifi Anituye yofe ho'noma'motofofoho. A'amu hisomne'no hwe moya'mi nom'neso ulimotofi, Anituye a'amu neso wopingo'nohinofoho. Sikuno huhwo huhwi a'amu nom'neso Anituye hungkuno nupa'nontifi simeho uyontifi iningkamotofofoho. Anituye a'amu neso pi'ningo engo imo'nimentohofofoho.

3

Hwe sife wonyo'njo sohwo wopingo imo'nimentisofoho.

¹ Sikuno fihwi Pita'nji Joun'nji siko Anituye ango engo somno simentisiyofoho. Osopo akupo'nyo so'nji (3 *kilouk*) a'amu pi'ningos Anitumo jomo ujo'ne uhu'mokumotofofoho.

² Kuso somne'no ole liwo'ningkohofi wonyoangkafoponoho. Hopo sopo hwe fihwo sife kokato'nnyo'njo kona'wohi aswo mta'ni osenohini ma'mentiso sohwo humunyoponoho. Sikuno huhwo huhwi huhwo sohwoe a'amuso intokwasontifi osopo itofasiyo'nohini imotofihweho. A'amu ango engo somo nohotoswahonngkofo sohonta hwe huhwo sohwo hamniyoho jomo ulimojo hweho.

³ Osopo sife wonyo'njo sohwo nohumanto uhwonimentisoso, Pita'nji Joun'nji woswanji yontanngki uhwononto ulimento hamniyoho we'le ntapinyo.

4 Ose ulahon'ngki Pita'nji Joun'nji siko t'imo yokumpohn'nyo uhwononji ul'imentisi, Kiko t'imo fehonyo.

5 Ose ulahon'ngki hwe huhwo sohwo hamniyoho wontopanjiyo'ne fohonto uhwon'imentisofoho.

6 Pita ul'imento, Ngko hamniyoho ane hwo'nyoho. Nom'neso wokijapmmo. Jisas Kilais Nasaletnnta'ango sohwoe yokumpohn'nyo'nji wakilimonne'no yohono. Hano fyo.

7 Ose ulonto kako kakoe aho nomanto ul'ika'mentisofoho. Ose ul'ikofahon'ngki hwe huhwo sohwoe sife yokumpohn'nyo imo'nonto noswol'ikofawento hano umentisofoho.

8 Siko'nji ango engo somo noswont'ifi hwe huhwo sohwo likofahm'nyo yonto Anitumo isamoyoka ul'imentisofoho.

9 A'amu ango engo somo nohumant'ifi uhwon'imentohofoso, hwe huhwo sohwo likofahm'nyo yonto Anitumo isamoyoka ulahon'ngki uhwonont'ifi

10 ole syafihu'mentohofi, U olo hwe sife kokato'nnyo'njo lohwo hoku'yopo humanto hamniyoho'no jomo li'mojo hweho. Oso hunoso uyahon'ngki yomo yomo yont'ifi pisopisaho li'mentohofofoho.

Anituye ango engo somo Pita hungkuno lut'hwamentisofoho.

11 Hwe huhwo sohwo Pita'nji Joun'njimo aho kehon'ngkofi hwe moya'mi hopi'nono hano kunto kunto'no went'ifi kontolompo'ango somo uhu'mokumentohofofoho. Oso kontolompo'ango somo Soulomoun'yefoho li'motofofoho.

12 Osopo uhu'mokahonɨngkofi Pita nuhwononto ulɨmento, Sekwo a'amu Isɨlael soku, yomo yomo peho'no yohofo. Nekumo tɨmo yokumpohn'nyo peho'no ehonalokwofo. Sekwo huno ole laseyohoho, Hikoe yokumpohn'nyo mta'ni hwe lohwo wopɨngo imo'nɨngkohoho. Huno ose laseyohoho.

13 O'o, Apɨlohamja Aisakɨja Jekoupɨja nakwoe ajuyohwosafe Anɨtuyoho. Oshwo kako kakoe syoho ulohofiyoso Jisasiye yofe ho'nomayo'nohinofoho. Oso huhwo sohomo sekwo nokentɨfi a'amu Loum sohwafepono ipemotosahonɨngkofi osopo Pailot usɨhuto'mto yahonɨngki sekwo nakwolaho ulɨmentohofoho.

14 Oso Jisas huhwo sohwo honɨngkano wonyo ane hweho. Wopɨngo'nohino hweho. Osohomo nakwolaho ulontɨfi hwe wonyo a'amumo fonjahumentiso sohune'no Pailotɨmo jomo ulɨmentohofoho kuyoho.

15 Ose ulontɨfi sekwo yo'mayo songo humayo hwapɨngo sohomo sekwo a'amu Loum somo uyahonɨngkofi hofɨko fonjahumentohofoho. Nofonjonyahonɨngkofi Anɨtu apa'no ulɨko'mentisofoho. Oso hiso'no nekwo nuhwonontayo olohonta hungkuno hiso'no selalokuhwoyo.

16 Nekwo Jisasɨmo sɨmeho hi'ntnnono uya-honɨngkuhwoi Jisasiye yokumpohn'nyo olo hwe lohomo wopɨngo imokohoho. Sekwo olo hwe sɨfe kokato'nnyo lohomo huno moi'wonoho. Olo sɨmeho hi'ntnnono Jisasɨmo uyalokuhwayo loso Jisas mta'angofoho. Olo hiloso hwe sohomo

wopɪngo umokahonɪngki uhwonalokwofo.

17 Nje a'amufo, sekwo sekwoe hwe engo sohwanji Jisasimo fonjahumentohoho sohonta huno ito'no mosyafisiyo'njo imentohoho kuyoho. Oso'no ngko huno niyohoho.

18 Hohonta a'amu Anituye hungkuno limotofo sohwapo Anitu ulimeto, Hwe uhwasopo'mentohe sohwo tohino engo manefoho. Ose ulahonɪngki a'amu somo ulimentohofofoho. Sekwo Jisasimo fonjahumentohoho sohonta oso hungkuno hiso ne imo'nimentisofoho.

19 I oso'no olohonta sekwo huno fikwesyaɸihupmno. Sekwoe simoho yiwolo'mo filohopmno. Sekwo simoho yiwolo'mokukujo'no Anitu sekwoe wonyo wae weesemo'mtonoho.

20-21 Wayo yasemofihwosi kakoe yokumpohn'nyo'nji simoho wopɪngo'nji wosejapmmntonoho. Hohonta Anitu nakune'no fohu'nimentisoso nefo'mayo'ne kakoe hwomu Jisasimo uhwasopo'mentisofoho. Anituye hungkuno limotofo sohwa yo'mayo limentohoho so'no ito'no imo'nyo'ne Jisas ahwomomo hontohumaho. Moi'wo imo'nɪngkihwosi nopone hweho.

22 Hohonta Mouses seyakwosamo ulimeto, Hwe Engo Anitu sekwo'njo mta'ango fihumo wamihwasopo'mtonoho. Anituye hungkuno selohe sohwo ngko pa'nɪngo hweho. Oso hwe huhwo sohwoe mangomo sekwo haloho ito'no upa'nɪngkuno.

23 Hohosohonta a'amu oso hwe huhwo sohwoe hungkunomo haloho maposo'njo ifijos

Anitu oso a'amu somo kengopo uhumajososo nihu'nahone wae umontonoho. Mouses ose ulimentisofoho.

²⁴ Anituye hungkuno limotofo sohwa Samuel+janji nom'ne t+finjo sohwanji hofiko olo sikuno lomne'no limentohofofoho.

²⁵ Oso a'amu Anituye hungkuno limotofo sohwa sekwo hofikoe imu kuyoho. Oso'no oso hungkuno Anitu seyakwosamo ulimentisoso sekumne'nefoho. Anitu Apilohammo ulimento, Jije imu sohwa mta'ni hwe fihwo a'amu hopi'nonohinomo wop+ngo ulohofonefoho. Ose ulimentisofoho.

²⁶ Oseso Anitu kakoe hwomu Jisasimo uhwosopento sekumne'no wop+ngo selohofone kaki'no uhwat+mentisofoho. Kako ole umo'nalofoho, Sekwo a'amu anga'no anga'no hon+ngkano wonyomo hohujo ikinjaof+kujo'no ngko wop+ngo uloho'mo. Ose lalofoho.

4

Pita'nji Joun'njimo impe intofahumentohofofoho.

¹ Pita'nji Joun'nji a'amu somo oso hungkunoso ulontan+ngki a'amu tajo ango syoho'njo sohwanji a'amu tajo angomjo uhwontohumayo sohwife hwe engo so'nji a'amu Satiyusi sohwanji i'mofapmmentohofofoho.

² I'mofapont+fi simano hintotohino umn+mentisofoho. Hwap+ngoso Pita'nji Joun'nji siko a'amu somo Jisas poyo pe'n+mentiso sohwo apa'no songo lika'mentisofoho

lutihwamentisiyefoho. Oseso a'amu hopi'nono poyo pe'nifijoso hwangku nolikapitnnefoho.

³ Si'mano hintotohino umningkahonngki mofehi'nyo ukwo'mokumonto yahonngki oso a'amu sohwa Pita'nji Joun'njimo mo'nngkanta hungkuno ulane'entifi impo'angomo intofahumentohofofoho.

⁴ Oso'no a'amu Pita'nji Joun'njiye hungkuno upa'nimentohofoso fehohnjo sikoe hungkunomo haloho yontifi Anitumo simeho hi'ntnnono uyimentohofofoho. Oso a'amu we'e pi'nngomaho. Oso hwe huhwo sohwa *faif tausen* (5000) hwafoho.

Hwe yofe engo'njo sohwafe timo sopo Pita'nji Joun'nji loho'mentisiyefoho.

⁵ Mo'nngka imngonji a'amu yofe engo'njo sohwanji, Jutafe hwe engo sohwanji a'amu honngkano hungkuno lutihwamotofo sohwanji hofiko Jelusalem uhu'mokumentohofofoho.

⁶ Hofiko nuhu'mokontifi a'amu nom'ne sohwanji hungkuno limentohofofoho. A'amu nom'ne sohwa ole, Anas, hwe yofe engo'njo tajo ango syoho'njo sohwo'nji, Kaiyofasijanji, Jounjanji, Aleksanta'njoho. Nom'ne a'amu Anasiye temtitofomjo sohwa hofiko'nji uhu'mokumentohofofoho.

⁷ Hofiko Pita'nji Joun'njimo hofiko'njo ajwo lopo uhmajontifi ulimentohofi, Oloso pipi imasiyoto. Tihwoe yokumpohn'nyo'nji tihwoe yofe'nji umokumahnnoto, hwe wopngosofo.

⁸ Ose ulahonngkofi Anituye Towahuno Wopngo Pitafe simehomo uhulo'ofahonngki

Pita ulimonto, Sekwo hwe engo Isilaelnta'ango sohwasi,

⁹ olohonta sekwo a'amu sife wonyo'njo sohumo wopingo umokumalohwoyo so'no ehoningkohofotaho.

¹⁰ Oseso sekwo hopi'nono huno waseyono. A'amu Isilael hopi'nonohinosa huno wosyafi+hupife. Jisas Kilais Nasaletnnta'ango sohwoe yokumpohn'nyoso olo hwe lohumo wopingo umokahoningki kako nakwo'njopo lohofoho. Oso Jisas huhwo sohumo sekwo iyomo fonjinto'ofosyahoningkofi Anitu poyo pe'nyo sohumo apa'no uliko'mentisofoho.

¹¹ Olo sojo engkwosaho pa'nyo ango injuwo'n'ngkohoho sohwa hofiko wonyofoho lontifi ho'nao'mentohofofoho.

Oseso olohontajo olo engkwosaho loso angomo sosofitofone hwap'ngohwo imo'n'ngkohoho.

A'amu hohonta hungkuno mt'i'mokumentohofoso olo hungkuno Jisasimne'no mt'i'mokumentohofofoho.

¹² Nom'ne hwe nefo'mayo'ne olo hwaho lopo mohumunyoponoho. Anitu nom'nehumo a'amu nakwoe wonyo wayo'ne muhwosopo'mmentisofoho. O'o, Jisas kako'nohino hweho. Pita ose ulimentisofoho.

¹³ Ose ulahoningki hofiko Pita'nji Joun'njiye yokumpohn'nyo losomo uhwonontifi huno syafi'hu'mentohofi, Olo hwa'u siko ifalifaliyo mamti'mokiyo hwa'uyoho. We'mjo pa'nyo hwa'uyoho. I oso'no siko iyoho

muningkohoyohoho. Jisasiye yokumpohn'nyo ma'masiyo hwa'uyoho.

14 Ose syafisyontifi uhwonimentohofoso hwe wopingo umokumasiyo sohwo siko'nji lohofontaningi uhwonontifi hofiko hungkuno ane hwafoho.

15 Oseso Pita'nji Joun'njimo ulimentohofi, Siko mempono swohosisi osopo fosyohumunyo.

16 Ose ulontifi hnnimentohofi, Olo hwe lohwa'umne'no pipi yanehwono. Olo hwa'ulo wonyoangkafo loso yahoningki a'amu hopi'nonohino Jerusalem humalofoso oloso huno uyohoho. Nakwo oloso hiyaso pipi yane'elo. Awonoho.

17 I oso'no olo hungkuno nonje nonje ho'nimuyo'eno. Nakwo hungkuno yokumpohn'nyo ole ulano. Nom'ne hungkuno Jisasi'mne'no nom'ne a'amu somo nulohosiloho.

18 Ose hnnontifi sikimne'no joho ulontifi ulimentohofi, Siko nom'ne a'amu somo Jisasiye hungkuno nulohosiloho. Yo'mayo Jisasi'mne'no lutihwahosiloho.

19 Ose ulahoningkofi Pita'nji Joun'nji siko ulimentisiyo, Nekwo Anituye hungkuno ho'naofososo sekwoe hungkunomo tifi seningkawasoso Anitu kako huno pipi uyimtolo. Sekwo huno pipi seyohoho.

20 Yo'mayo wonyoangkafo Jisas imentiso uhwonimentihwoyoso hungkuno wopingo'nohini upa'nimentihwoyoso oso hiso'no nom'ne a'amumo mujoso pipilo. Awonoho.

21 Ose ulahoningki hofiko hungkuno nom'ne tango'njo ulontifi Mpanino ulimentohofofoho.

Hofiko a'amumne'no iyoho unimentisofoho. Hwapingoso a'amu hopi'nono olo hilo so'no Anituye yofe ho'noma'mentohofofoho. Oso'no Pita'nji Joun'njimo tohino uyihwaloho.

²² Olo hwe lohwo wopingo umokumasiyo lohwo kako hwe engo hweho. Kakoe soswo *fouti* (40) yakolo'noho.

A'amu Jisasimo iningkawowo'n'ingkohofoso Anituye hungkuno yokumpohn'nyo lohofihwasi lutihwane'entifi Anitumne'no jomo ulimentohofofoho.

²³ Pita'nji Joun'nji nowenji sikoe a'amu'njopo i'mofawenji oso hungkuno hiloso ulimentisiyefoho.

²⁴ A'amuso nupa'nontifi hofiko simeho yano inontifi Anitumo isamoyoka ole ulimentohofi, Ou Mpohwo, kiko enemokosyohumayo hwasoho. Kiko ahwomo'nji hwaho'nji mtimokumentohino hwasoho. Kiko ayo'nji yo'mayo songo humayoso mtimokumentohino hwasoho.

²⁵ Hohonta jije Towahuno Wopingo sohwo jije hungkuno nakwoe ajuyohwo Ntefit jije syoho kilohofiyo sohwoe mangomo mufohotofahoningkini Ntefit ole ulimento,

A'amu kengo kengoso simeho tohino peho'no umnalofoho.

Nakwoe a'amu huno ito'no mosyafisiyo'njo peho'neto.

²⁶ Hwe yofe engo'njo sohwa hontohumamentohofofoho.

Hofiko'nji a'amu hwaho mokosyohumayo so-
 hwanji nuhu'mokontifi hungkuno nano
 mtitofontifi limentohofi,
 Anitu'nji oso hwe uhwsopo'mentiso
 sohwo'njiye syohomo nakwo wae uyano.

Ose limentohofofoho.

²⁷ Oso hungkuno ne imo'nimasofoho. Olo
 ango lopo Helouti'nji Pountiyos Pailoti'nji
 a'amu kengo so'nji a'amu Isilael so'nji
 nuhu'mokontifi Jisas uhwsopo'mentohino
 sohomo fonjane'entifi imentohofofoho.

²⁸ Oso hiso'no hohonta kiko nohumanji
 yo'mayo ne imo'none so'no limentohinoso
 olhonta oso a'amuso jije hungkunoso ne
 imokumalofofoho.

²⁹ I olhonta Mpohwo oso hungkuno
 yokumpohn'nyo nalimalofoso upa'nimahanno.
 Jije hungkuno liwo'nyo sohwna'nimo
 yokumpohn'nyo fisosofitofonesyohumaho.
 Oso'no nakwo jije hungkuno lontaningkuhwasi
 iyoho monanonehoho.

³⁰ I oso'no nakwo jije hungkuno
 lontaningkuhwaso'no kiko a'amu mnokino'njo
 somo wopingo umojo. Yo'mayo wonyoangkafoso
 jije hwomu Jisasiye yokumpohn'nyo'nji noho
 fiyo.

³¹ Anitumo ose ulahoningkofi oso
 ango humamentohofosopo mo'mayo
 yonto Anituye Towahuno Wopingo
 hofikimo ifehu'mokahumentisofoho.
 Ifehu'mokahumentisoso hofiko Anituye
 hungkuno yokumpohn'nyo ulontifi iyoho
 munimmentisofoho.

Jisasiye a'amu neso hofi'ko yo'mayoso inimentohofofoho.

³² A'amu hopi'nono Anitumo simeho hi'ntnnono uy'iwo'nimentohofoso simeho inontifi a'amu fihwo ole huno mosyafisiyo'njo imentisofo, Oloso nje'nohinofoho. A'amufe'maho. O'o, oloso huno mosyafisiyo'njo imentisofoho. Yo'mayo hopi'nononino hi'njoso a'amu somo inimentohofofoho.

³³ *Apousel* sohwa a'amu somo Hwe Engo Jisas lika'mentiso so'ne hungkuno ne'nohino ulontifi Anituye yokumpohn'nyo utihwayo'ne yo'mayo kengo wonyoangkafoso imentohofofoho. Anitu a'amumo wopingo'nohino uloho'mentisofoho.

³⁴ Hohosohonta a'amu hiso umofonyo miy- ofoho. A'amu hwaho'njoso ang'o'njoso yo'mayo ho'yango'njoso nom'ne a'amu somo yano uy- ontifi hamniyohoso *apousel* sohwa mo umentohofofoho.

³⁵ *Apousel* sohwa oso hamniyoho nomantifi a'amu umofonyo iyo somo yano ulohmentohofofoho.

³⁶ Hwe fihwo kakoe yofe Jousepiyoho. *Apousel* sohwa nom'ne yofe ole mulimentohofi, Mponopasiyoho. Yofe hiso yiwo'lo mo ole, Sosofitofihwe hweho.

³⁷ Olo hwe huhwo sohwo Lifaiye temtifo mta'ango hweho. Hwaho Saipilos nta'ango hweho. Hwe nom'nehwo oso hwe huhwo lohwo sohwoe hwaho mpe nulohofahon'ngki hamniyohoso Mponopas nomanto *apousel* sohwafe sifiki'nyo'mo ho'nahumentisofoho.

5

*Anonaiyas+’nji Sofaila’nji siko Anitumo
hwasyo ulimentisiyefoho.*

¹ Hwe fihwo kakoe yofe Anonaiyas kakoe apefe yofe Sofaila, siko hwaho hi’njo ya’uyoho. A’amu nom’neso sikinta’ni oso hwahoso mpe uloho’mentohofofoho.

² Siko hamniyoho nomanji fehohnjo siko’ne hiyaso mokosyohumanji fehohnjo Anonaiyas kako *apousel* sohwafe si’iki’nyo’mo ho’nahumentisofoho.

³ Oso hiso Pita nuhwononto ulimento, Anonaiyas, Seteniye hungkunomo in’ingkawenji hamniyoho fehohnjo hiyaso mokosyohumanji Anituye Towahuno Wop’ingomo hwasyo ole ulohino. Hamniyoho hopi’nono ma’maleso olenoho. Oso hwasyo ulohino.

⁴ Ji’je hwaho mpe makiloho’mmalofo sohonta hwaho hopi’nono j’jefoho. Mpe ntakiloho’malofa sohonta hamniyoho hopi’nono j’jefoho. I oso’no oso hungkuno si’me homo’mo peho’no syafi’syohino. Ki’ko hwe sohwana’nnohinomo hwasyo monalohoyohino. O’o, Anitumo hwasyo ulohino.

⁵ Ose ulahon’ingki Anonaiyas nupa’nonto nop’wasyonto, poyo pe’n’imentisofoho, Oso hungkunoso ho’n’ingkahon’ingki a’amu nupa’nont’fi iyoho un’imentisofoho.

⁶ Hwe songo sohwa nol’kafohumant’fi Anonaiyas’ye pijafomo hwap’ife eko’j’sasi lohofont’fi mempo hohnta’ni motawent’fi pi’n’imomo ijopi’jisyahumentohofofoho.

⁷ We'enepe a'amu poyo pe'nimentiso sohwoe ape noswonto yo'mayoso mupa'nimmentisosi,

⁸ noswopahon'ngki Pita ul'imento, Jije hwa-homne'no olo hamniyoho ma'masiyotaho. Ose ulahon'ngki ul'imento, Eno, osenoho.

⁹ Ose ulahon'ngki Pita ul'imento, Kiko jije hwehwo'nji hiyahusi Anituye Towahuno sohumo yamofa peho'no uloho'masiyoto. Upa'nyo. Hwe songo sohwa jije hwehwo sohumo pi'nimomo ijopijisyasyontifi nto pohofa. Hoku'yopo lohokwofa. Kikimo womotokuwantifeho.

¹⁰ Ose ulahon'ngki a'musi Pitafe sifi'ki'nyo'mo piwasyonto poyo pe'nimentisofoho. Hwe songo sohwa noswapontifi poyo pe'nimentisosiye pi-jafomo uhwonontifi nomotoswapontifi kakoe hwehwo'njopo ijopijisyahumentohofofoho.

¹¹ Oso hungkuno hiso noho'n'ngkahon'ngki Anituye a'amu ne so'nji a'amu kengo so'nji nupa'nontifi iyoho unimentisofoho.

Yo'mayo kengo wonyoangkafoso imotofofoho.

¹² Yo'mayo kengo wonyoangkafoso a'amu apousel sohwa utihwamentohofa somo a'amuso uhwonimentohofofoho. Anituye a'amu neso Soulomouniye kontolompo'ango sopo uhu'mokumotofofoho.

¹³ A'amu kengo fehohnjoso Anituye a'amu ne somo uhwonontifi limentohofi, A'amu Jisasi mo in'ngkawowo'n'ngkohofoso wonyoangkafofoho. Ose lontifi i hofiko'nji muhu'mokummentohofofoho. O'o hofiko iyoho unimentisofoho.

¹⁴ Hwe hwoya'mi pi'ningo engoso Jisasiye hungkuno upa'nontifi hungkuno nehopi lontifi

simeho hi'ntnnono uyimentohofofoho. Oso a'amu hiso Anituye a'amu ne simo'mjo so'nji uhu'mokumotofofoho. A'amu pi'n'ingo engo imo'nimentohofofoho.

¹⁵ A'amu pi'n'ingoso a'amu mnokino'njo somo intokwapontifi hon'ngkanopo itofasi lohofontifi ole syafihu'mentohofi, Pita nopihwosi kako kote uhumiyo'fihwoso'no a'amu mnokino'njoso wop'ingo umo'nife. Ose syafihu'mentohofofoho.

¹⁶ A'amu ango kengo mta'ango Jelusalem mofone sponjoso Jelusalem uhu'mokumentohofofoho. A'amu mnokino'njo, a'amu sisimasoho'njo towahuno wonyo'njo somo itokwapmmen-tohofofoho. Hopi'nonohinoso wop'ingo imo'nimentohofofoho.

A'amu ahwomomjo sohwo 'apousel' sohwamo impo'ango mta'ni isihuto'mentisofoho.

¹⁷ Hwe yofe engo'njo tajo ango syoho'njo sohwo kakoe a'amu'nji a'amu Satiyusi sohwanji yo'mayo so'no nupa'nontifi simeho tohino umnimentisofoho. Hwap'ingoso a'amu *apousel* sohwafe yokumpohn'nyo yo'mayo wonyoangkafo so'no iwo'n'ngkohofofoho. Hofiko oso yokumpohn'nyo ane hwafoho. Oso'no simeho tohino umnimentisofoho.

¹⁸ Simeho tohino umn'ngkahon'ngki *apousel* sohwamo aho kentifi impo'angomo intofahumentohofofoho.

¹⁹ Oso sikwo'miyo somo a'amu ahwomomjo sohwo noponto impo'ango hoku'yo somo hwosampento a'amu *apousel* sohwamo mempo hohnta'ni ipemotoswaponto ulimento,

20 Sekwo Anituye ango engo somo nowekuji osopo lohofikuji olo honingkano songomne'no a'amumo filutihwamno. Ose ulimentisofoho.

21 A'amu *apousel* sohwa oso hungkunoso haloho imentohofoso imingo ne'nji Anituye ango engo somo noswontifi Anituye honingkano songomne'no lutihwamentohofofoho.

Oso imingo so'nji hwe yofe engo'njo tajo ango syoho'njo sohwo kakoe a'amu'nji a'amu Jutafe *kaunisol* sohwanji hwe engo hopi'nono nuhu'mokontifi impo'angomne'no hungkuno lihwatimentohofofoho. A'amu impe'njo sohwamo fipemotapmno. Ose lihwatimentohofofoho.

22 Hungkunoso lihwojahoningkofi a'amu impo'angomo noswontifi uhwonimentohofoso huno uhwonontifi asomo nopontifi *kaunisol* a'amu sohwamo ulimentohofofoho.

23 Ole ulimentohofi, Nakwo impo'ango sopo nowentani hano yokumpohn'nyo pito'malofoso uhwonontani, a'amu pijwohumayo sohwa lohofontaningkofi uhwoningkuhwonefoho. I ango ne somo a'amu aneponoho. Huno uhwoningkuhwonefoho.

24 Ose ulahoningkofi hwe engo a'amu uhwontohumayo sohwo'nji hwe yofe engo'njo tajo ango syoho'njo sohwanji oso hungkuno nupa'nontifi huno pi'ningo engo syafisyontifi pipi imo'ningkohoho syafihu'mentohofofoho.

25 Ose syafisyontifi nohumentaningkofi hwe fihwo noswonto ulimento Upa'nimno. Oso a'amu sekwo impo'angomo intofohumalofo sohwa Anituye ango engo somo nolohofontifi

a'amu somo lutihwalokwofo.

²⁶ Ose ulahon'ngki hwe engo a'amu itokuso'nji mokosyohumayo sohwo kakoe a'amu sohwanji nowent'ifi Anituye ango engo somo i'mofapont'ifi *apousel* sohwamo nomant'ifi ipemotaumentohofofoho. Hofiko ikujoho mafongku'mmentohofofoho. O'o hofiko iyoho un'ngkahon'ngki a'amu nom'neso sojo nofongkupitnnehont'ifi *apousel* sohwamo mafongku'mmentohofofoho.

'Apousel' sohwa hofiko 'kaunisol' sohwanne'no hungkuno ujo'neso iyoho munyo'njo imentisofoho.

²⁷ Ose ipemotawent'ifi a'amu *kaunisol'*njopo uhumat'imentohofofoho. Osopo nohumentan'ngkofi hwe yofe engo'njo sohwo ul'mento,

²⁸ Simo'mo ole selimalohwono, A'amu somo yo'mayo Jisasimne'no lutihwafikutoho. A'amu hopi'nonohino Jelusalem humalofoso sekwoe hungkunomo upa'nimalofofoho. Ole ulalokwofo. *Kaunisol* a'amu sohwa Jisasimo fonjahumentohofofoho.

²⁹ Ose ulahon'ngki Pita'nji nom'ne *apousel* sohwanji ul'mentohofi, Nakwo Anituye mampaho haloho y'hwasi tifi in'ngkayo'nefoho. A'amu hwahoponjo sohwafe hungkunomo min'ngkowanehwono.

³⁰ Sekwo Jisasimo iyopo fonjinto'ofahumentohofofoho. I oso'no neyakwosanjiye Anitu sohwo Jisasi'mo ul'ko'mentisofoho. Songo apa'no umokumentiso hweho,

31 Nulikafonto kakoe aho anghohnta'ni uhumojahon'ngki nakwoe Hwe Engo imo'nimentisofoho. A'amu Isilael hn'nwiye wonyo wayo'ne pe'nimentiso hweho. Oso'no a'amu Isilael soku, hon'ngkano wonyomne'no hohujo ikinjaofikuji wonyo hiso wae yasemofihwosi hon'ngkano nom'ne songo wosejapmmontonoho.

32 Oloso nuhwonontani nakwo Anituye Towahuno Wop'ngo'nji sohwna'ni olo hilo so'no uliwo'n'ngkuhwono. A'amu Anituye hungkunomo tifi in'ngkayo somo Anitu kakoe Towahuno Wop'ngo uyimasofoho. Ose ulimentohofofoho.

Hwe Ngkomeliyel sohwo 'Apousel' sohwanne'no hungkuno limentisofoho.

33 Oso hungkuno *kaunisol* a'amu sohwa nupa'nontifi simano hintotohino umnimentisofoho. *Apousel* a'amu sohwamo wofonjano lontifi imentohofofoho.

34 Hiso'no hwe fihwo *kaunisol* syoho'njo sohwo kakoe yofe Ngkomeliyel * kako a'amu Falisiyoho. Kako hohontajo hon'ngkano hungkuno lutihwamojo hweho. Oso hwe huhwo sohomo a'amu hopi'nonohinoso kakoe yofe ho'nomawo'nimentohofofoho. Oso hwe sohwo nolikafonto ulimento, A'amu *apousel* sohwamo mempo hohnta'ni filihwajimno.

* **5:34:** Osohonta Poul Jisas Kilaisimo min'ngkayo sohonta Ngkomeliyel sohwo Pouliye syo itihwayo imo'nimojo hweho. (Sohe engo 22, hon'ngkano we'e 3 somo uhwonyo.)

³⁵ Ose ulahonɪngki hofiko lihwojahonɪngkofi Ngkomeliyel ulimento, A'amu Isilael sohwasi olo hwe lohwamo ulohopitnne so'no huno ito'no fi'syafi'hupmno.

³⁶ Hohonta hwe fihwo kakoe yofe Teutas kako ulimento, Ngko yo'mayoso huno'njo hwo'nyoho. Hwe yokumpohn'nyo hwo'nyoho. Ose ulahonɪngki a'amu fehohnjo *foua hantilet* (400) sohwa inɪngkamentohofofoho. Osohonta hwe nemokosyohumayo sohwo kakoe a'amu itokuso'njo sohwa hwe huhwo sohomo nofonjosyahonɪngkofi inomokommotofo sohwa hiyaso humpo'mentohofofoho. Teutas kakoe hungkuno ne mmo'nyo hweho.

³⁷ Tifi sohonta hwe nemokosyohumayo sohwa a'amufe yofe mtimokomayo sohonta hwe nom'ne Ngkalilinta'ango sohwo kakoe yofe Justas. Osohwo nolikofahonɪngki a'amu fehohnjo kakoe hunomo nomantifi inɪngkamotofofoho. Osohwo poyo imo'nɪngkahonɪngki inomokommotofo sohwa humpo'mentohofofoho. Hofiko apa'no muhu'mokiyofoho.

³⁸ Oseso ole waselimonne'no yohono. Olo a'amu *apousel* sohwanne'no iyoho masenɪngkoho liyohoho. Wohumantokufe. Hofikoe syoho hwahoponta'ango'manji moi'wo imo'nonefoho.

³⁹ Olo syoho hiloso Anitu mta'ango'manji milojaopitnehoho. Ne'nohini wentihwonefoho. Sekwo Anitumo fongkupitnnoho.

A'amu 'apousel' sohwa Jisasimne'no tohino ma'mentohofa so'no simeho wopɪngo

umo'n+mentisofoho.

⁴⁰ Ose ulahon+ngki hungkuno nehopeho ulont+fi a'amu *apousel* sohwanne'no joho lont+fi oso hwamo fonjont+fi yokumpohn'nyo ul+mentohofi, Jisasiye yofe apa'no nolikutoho. Ose ulont+fi uhwat+mentohofofoho.

⁴¹ *Apousel* sohwa *kaunisol* sohwamo nuliko'mant+fi hnn+mentohofi, Nakwo Jisasiye syoho yontane tohino nam+ngkahon+ngki simeho wop+ngo namo'n+ngkohoho. Anitu wop+ngo nahon+ngkohoho. Nakwo Jisasiye yofe'no tohino mayoso hoponoho.

⁴² Sikuno huhwo huhwi hofi'ko Anituye ango engo somo a'amufe ango'njopo Jisasi'mne'no hungkuno wop+ngo ul+wo'n+motofofoho. Anitu a'amu ahwomo mta'ni uhwat+mentisoso Jisasi'yoho lut+hwamentohofofoho.

6*A'amu aho fehohnta'ni hopi'nono fehohnta'ni hufa'uyo sohwa 'apousel' sohwanne'no ufo'mayo'ne uhwasopo'mentohofofoho.*

¹ Osohonta a'amu Jisasi'mo in+ngkamotofoso we'e pi'n+ngo imo'n+mentohofomaho. A'amu fehohnjo Ngk+lik hungkuno'njofoho. A'amu fehohnjo Hip+lu hungkuno'njofoho. A'amu Ngk+lik hungkuno'njoso a'amu Hip+lu somo yoka ul+mentohofi, Sekwo wosopayo, hamniyoho, yo'mayoso a'amu umofonyo iyo somo uya-hon+ngkofi nakwoe ap+wojo sofa we'e'nohino mawo'n+ngkohofofoho. Hip+lu ap+wojo sofa engo mawo'n+ngkohofofoho. Ose ul+mentohofofoho.

2 Oso hungkunoso ho'n'ingkahon'ingki a'amu *apousel* sife mta'ni hufa'uyo sohwa a'amu hopi'nono Jisasimo inomokommotofo somne'no joho ulahon'ingkofi nuhu'mokontifi uli'mentohofi, Nakwo syoho hufa'u'njo sohwna'ni wop'ingo'maho. Nakwo wosopayo'nji hamniyoho'nji yano mpo'nososo Anituye hungkuno pipi losetihwanehwono.

3 O'o, nakwoe a'amu soku, sekwo a'amu aho fehohnjo hopi'nono nom'ne aho mta'ango hufa'u sohwaмо uhwosopopmno. Syoho yano mpo'none so'nefoho. A'amu huhwo sohwa Anituye Towahuno Wop'ingo engo yamo'nnyo hwafoho. A'amu huno'njo sohwa a'amu hopi'nonohino sohwaмо hwe wop'ingo'nohino hwafoho liwo'n'ingkohofofoho. Uhwosopopijoso hofiko wopayo yo'mayoso yano mpe syohoso womokosyohumantifeho.

4 Ose yontan'ingkujoso nakwo Anitumo isamoyoka uliwo'n'ingkuhwasi a'amu somo Anituye hungkuno wolutihwantanoho.

5 Ose ulahon'ingkofi, E, wop'ingofoho lontifi Sitifenimo uhwosopomentohofofoho. Sitifen huhwo sohwo Anitumo simeho hi'ntnnono yokumpohn'nyo uy'wo'n'imojo hweho. Anituye Towahuno Wop'ingo engo yamo'nnyo hweho. Nom'ne a'amu sohwaмо uhwosopomentohofoso ole, Filipija, Piloukoulasija, Nikanouja, Timounja, Pamenasija, Nikoulasijanjo. Nikoulas huhwo sohwo ango kengo Antiyoknta'ango a'amu Jutafe yahino ma'mentiso hweho.

6 Oso a'amu sohwaмо uhwosopentifi *apousel*

sohwamo utihwamentohofofoho. *apousel*
sohwa a'amu huhwo sohwafe mnokinopo
aho kisasyontifi hofikine'no Anitumo jomo
ulimentohofofoho.

⁷ Oseso Anituye hungkuno Jelusalem ango
ayo'mo ho'nimentisofoho. A'amu Jelusalem
humamentohofho Jisasimo inomokommotofoso
pi'nango engo imo'nimentohofofoho. A'amu
tajo ango syoho'njo fehohnjo sohwa Anituye
honingkano songo tipemantifi Jisasimo
inangkamentohofofoho.

*A'amu Juta fehohnjoso Sitifenime'no hwasyo
ulimentohofofoho.*

⁸ Anitu Sitifenimo yo'mayo wopingoso
ulohofahoningki Sitifen kakoe yokumpohn'nyo
engo imo'nonto yo'mayo wonyoangkafoso
imentisoso a'amu uhwonmentohofoso ole
limentohofi, Anitu oloso yalofoho. Ose
limentohofofoho.

⁹ I oso'no a'amu nom'nehwa nolikafontifi
Sitifen'nji Anituye hungkuno so'no yoka
hnnimentohofofoho. Oso a'amu sohwa hohonta
siki syoho hamniyoho momaso'njo imotofo
sohwa olhonta siki humalofo. Hofiko afapo
humawo'ninkohofho sopo ole limentohofi,
Ango sikinjhwa humayo'nefoho. Oso ango
homo somo a'amu Juta Anitumne'no isamoyoka
angofoho. Oso a'amu sohwa ango Sailini'nji
Aleksantiliya'nji oso ango soponta'ango
hwafoho. Hofiko'nji nom'ne a'amu Juta Silisiya
hwaho Esiyanta'ango sohwa Sitifenimo yoka
ulimentohofofoho.

10 Anituye Towahuno wopɨngoso Sɨtifenɨmo huno wopɨngo uyahonɨngki a'amu nom'ne sohwafe hungkuno somo Sɨtifen kakoe hungkuno uyakolo'mentisofoho.

11 Oso'no a'amu sohwa sɨmano hintotohino umnɨngkahonɨngki a'amu sohwamo hwasyo jo'ne hamniyoho uyahonɨngkofi ole ulɨmentohofi, Olo hwe Sɨtifen sohwo kako Mosesɨmne'no sitofo lɨmaso hweho. Ou, kako Anitu ntnne'no sitofo lɨmasofoho. Hwasyo ose ulɨmentohofofoho.

12 Oso hwasyoso ho'nɨngkahonɨngki nehopeho lontɨfi a'amu so'nji hwe engo sohwani hwe honɨngkano hungkuno lutɨhwamotofo sohwani sɨmeho wonyo umo'nɨngkahonɨngki Sɨtifenɨmo u'mantɨfi aho kentɨfi *kaunɨsol* uhu'mokumotofo sopo ipemotasɨmentohofofoho.

13 Osopo a'amu hwasyo ulɨfitne sohwa mɨhumatɨ'mentohofofoho. Ole ulɨmentohofi, Olo hwe lohwo Anituye ango so'no wonyo hungkuno ulɨmasofoho. Mosesɨye honɨngkano hungkunomne'no hwotoho hmmaso hweho.

14 Olo hungkuno Sɨtifen nalɨmasofoho. Jisas Nasaletnnta'ango sohwo Anituye ango engo somo wae yonefoho. Oso yahino Moses mta'ango inɨngkawo'nɨngkuhwoneso Jisas wae yafɨhwosi nom'ne yahino songo nejaponefoho. Oso hungkunoso Sɨtifen nelahonɨngki upa'nɨmalohwonefoho. Hwasyo ose ulɨmentohofofoho.

15 A'amu *kaunɨsol* sohwa nohumantɨfi Sɨtifenɨmo uhwonɨmentohofoso kakoe sɨmo'mango a'amu ahwomomjo pa'nyo imo'nɨmentisofoho.

7

Sitifen kakoe hungkuno 'kaunisol' sohwo ulimentisofoho.

¹ Hwe yofe engo'njo sohwo Sitifenimo ulimento, Oso hungkuno kikumne'no nalohofoso nehopitaho.

² Ose ulahon'ngki Sitifen ulimento, Nje a'amu soku, sekwo upa'nimno. Hohonta nakwoe ajuyohwo Apiloham kako ango Helan'imne'no mawe'njo imentiso sohonta oso hwaho Mesopoutemiya nohumentan'ngki Anitu wonyoangkafo sohwo u'mahon'ngki Apiloham nuhwon'ngkahon'ngki Anitu ulimento,

³ Olo hwaho lo'nji jije a'amu so'njimo uh-wati'mofo. Nom'ne hwaho nokit'hwahm'me'no osopo fohumantohoho.

⁴ Ose ulahon'ngki Apiloham oso hwaho Kal'tiya uliko'manto hwaho nom'ne Helan osopo humamentisofoho. Kan'ngkwohwo poyo pe'nimentiso sohonta Anitu ulimento, Hwaho nom'ne kit'hwahm'me'no mpano. Ose ulahon'ngki olo hwaho humalohwone lopo pmentisofoho.

⁵ Anitu Apilohammo olo hwaholo nut'hwanto osohonta kako yano muy'immentisofoho. O'o ni'hu'no awonoho. I oso'no Anitu ulimento, Oso hwaho hiloso kiko'nji jije imuhwanjimo sejapm- nefoho. Ose ulimentisofoho. Osohonta Apiloham kako hwomu ane hweho.

⁶ Nom'ne hungkuno Anitu ulimento, Jije imuso a'amu kengo sofe hwahopo ufijoso osopo siki syoho ulohofikutnnefoho. A'amu kengoso jije imu somo tohino engo uy'fitnnefoho. Soswo

foua hantilet (400) uyokolofontaningkuhwosi jije imuso osopo humafitnnefoho.

7 Oso a'amu kengo jije imu somo yokumpohn'nyo umokosyohumayo somo hungkuno tango'njo ikwolofone uyimnefoho. Osohonta jije imu oso hwaho kengo sopo uliko'mafikujoso olo hwaho lopo nje yofe ho'nonimafifitnnefoho. Ose ulimentisofoho.

8 Anitu nom'ne hungkuno Apilohammo uyimentisofoho. A'apaho sihu kolo'nyo'ne ulimentisofoho. Anituye hungkuno iningo mamofe'ne honingkano hiso uyimentisofoho. Oseso Apilohamiye hwomu Aisak imo'ninkahonngki sikuno aho fehohnta'ni hopi'nono nom'ne hohnta'ni hufa'u sihune memjaofahonngki Apiloham kakoe hwomufe a'apahomo sihu ukolo'mentisofoho. Hwangku Aisakiye hwomu Jekoup imo'ninkahonngki sihu ukolo'mentisofoho. Tifi sohonta Jekoupiye hwomu aho hufa'u hopi'nono sife mta'ni hufa'u imo'ninkahonngkofi sihu ukolo'mentisofoho. Osohwa neyakwosafoho. Oso yahino hiso ne'nohini sihu kolo'nimotofofoho.

9 Jekoupiye hwomu sohwa hamnngkwa'wehwo Jousep'ne'no hintotohino umninkahonngki a'amu kengo sohwa Jousepimo mpe uyahonngkofi hafila'wehwosa hamniyoho ma'mentohofofoho.

10 Yo'mayo tango so'nji Jousepimo u'mahonngki Anitu ufo'ma'mentisofoho. Oseso oso hwe engo hwaho Ijip mokosyohumayo osohwo Jousepmne'no joho ulahonngki Anitu Jousepimo huno engo wopingo'njo uyahonngki

hwe engo hwaho Ijip mokosyohumayo sohwo ulim ento. Kiko hwe wopingo hwosoho. Oso'no kiko olo hwaho Ijip'nji, nje a'amu lo'nji nje ango lo'nji hopi'nono kiko ngkine'no mokosyohumayo'ne hwosoho. Ose ulonto Jousepmmo ango'nji hwaho'nji mokosyohumayo'ne yofe engo mulimentisofoho.

¹¹ Oseso Jousep hwaho Ijip nomokosyohumentaningki wopayo nosyofahoningki mijoho engo i'mofapmmentisofoho. Neyakwosa hwaho Kenan sopo humamentohofoso mijoho uyimentisofoho.

¹² I oso'no Jekoup kako wopayo engo Ijip weho upa'nonto neyakwosamo Ijipmne'no lihwatimentisofoho.

¹³ Hwangku sohonta hofiko Ijipmne'no apa'no umentohofoso osohonta Jousep ulim ento, Ngko Jousep'nyoho. Ose ulahoningki hwe engo hwaho Ijip mokosyohumayo sohwo Jousep'ye a'amu sohwanne'no huno umentisofoho.

¹⁴ Oseso Jousep kaningkwohumne'no hungkuno lihwatimentisofoho. Jekoup'montohwa hofiko *sefenti-faififo* (75). Osomne'no Jousep lihwatimentisofoho.

¹⁵ Oso'no Jekoup Ijip'ne'no nowento osopo poyo pe'nimentisofoho. Neyakwosa osopo poyo pe'nimentohofofoho.

¹⁶ Hwangku sohonta hofikoe imuso hofikoe yokinoso Syekemne'no motawentifi oso sokimo somo yokinoso ho'nahumentohofofoho. Oso sokimo hwaho'njoso Apiloham hohonta Hemiye hwomu sohwanmo hamniyoho uyonto mpe imentisofoho.

17 Oso hungkuno Anitu Apilohammo ulimentisoso ne umo'nimonte'no yahonngki a'amu Isilaeliso pi'ningo engo imo'nimentohofoho.

18 Osohonta Ijipmjo hwe yofe engo'njo sohwo Jousepmne'no huno muyofoho.

19 Oso hwe huhwo sohwo neyakwosamo wonyo ulohofahonngki tohino engo ma'mentohofoho. Hwe engo sohwo ulimento, Sekwoe mehomi milongo imo'nifijoso melojwasiyo'ne'maho. Nuhwonngkuji foho'naofikuno. Osopo wape'nngkuhwono. Ose ulimentisofoho.

20 Hohosohonta Mouses hwomu wonyoangkafo sohwo imo'nngkahonngki kanngkwohwo'ya'u hamno hufa'u sihune uyakolo'mentisofoho. Hwomu sohomo angomo hiyaso mokosyohumentanngki

21 Mousesimo mempo hohnta'ni ho'nahumentisiyo sohonta hwe engo hwaho Ijip mokosyohumahoso kakoe mu Mousesimo uhwontohumayo ma'mentisofoho. Kakoe hwomu ne pa'nyo imo'nimentisofoho.

22 Ijipmjo hwe huno'njo sohwa Mousesimo yo'mayo so'no mesy-omti'mokutihwamentohofoho. Mouses huno engo manto hwe engo imo'nimentisofoho. Kakoe syohoso hungkunoso wopng'o'nohino hweho.

23 Mouses kakoe soswo *fouti* (40) uyokolofahonngki limento, Ngko nje a'amu ne Isilael somo uhwonamo.

24 Ose syafisyonto nowento uhwonimentisoso Hwe Ijip syoho ulohofiyo mokosyohumayo

sohwo a'amu Isilael sohomo wonyo ulohofontaningki Mouses nuhwononto syafi'hu'mento, Nje a'amu Isilael sohomo ufo'ma'mo lonto hwe Ijip+'njo sohomo fonjahumentisofoho.

²⁵ Hwe sohomo fonjasyonto Mouses huno ole syafi'syonto, Nje a'amu Isilaeliso ole huno syofi'syalokwofo, An+tu Mousesimo nefe'mayo'ne uhwatimaso hweho. Ose syafi'hu'mentisofoho. I oso'no a'amu Isilaeliso oso hunoso huno masyafi'siyo'njo imentohofofoho.

²⁶ Mo'n'inganta hwe Isilael sohwa'u ikujoho fongki'nontaningki Mouses nuhwononto, mtampo lohofonto ulimonto, Nje a'amu sohwahusi, Siko'n'ikwahisoho. Siko ikujoho peho'no fongki'nalokusiyo.

²⁷ Ose ulahon'ingki hwe fihwo kon'ingkwa'wehumo wonyo ulohofoso sohwo Mousesimo ilojaofonto ulimonto, Nakumo nemokosyohumayo'neso. Tihwo kilimasoto. Kiko nakwoe hungkunomo ito'no menehwajiyo'ne hwosilaho.

²⁸ Ou, kiko fosi hwe Ijip mta'ango sohomo fonjahumahnno hopa wofonjan+humonne'elaho.

²⁹ Ose ulahon'ingki Mouses nupa'nonto hiyae wento oso hwaho Ijip uliko'manto hwaho nom'ne Mitiyan humamentisofoho. Osopo nohumanto hwomu hufa'u tipema'mentisofoho.

³⁰⁻³¹ Soswo *fouti* (40) uyakolofahon'ingki hwe ahwomo mta'ango sohwo Mousesimo u'ma'mentisofoho. Mouses osohonta hwofiki'nyo Sainai mafone sopo a'amu anepo

humamentisofoho. Mouses nohumanto uhwon+hwojamentisoso iyoswo we'e so'mta'ni toho nto sijahon+ngki ose uhwononto, yomo yonto kako tيفونepo nowento toho hwap+ngo ho'mo so'mo uhwon+mentisoso hwe ahwomo mta'ango sohwo Mouses+imo ul+mento,

³² Ngko j+je ajuyohwosa Ap+lohamja, Aisak+ja, Jekoup+ja, hof+koe An+tu hwo'nyoho. Ose ula-hon+ngki An+tuye mampaho upa'nonto Mouses yomo yomo yonto iyoho un+ngkahon+ngki s+imo'mango akofaho hi'n+mentisofoho.

³³ Ose yahon+ngki An+tu ul+mento, Olo hwaho lopo ngko humaleno. Oso'no j+je sif+kwongo fosyo fiyojasyo.

³⁴ A'amu Ijip+iso nje a'amu Is+lael somo wonyo engo nolohofahon+ngkofi hof+ko tohino engo malokwofo so'no uhwon+ngkohefoho. Nje a'amufe youwo youwo upa'n+ngkohefoho. Hof+kimne'no ufo'mayo'ne pohono. Oso'ne'no Ijip+me'no wokuhwat+mo. Ose ul+mentisofoho.

³⁵ A'amu Is+lael+iso hof+ko Mouses+ye hungkunomo hwotoho nto hmmentohofofoho. Ole ul+mentohofi, K+ko nakwoe hwe engo hwosilaho. Nakwoe hungkunomo ito'no menehwajiyo hwosilaho. Mouses+imo ose ulohon+mentohofofoho. Huhwo sohomo An+tu nuhwajonto hwe engo mokosyohumayo'ne'nji ufo'mayo'ne sohomo uhwosopo'mentisofoho. Hwe ahwomo mta'ango toho we'e sohomo u'ma'mentiso sohwo Mouses+imo sosofitofosy-ohumamentisofoho.

³⁶ A'amu Is+lael Ijip nohumentan+ngkofi Mouses yo'mayo kengo wonyoangkafoso

yonto Ijip mta'ango a'amu somo ipemotamentisofoho. Soswo *fouti* (40) uyokolofontaningi oso hwaho a'amu ane sopo oso Mijo Ayo Sa'njo Hon'yo'nohino * pisongkotn'nawojo sopo Mouses yo'mayo kengo wonyoangkafoso imentisofoho.

³⁷ Oso Mouses huhwo sohwo a'amu Is'lael somo ul'imento An'itu sekwo'njo mta'ango hwe fihumo muhwosopenefoho. An'tuye hungkuno selohe sohwo ngko pa'n'ngo hweho.

³⁸ Oso Mouses huhwo sohwo a'amu Is'lael so'nji hwaho a'amu anepo humamentohofofoho. Hwe ahwomo mta'ango sohwo hwofiki'nyo Sainai sopo Mousesimo hungkuno uy'imentisofoho. Mouses neyakwosanjopo humentaningi An'itu Mousesimo hon'ingano hungkuno wop'ngo uy'imentisofoho. Oso hungkuno hiso nakwo hopi'nonohino hn'nwiyefoho.

³⁹ I oso'no neyakwosa kakoe hungkuno nakwolaho li'mentohofofoho. Hungkuno homo somo hwotoho hmentohofoso Ijipmne'no asomo wowantifi imentohofofoho.

⁴⁰ Oseso hofiko Elounimo ul'imentohofi, Nakumo ipenemotawe'nehwo an'itu nom'ne kengo mt'mojo. Mouses Ijip mta'ni nehwojoponto kako nt'mt'keno. Nakwo huno monaiyohoyohoho. Ose ul'imentohofofoho.

⁴¹ Hohosohonta yahu huyo'mango hwasyo an'itu kengo pa'nyo mt'mokontifi yahu nom'ne nofonjasyontifi an'itu huyo'mango hwasyo so-

* **7:36:** Iyoswo yofoho mjoso hunguno fiso oso mijo ayo sa'njo somo Hesi'amo so'no malinyofoho.

humo ulimentohofi, Olo yahu loso kikine'no fonjasyihwonefoho. Ose ulimentohofofoho. Olo hiloso hofikoe aho'nji imentohoho so'no simeho wopingo umo'n+mentisofoho. Oso'no hofiko elijwanimentohofofoho.

⁴² Oso'no Anitu hofikimo hohujo ikinjimofahoningki hofiko mofehi'nyo hwanji hamno hwanji hntokwaliyo hwanjimne'no hofiko hwomtame uloho'mentohofofoho. A'amu Anituye hungkuno mtimokumentohoho sohwa ole mtimokumentohofi, A'amu Isilael soku, sekwo oso hwaho a'amu anepo nohumentaningkuji soswo *fouti* (40) seyokolofontaningki ngkine'no yahu fonjahumentohofotaho. Awonoho.

⁴³ Sekwo anitu hwasyo Molouk kakoe hwapife ango molontifi motasimentohofofoho.

Nom'ne anitu hwasyo Lefan kakoe hntokwaliyo huyo'mango mtimokontifi motasimentohofofoho.

Oso hwamne'no hwomtame ulohomotofofoho.

Oso'ne'no Mpapiloun nongkihnta'ni wosehwatimo.

Ose mtimokumentohofofoho.

⁴⁴ Oso hwaho a'amu ane sopo neyakwosa hwapife ango molimentohofofoho. Anitu ne sohune'no hwomtame ulohofone molimentohofofoho. Oso hwapife ango hiso'no Anitu Mousesimo huyo'mango utihwanto ulimento, Olo pa'nyo moso. Ose ulahoningki hwapife ango molimentohofofoho.

⁴⁵ Neyakwosa hofiyakwosa mta'ango olo hwapife ango nomantifi Jousy'wa'nji motasontifi nom'ne a'amufe hwaho

ma'mentohofofoho. A'amu nom'ne hwaho'njo somo Anitu wae yaofonto hwaho hopo sopo neyakwosa humamentohofofoho. Oso hwapife ango hiso oso hwaho hopo sopo ne'no wentaningki Ntefit kakoe sikuno imo'nimentisofoho.

⁴⁶ Ntefit imo'ninkahoningki Anitu nuhwononto limento, Ntefit hwe wopingo hweho. Kakimne'no simeho wopingo nimo'ninkohoho. Ose lahoninkingi Ntefit Anitumo jomo ulimento, Jekoupiye Anitu hwosoho. Kiko'ne ango wamolimonne'no yohono.

⁴⁷ Ose ko lahoninkingi Ntefitiye hwomu Soulo-moun Anituye ango molimentisofoho.

⁴⁸ A'amu Anituye hungkuno limotofo sohwa ole limentohofi, Anitu Yo'mayo Yo'mayo Yakolo'nnyo sohwo ango a'amu hwahoponjo sohwa molifijo somo mohumanehoho.

⁴⁹ Anitu ole ulimento,
Ahwomo loso nje epohumayoponoho.
Hwaho hiloso nje sife ikwo'ofofoho.
Ngko'ne ango pipi molifitnnehoho.
Ngko nti'mo humamnehono.

⁵⁰ Yo'mayo hwapingoso tihwolo. Ngkonoho.

Anitu ose ulimentisofoho.

⁵¹ Sekwo a'amu hahn'nyo iyo'njo kuyoho. Sekwoe simeho'nji sekwoe huno so'nji a'amu nje hungkunomo haloho maposo'njo pa'nyo hwasoho. Nje Towahuno Wopingo somo sekwo seyakwosa hopa hwotoho fewo'ninkohofihwasoho.

52 Seyakwosa Anituye hungkuno limotofo hopi'nonohino sohwamo wonyoso ulohofiwo'nimentohofofoho. Anituye hungkuno limotofo sohwa ole selimotofi, Hwe Wopingo sohwo noponefoho. Ose selahoninkingofi sekwo hopi'nonohino somo fonjahumentohofofoho. Olohonta oso hwe wopingo sohwo nopahonngki sekwo osohumo tokoyo'ofu yontifi fonjahumentohofofoho.

53 A'amu huhwo sohwasi sekwo Anituye honingkano hungkuno a'amu ahwomo mta'ni selimentisoso ne masewo'nyofoho. Haloho miyo hwasoho. Sitifen ose ulimentisofoho.

Sitifenimo sojo'nji fonjahumentohofofoho.

54 A'amu *kaunisol* sohwa Sitifenye hungkuno nupa'nontifi huno nehopi ko uyahonngki simano hintotohino umningkahonngki mpuyo limentohofofoho.

55 Oseso Anituye Towahuno Sitifenimo u'mohulofahonngki, Sitifen ahwomomo uhwonimentisoso Anituye pomponaho mofehi'nyo pa'ningo uhwononto Jisas Anituye aho anga sohohta'ni nohumentanngki uhwononto, ulimento,

56 Uhwonimno. Ahwomo mtampotoho. Anituye hwomu Anituye aho anga hohnta'ni likofohumaho, uhwonalokweno.

57 Ose ulahonngki hofiko haloho pikunontifi mamuyo mjalimwentifi Sitifenimo ifeehu'mo uloho'mentohofofoho.

58 Sitifenimo aho yokumpohn'nyo nokentifi nomotawentifi angkuhwafopo mempo hohnta'ni nosutofafontifi sojo fongku'mentohofofoho.

Oso a'amu huhwo sohwa Sıtifenımne'no hwasyo hungkuno ulımentohoho sohwa hofıkoemanji'mofo yojomantıfi hwe songo Soulye huyo'mo ho'nahumentohofoho.

⁵⁹ Sojo ne'no ufonjontanıngkofi Sıtifen Anıtumo joho ulımento, Hwe Engo Jisas kıkono nje huyo'mangoso nımaho.

⁶⁰ Ose ulonto hwomtame yonto joho engo yokumpohn'nyo ulımento, Hwe Engofo olo wonyo ntohofohoho loso'no kıkono olo a'amu sohwo wonyo uyohotoho. Ose ulonto nıhu'nahone poyo pe'nımentisohoho.

8

Soul kako a'amu Jisasımo inıngkamotofo somo wonyo umokumentisohoho.

¹ Sıtifenımo fonjosyahonıngkofi Soul nohumanto ulımento, Sıtifenımo fonjasiyoso wopıngohoho. Ose ulımentisohoho. Oso mofehi'nyo somo Anıtuye a'amu ne Jerusalem humamentohoho somo a'amu kengoso wonyo engo uyomahonıngkofi tohino engo ma'mentohofoho. Oso'no Anıtuye a'amu neso nole'mofontıfi hwaho Jutiya, Someliya sopone'no humpo'mentohofoho. A'amu *apousel* sohwa hofıko'nohini Jerusalem humamentohofoho.

² Hwe Jisasımo inıngkamotofoso Sıtifenıye piıafoso motawentıfi ijopıjisyasyontıfi humotahohoho engo sulımentohofoho.

³ Soul huhwo sohwo a'amu Jisasımo inıngkawowo'nıngkohoho somo wae weeo'mo lonto a'amufe angomo noswonto a'amu homo

somo nohus+mpemotaponto impo'angomo
intofahumentisofoho.

*Anituye hungkuno a'amu Someliya sono
lut+hwamentisofoho.*

⁴ Oso a'amu Jelusalemno humpo'mentohofoso
ango kengo kengo sopo Anituye hungkuno
lut+hwamentisofoho.

⁵ Filip ango Someliya so pono nowento osopo
Jisasimne'no hungkuno lut+hwamentisofoho.
Anitu nakwoe hwahopo uhwat+mentiso sohwo
Jisasiyoho.

⁶ Ose ulahon+ngki a'amu hopi'nono
nupa'nontifi yo'mayo kengo wonyoangkafoso
Filip imentisoso uhwonontifi huno engo
syafi+hu'mentohofofoho.

⁷ A'amu sisi'masoho'njo towahuno
wonyo'njoso nohumantifi mamuyo engo lontifi
towahuno wonyoso uli'ko'ma'mentohofofoho.
A'amu a'apaho pompenjiyo songo songo
miyo'njoso a'amu sife wonyo'njoso wopi'ngo
umokumentisofoho.

⁸ Ose uhwonontifi simeho wopi'ngo
umo'n+mentisofoho.

⁹ Hwe fihwo Saimoun oso ango hopo sopo
humamentisofoho. Oso hwe huhwo sohwo kako
ki'nyo hwapi'ngo'njo hweho. Yo'mayo peefoso
huno'njo hweho. Saimoun uli'mojofoho, Ngko
huno hwapi'ngo'njo hwo'nyoho. Ose uli'mojo
hweho. A'amu Someliyaso Saimoun ne'no
pisopisaho limotofofoho.

¹⁰ A'amu hopi'nono yofe engo'njo so'nji
yofe engo ane so'nji a'amu hamniyoho'njo
so'nji hamniyoho umofonyo iyo so'nji

nihu'no hopi'nono Saimouniye hungkunomo nupa'nontifi ulimotofi, Saimoun hwe huno'njo hweho. Anituye yokumpohn'nyo hi'njo hweho. Ose limotofofoho.

¹¹ Saimoun yo'mayo kengo wonyoangkafoso imojo so'no a'amu kakoe hungkunomo iningkamotofofoho.

¹² Oseso Filip noponto Anitu enemokosyohumayo so'nji Jisas Kilais ntnne'no lutiwhahoningki a'amu hopi'nono Anitumo simeho hi'ntnnono uyahoningkofi hwe moya'mi'nji mijo kiyoma'mentisofoho.

¹³ Saimoun huhwo sohwo Filipiye hungkuno nupa'nonto simeho hi'ntnnono uyahoningki Filip kakimo mijo kiyoma'mentisofoho. Saimoun Filipi'nji nohumanto yo'mayo kengo wonyoangkafosomo nuhwononto pisopisaho limentisofoho.

¹⁴ A'amu *apousel* Jelusalem humamentohofosohwa ole upa'nimentohofi, A'amu Someliyaso Anituye hungkunomo tifi iningkamentohofofoho. Ose upa'nontifi Joun'nji Pita'njimo lihwatimentohofofoho.

¹⁵ Siko nowenji a'amu Anitumo iningkayo so'no jomo ole ulimentisi, Mpohwo ji je Towahuno Wopingoso a'amu somo uyo. Ose ulimentisiyefoho.

¹⁶ Hwapingoso Filip Jisasiye yofe lonto a'amu somo mijo kiyoma'mentisoso Anituye Towahuno Wopingo a'amu somo muhula'mo'mmentisofoho.

¹⁷ Pita'nji Joun'nji a'amufe mnokinopo aho kisoyahoningki Anituye Towahuno Wopingo

a'amu somo uhula'mo'mentisofoho.

18 Saimoun kako *apousel* sohwa'umo uhwon+mentisoso siko a'amu somo aho kisosyahon+ngki Anituye Towahuno uhula'mo'mentiso so'no uhwononto kakoe hamniyoho nomanto Pita'nji Joun'njimo ul+mento,

19 Nje hamniyoho nomahosi Anituye Towahuno ntapinyo. Ngko a'amufe mnokinopo aho kisasehumeso Anituye Towahuno uhula'mofono.

20 Ose ulahon+ngki Pita ul+mento, Oloso Anitu a'amu somo uyalokusoso mpe uy+monntaho. Kiko jije hamniyoho'nji tikanomo uhnnefoho.

21 Olo syohoso jije'maho. Anitu jije simehomo kohonalofoho. Wop+ngo'maho. Wonyo mnaweho.

22 I oso'no jije hon+ngkano wonyoso foho'namofo. Oso'no hohujo ikinjamofohoji Anitumo, Jije huno wonyo so'no wayo'ne jomo uso.

23 Jije hon+ngkano pisakino'njo hwosoho. Oso wonyo hiso kikimo yokumpohn'nyo kekisyohumaho.

24 Ose ulahon+ngki Saimoun kako Pita'nji Joun'njimo ul+mento, Siko ngkine'no Anitumo jomo ulinyo. Oso ntohino so'no ne mmo'nonehoho. Ose ul+mentisofoho.

25 *Apousel* sohwa'u Anituye hungkuno hopi'nonohino a'amu somo lut+hwanji Jelusalemno umentisiyefoho. Oso hon+ngkano hwaho Someliya sopo ango kengo kengo hopo sopo Anituye hungkuno lut+hwamentisiyofoho.

*Filip Anituye hungkuno hwe Itiy-
oupiyanta'ango sohumo lutihwamentisofoho.*

²⁶ Hwe ahwomomjo sohwo Filip+mo ul+mento, Kiko Jelusalem hon+ngkano sopo ni+huji ango Ngkasa hon+ngkano osomo fiwe. Ose ul+mentisofoho. Oso hon+ngkano hopo sopo a'amu mahumunyoponoho.

²⁷ Filip nol+kafonto umentisofoho. Kako hon+ngkanopo nohumanto uhwon+mentisoso, Hwe fihwo Itiyoupiyanta'ango sohwo hwe yofe engo'njo hweho. Oso hwaho Itiyoupiya sopo a'mu mokosyohumayosi kakoe yofe Kantasiyoho. Oso a'musiye hamniyoho hopi'nono hwe huhwo sohwo mokosyohumayo hweho. Kako An+itumne'no hwomtame uloho'mo lonto Jelusalemne'no umentisofoho. Ose yonto kakoe angopo ne'no asomo pmmentisofoho.

²⁸ Kako ijempoho sohwe kokapitofonjo somo nohumanto iyoswo hwe Aisaiya Anituye hungkuno li+mojo sohwo mt+i'mokumentisoso atofol+mentisofoho.

²⁹ Filip osohumo uhwon+ngkahon+ngki Anituye Towahuno Wop+ngo ul+mento, Kiko tيفونepo uhuji oso sohwe kakopitofonjo sohwoepono fiwano.

³⁰ Ose ulahon+ngki Filip fu li+mentisoso mafone sopo i'mofawento upa'n+mentisoso, hwe huhwo sohwo Aisaiyafe hungkuno atofolontan+ngki upa'nonto ul+mento, Oso hungkuno atofolalokunoso neso huno lakiyohoho.

³¹ Ose ulahon+ngki ul+mento, A'amu malontihwayoso ngko huno pipilo. Kiko ngkonjo lopo fisape. Filontihwaho.

32 Anıtuye hungkuno Aisaiya
mti'mokumentiso hwe huhwo sohwo atofu
limentisoso ole,

A'amu yahu *sipsip* fonjasiyopo ne'no ipemota-
womotofo hopa hwe sohmo ipemotawo-
mentohofofoho.

Yahu *sipsip* a'amu kakoe tohwa hm'motofo so-
honta yahu mampi'nyo imojo hopa hwe
huhwo sohwo mampi'nyo imentisofoho.

33 Oso hwe sohmo hwotoho fenti'fi hungkuno
tango'njo ikwolofu'neso hwasyo
limentohofofoho.

Ne'njo'maho. Kako wonyoso miyahon+ngki fon-
jahumentohofofoho.

Oso a'amu huhwo sohwoe wonyoso ti'hwu
lone'ento imentisoto.

Hofiko nofonjasyahon+ngkofi kako olo hwaho
lopo mohumamentisofoho.

Oso Aisaiya mti'mokumentisofoho.

34 Atofo ose lonto, Filip+mo ulimonto Ai-
saiya ti'humne'no mti'mokumentisoto. Kako
kakine'no hnnimentisotaho. Nom'ne hune'no
limentisotaho.

35 Ose ulohon+ngkahon+ngki Filip Anıtuye
hungkuno Aisaiya mti'mokumentisoso
yoloho'no nolonto Jisasiye hungkuno wop+ngoso
ulimentisofoho.

36 Siko hon+ngkanomo nowenji mijo we'e
uhwononji hwe Itiyupiyanta'ango sohwo
ulimonto, Uhwonyo. Mijo wojo lo'noho.
Hon+ngkano njisohwo pijwan+mokwoho ngko
mijo mokiyon+masosofo.

37 [Ose ulahon+ngki Filip ulimonto, Kiko
Anıtumo simeho hi'ntnnono nehopi uyoso

ngko mijo uyokuma'mnoho. Ose ulahon'ngki ul'imento, Eno. Jisas K'ilais Anituye Hwomu Ne sohune'no huno niyohoho.]

³⁸ Ose ulonto sohwe kokapitofo mta'ni siko nokotaponji mijomno umentisiyefoho. Osopo nohumahon'ngki Filip hwe sohomo mijo kiy-oma'mentisofoho.

³⁹ Mijo mta'ni simentisiyoso Anituye Towahuno Wop'ngo komo'no Filip'mo kengopo m'humati'mentisofoho. Hwe Itiyoupiyanta'ango sohwo Filip'mo apa'no muhwon'mentisoso simeho wop'ngo'nji kakoe angopo ne'no umentisofoho.

⁴⁰ Filip nom'ne angopo Asy'tout i'mofawento ang hopi'nonohino somo Jisasiye hungkuno wop'ngo lut'hwawento hwangku ang Sisaliya sopo i'mofamentisofoho.

9

Jisas kako Soul'ye hunomo yiwolo'mokahon'ngki Soul kakoe inomokomoyo imo'nimentisofoho.

(Apousel sohwafe Syoho 22:4-16; 26:9-18)

¹ Soul kako a'amu Jisasi'mo inomokomotofo somo wae weeo'mo lonto imentisoso hwe yofe engo'njo tajo ang syoho'njo sohomo ul'imento,

² Iyoswo mt'i'mokohoji ntape. Iyoswo hiloso nomotawe'mo, Ntomasi'kos a'amu tajo ang syoho'njo sohwo ut'hwamo. Ose ulahon'ngki uy'mentisofoho. Iyoswo ole limentisofoho, Soul a'amu Jisasiye hon'ngkanomo in'ngkwalokwofo somo not'ipemahwosi hwe moya'mi sofamo impe

11 Ose ulahon+ngki An+tu ul+mento, Kiko nol+kafohoji oso hon+ngkano Nto'nohinofu mul+mentohofu somo mpano. Osopo Jutas+ye angu somo hwe fihwo angu Taso+nta'angu sohwo kakoe yofe Souli+yoho. Osohumu uhwona.

12 Ngkine'no jomo ntonto wojo uhwon+ngkisoso ole uhwon+ngkoho hwe fihwo kakoe yofe Anonaiyas noponto kakoe mnokinopo aho kisusyahan+ngki t+mo wop+ngu umokohoho.

13 Ose ulahon+ngki Anonaiyas ul+mento, U, Hwe Engofo. Oso hwe sohumne'no hungkuno pi'n+ngu upa'n+malefoho. Kako j+je a'amu neso Jelusalem humalofo somo wonyo uloho'maso hweho.

14 Hwe yofe engo'njo tojo angu syoho'njo sohwo iyoswo uy+masofoho. Iyoswo hiloso j+je a'amu ne impe intofo'nefoho.

15 Ose ulahon+ngki An+tu ul+mento, Mpano. Olo hwe lohwo nje syoho ntohofiyo uhwasopo'mentohefoho. A'amu kengo so'nji hwe yofe engo'njo so'nji a'amu Is+rael so'njimo olo hwe lohwo nje yofe wolut+hwamte hweho.

16 Olo hilo so'no kako tohino engu nomane so'no ut+hwomonnoho.

17 Ose ulahon+ngki Anonaiyas nowento angu so'mo noswonto Souli+mo aho kisusyonto ul+mento, Nje n+ngkwahwo Soul, Hwe engu Jisas hon+ngkanopo uhwon+mahnno sohwo j+je t+mo wop+ngu kumokiyo so'no lon+hwaji so'no pohe hwo'nyoho. An+tuye Towahunu Wop+ngu s+me homo wokuhulo'ma'mtonoho.

18 Ose ulahon+ngki Souli+ye t+mo mta'angu fefo pa'n+ngu hu'mewasi lohofahan+ngki

timo wopingo imo'n+mentisofoho. Wopingo imo'nonto nolikofahonngki Anonaiyas kakimo mijo kiyoma'mentisofoho.

¹⁹ Kiyoma'mentisoso Soul wopayo nononto a'apaho yokumpohn'nyo imo'n+mentisofoho. Sikuno memjaofontanngki Soul a'amu Ntomasi'kos Jisasi'mo inomokommotofo so'nji humamentohofofoho.

Ntomasi'kos ango sopo Soul Anituye hungkuno lutihwamentisofoho.

²⁰ Soul komo'no Anituye syoho emanto a'amu Juta uhu'mokiyo ho'mo so'mo nowento Jisasi'mne'no ole lutihwamento, Jisas Anituye Hwomu hweho.

²¹ Ose ulahonngki a'amuso nupa'nontifi yomo yomo yontifi ole hnn+mentohofi, Olo hwe lohwo Jerusalemno a'amu Jisasi'mo jomo uli'wo'n+ngkohoho somo wonyo umokumaso hweho. Oso'no olopo pmmasofoho. A'amu somo impe intofihwosi hwe yofe engo'njo tajo ango syoho'njo sohumne'no womotawomtonoho. Oso hwe oso huhweho. Ose hnn+mentohofofoho.

²² Soul hwe engo pa'nyo imo'nonto kako Jisasi'mne'no hungkuno lutihwamentisofoho. Ole lutihwamento, Hwe Anitu nakwoe hwahopo uhwatimentiso sohwo Jisasi'yoho. Oso hungkuno nehopi ko lutihwahonngki a'amu Juta ango Ntomasi'kos sopo humamentohofoso nupa'nontifi honohono'no imentohofofoho.

Soul hiyaso lima'mentisofoho.

23 Sɪkuno pi'nɪngo memjaofahonɪngki a'amu Jutaso nuhu'mokontifi Soulɪmo fonjane'entifi hungkuno kotiku'mentohofofoho.

24 Soul oso hungkuno hiso upa'nɪmentisofoho. A'amu Jutaso kuso homohomo Soulɪmne'no ne'no uhwontohumamotofofoho.

25 Oseso sɪkuno fihumo Soul kakoe inomokommotofo sohwanji sokilojopo kotasontifi Soulɪmo sohwo ho'yo engomo kamentifi mempo hohnta'ni intofuyoho'mokumentohofofoho.

Soul Jerusalem humamentisofoho.

26 Hohosohonta Soul Jerusalemne'no nowento a'amu Jisasɪmo inomokommotofo sohwanji ufohi'nɪmo lonto ko yahonɪngki hofiko Soulɪmne'no iyoho unɪmentisofoho. Soul Jisasiye inomokomoyo ne sohune'no sɪmeho hi'ntnnono muyofoho.

27 I oso'no Mponopas Soulɪmo utimanto *apousel* sohwafepono motawomentisofoho. Mponopas ole ulɪmento, Soul honɪngkanopo nakwoe Hwe Engo Jisasɪmo uhwonɪngkahonɪngki hungkuno ulɪmasofoho. Soul Ntomasiikos a'amu somo Jisasɪmne'no hungkuno lutihwanto iyoho munɪmmaso hweho.

28 Ose ulahonɪngki Soul hofiko'nji nohumanto Jerusalem emoyonto Jisasi'ne'no hungkuno lutihwanto iyoho munɪmentisofoho.

29 A'amu Juta Ngkɪlik hungkuno'njo so'nji Soulɪ'nji hungkuno hnnontifi Jisasɪmne'no yoka hnnɪmentohofofoho. Hofiko Soulɪmo wofonjaofano lontifi imentohofofoho.

³⁰ A'amu Jisasimne'no inomokommotofoso oso hunoso uyahonngki Soulimo hwaho Sisaliyamne'no motawentifi ango Tasosimne'no uhwojamentohofofoho.

³¹ Hohosohonta a'amu Jisasimne'no inomokommotofoso Jutiyanta'ango so'nji Ngkalilinta'ango so'nji Someliyanta'ango so'nji hofiko wopingo humamentohofofoho. A'amu kengoso wonyo mulohofe'njo imentohofofoho. O'o simeho pompenjiyo'nji nohumantifi Jisasimo aho yokumpohn'nyo kemokosyohumamotofofoho. Anituye hungkuno haloho upeehonngkofi Anituye Towahuno Wopingo ufo'ma'mentisofoho. Hwe moya'mi pi'ningo engo nohotoswontifi a'amu ne imo'nimentohofofoho.

Pita kako ango Lita sopo a'amumo wopingo umokumentisofoho.

³² Pita ango ho'mo ho'mo emoyonto ango fipo Lita osopo nowento Anituye a'amu ne sonji humamentohofofoho.

³³ Oso ango hopo sopo hwe fihwo kakoe yofe Ainiyas humamentisofoho. Oso hwe huhwo sohwo kakoe a'apaho songo songo inyohwo'maho. Kako ijempohopo wentanngki soswo aho hopi'nono nom'ne nta'ni hufa'u sihune uyakolo'mojofoho.

³⁴ Pita osohumo nuhwononto ulimento, Ainiyas olhonta Jisas Kilais wopingo wakumokono. Filikaho. Jije ijempoho ito'no fesijwasyo. Ose ulahonngki Ainiyas komo'no lika'mentisofoho.

³⁵ A'amu ango Lita'nji Seloun'nji humamento-hofoso hwe sohomo uhwonontifi Jisasimne'no simeho yiwolo'mokumentohofofoho.

Ango Joupa sopo Pita a'amu poyo pe'nimentiso somo songo ulika'mentisofoho.

³⁶ Ango nom'nepo Joupa Jisas a'mu fisi inomokammosi kakoe yofe Tapita. A'amu Ngk+lik+so ole limotofo Ntoukas. Sikuno huhwo huhwi yahino wonyoangkafo imojosi a'amu umofonyo iyo somo ufo'ma'mojiyoho.

³⁷ Oso hohosohonta mnokino tipemanto pe'nimentisofoho. Kakoe pijafo mijo yaj+jwontifi ango tokilonjwa'mjo yokintahopo ho'nahumentohofofoho.

³⁸ Oso ango Joupa Lita'njopo mafoneponoho. Jisasiye inomokomoyo imotofo Joupa ango humamotofoso Pita ango Lita sopo humaho upa'nontifi hwe hufa'u sohwa'umo lihwojahon+ngkofi Pitamo ulimentisiyo. Kiko nakwo'nji fi+pe. Kiko nohontohumahotoho.

³⁹ Ose ulahon+ngki Pita nupa'nonto nol+kafonto umentisofoho. I'mofawentifi oso ango yokintaho sopo kotasimentohofofoho. Ap+wojo sofa Pita'njopo nolohofontifi humotaho lontifi manji'mofo, he, yo'mayo Ntoukas mt+mokumentisoso Pitamo utihwamentohofofoho.

⁴⁰ Pita ulimento, Sekwo mempo fohotohumno. Ose ulonto hwomtame yonto Anitumo jomo ulimentisofoho. Pita kakoe simo'mango ik-inji ehumanto a'musiye pijafo wentanjo sohohnta'ni ole ulimento, Tapita, fil+kaho. Ose

ulahonɨngki a'musi tɨmo hononto, Pitamo uh-wononto likofohumamentisofoho.

⁴¹ Pita kakoe aho nomanto ulɨka'mentisofoho. Nulɨkafonto Anɨtuye a'amu ne'nji apɨwojo ntnne'no joho ulonto a'mu songo hisimo utɨhwamentisofoho.

⁴² Olo hiloso Joupa sopo ho'nɨngkahonɨngki hwe moya'mi upa'nɨmentohofofoho. Oseso a'amu pi'nɨngo engo Jisasɨmo sɨmeho hi'ntnnono uyɨmentohofofoho.

⁴³ Oso ango hopo sopo hwe fihwo kakoe yofe Saimoun, yahwopaho mtɨ'mokiyo syoho'njo hweho. Oso hwe huhwo sohwo'nji Pita nohumentanɨngki sɨkuno pi'nɨngo memjao'mentisofoho.

10

A'amu ahwomo mta'ango sohwo hwe Kouniliyos osohumo u'manto hungkuno ulɨmentisofoho.

¹ Hwe fihwo Sisaliya sopo humamentiso sohwo kakoe yofe Kouniliyos. Oso hwe huhwo sohwo hwe yofe engo'njo hweho. A'amu Loum mta'ango itokuso'njo fehohnjo *wan hantɨlet* (100) oso hwamo mokosyohumamojo hweho.

² Hwe huhwo sohwo hofɨko'montohwa Anɨtumne'no hwomtame uloho'motofofoho. A'amu Juta umofonyo iyo somo ufo'ma'mojo hweho. Kako Anɨtumo jomo ulɨmojo hweho.

³ Sɨkuno fihwi akupo'nyo so'nji (3 *kɨlouk*) wojo hopa uhwonɨmentisoso hwe ahwomo mta'ango sohwo noswonto ulɨmento, Kouniliyos.

4 Ose ulahon+ngki Kouniliyos nuhwononto iyoho un+ngkahon+ngki ul+mento. Hwe engofo, peho'no pohino. Ose ulahon+ngki ul+mento, Ji+je hungkuno An+itumo ul+wo'n+ngkohinoso upa'n+wo'n+ngkiso hweho. A'amu umofonyo iyo somo ufo'ma'mahnnoso An+itu nuhwononto kikine'no huno wop+ngo syokuf+syalofoho.

5 Olohonta hwe fihwo ango Joupa sopone'no fil+hwajo. Saimoun Pitamne'no.

6 Oso hwe huhwo sohwo hwe nom'ne Saimoun'njomo humaho. Saimoun nom'ne sohwo yahwopaho syoho'njo sohwo kakoe ango mit+mom+ngopo molinyofoho.

7 Ose ulonto umentisoso Kouniliyos kakoe syoho ulohofiyo sohwa'u'nji hwe itokuso'njo sohwatne'no johu ul+mentisofoho. Oso hwe itokuso'njo Kouniliyos+'njo humamojo sohwo An+itumne'no huno syaf+ihu'mojo hweho.

8 Kouniliyos oso a'amu sohwo yo'mayo imo'n+imentiso so'no ulonto Joupamne'no uh-wat+mentisofoho.

Pita wojo hopa hon+ngkon+imentisofoho.

9 A'amu huhwo sohwa nowent+fi hon+ngkanopo saho fosyowo'mentohofofoho. Im+ingo ne'nji nol+kafont+fi Joupa mofonepo i'mof+wentan+ngkofi Pita ango tokilon-jwa'mjomo nohumanto hinjopo An+itumne'no jomo ul+imo lonto ant+ifepo kotas+mentisofoho.

10 Pita mijoho uyahon+ngki wopayo wan+imo nto ko yahon+ngki hof+iko wopayo sokafo esyohu-mentan+ngkofi Pita wojo hopa uhwon+mentisoso,

11 ahwomo mtompeehonɨngki hwapife mɨkunɨmposo ahwomo mta'ni pmmentisofoho. A'amu ahwomomjoso hwapife tokwajo oso-fosofahu'nohino somo nokemokoho'nowentɨfi antɨfepo pmmentohofofoho.

12 Hwapife ajwo ho'mo so'mo yo'mayo tongoso homa'nji yɨhufo'nji nohu'mehinowentanɨngki uhwononto,

13 mampaho ole upa'nɨmento, Pita, nolɨkafohoji tongo yɨhufo yo'mayo somo nofonjasyohoji hmnyo.

14 Ose ho'nɨngkahonɨngki Pita ulɨmento. Hwe Engo sohwozi, mimnehono. Tongo manilongoso manɨmnehono. O'o, manilongoso nakwoe honɨngkano hungkunoso nonɨngkutoho nalɨmojofoho.

15 Ose ulahonɨngki mampaho hiso apa'no ho'nɨmento, Yo'mayo Anɨtu wopɨngofoho lɨmentiso so'no wonyofoho eso nolohotoho. Ose ho'nɨmentisofoho.

16 Olo hiloso oso pa'nyo imo'nonto tɨfinjo apa'no imo'nonto ahwomomo nɨhu'nahone sɨmentisofoho.

17 Pita ose uhwononto huno pi'nɨngo engo syafɨsyonto huno uyɨmento, Oso uhwonɨngkoheso hwapɨngoso pipilo. Ose syofɨsyahonɨngki a'amu Kouniliyos uhwatɨmentiso sohwa ifawo'mentohofofoho. Ifawentɨfi Saimounɨye ango somne'no ulohonontɨfi nowentɨfi,

18 Saimounɨye hoku'yopo loho'mentohofofoho. Osopo lohofontɨfi joho ulɨmentohofi, Saimoun Pita olo ango lomo lohumaho. Ose

ulimentohofofoho.

¹⁹ Pita ahwomomjo uhwonimentiso so'no huno syofisyahonngki Anituye Towahuno Wopingo sohwo ulimento, Upa'nyo. A'amu hufa'u sihunehwa kikine'no tipeelokwofo.

²⁰ Oso'no nolikafohoji hofiko'nji fiwanimno. Huno pi'ningo engo syafisiyo'eno. Ngko uhwatimalefoho.

²¹ Ose ulahonngki Pita nowento a'amu sohwapo ulimento, Oso a'amu sekwo hafihafe tipeelokwofo sohwaso ngko Pita oloho hwo'nyoho. Sekwo peho'no pohoho.

²² Ose ulahonngki ulimentohofi Kouniliyos hwe yofe engo'njo a'amu itokuso'njo mokosyohumayo sohwo nalimaso'no pihwono. Oso hwe wopingo sohwo Anitumne'no huno syafihu'mojo hweho. A'amu Jutaso ole liwo'nngkohoho, Hwe wopingo hweho. A'amu ahwomomjo oso hwe huhwo sohomo ole ulima, Saimoun Pitamne'no filihwajo. Kakoe hungkuno upa'nimnoho. Ose ulahonngkofi,

²³ Pita nolutimanto mokosyawo'mentisofoho. Imingo ne'nji nolikafontifi Pita hofiko'nji a'amu nom'ne Jisasimo inomokomoyo imotofo Joupanta'ango sohwanji umentohofofoho.

Pita Kouniliyosye ango sopono umentisofoho.

²⁴ Nowentifi mo'nngkanta ango Sisaliya i'mofamentohofofoho. Kouniliyos kakoe pone kakoe temtifo so'nji a'amu nom'ne joho lihwatimentiso so'ntnne'no hontohumamentohofofoho.

²⁵ Pita wahumo lonto yahonngki Kouniliyos Pitamo nu'manto Pita kakoe huyo'mo

ipitofawo'mentisofoho. Pita kakoe yofe ho'nomayo'nefoho.

²⁶ I oso'no Pita nulikafonto ulimonto, O'o, ngko kiko pa'nyo hwo'nyoho.

²⁷ Pita'nji Kouniliyosinji hungkuno hnnonji angomo noswonji hwe moya'mi nuhu'mokontifi humentanngkofi u'ma'mentisiyefoho.

²⁸ Pita hofikimo ulimonto, Ngko a'amu Juta hwo'nyoho. Sekwo a'amu kengo kuyoho. Sekwo huno moi'wonoho. A'amu Juta hn'nwi nakwoe yahinoso ole, A'amu kengo so'nji mohumayo'njinwoho. Wopayo afapo nta'ni maniwon'ningkiyihwone'nwoho. O'o, wonyofoho limotohwone'nwoho. I oso hiso'no Anitu ole ntihwamasofoho. A'amu nom'neso hofiko a'amu Jutafe honingkano hungkuno so'no huno muyo somne'no wonyofoho lohotoho. O'o, a'amu hopi'nonohino Anitu afa'nohino uhwon'ningkisofoho.

²⁹ Ntihwahonngki sekwoe hungkunomo hwotoho mahmmalefoho. O'o nupa'nonji pohono. Peho'no lontima'malofu.

³⁰ Ose ulohonngkahonngki Kouniliyos ulimonto, Sikuno osofosofahu'no memjanimo'maso sohwo'ni ngko nje angomo akupo'nyo so'nji (3 *kilouk*) Anitumo ulontanngko hwe fihwo nem'no he ni'hu'no tingkaho'nyo'njo sohwo nje huyo'mo lohofonto

³¹ nti'ma, Kouniliyos, jije hungkuno Anitumo uliwo'ningkinoso upa'n'iwon'ningkohoho. A'amu umofonyo iyo somo ufo'mawon'ningkinoso Anitu nuhwononto huno wopingo syokufisyalofoho.

³² Oso'no Joupa ango sopone'no hwe fihwa Saimoun Pitamne'no filihwajo. Oso hwe huhwo sohwo hwe nom'ne Saimoun'njomo humaho. Saimoun nom'ne sohwo yahwopaho syoho'njo sohwo kakoe ango mit+mom+ngopo molinyofoho.

³³ Ose ntahon+ngki ngko komo'no hwe sohwa kohonyo'ne lihwat+malefoho. Ose'no kiko pohinoso wop+ngofoho. An+tu nakwo'nji humalohwono. An+tu yo'mayo hungkuno kijapmmasoso fonaso.

Pita Kouniliyos+ye angomo hungkuno ul+mentisofoho.

³⁴ Ose ulahon+ngki Pita uloma'mento, Olohonta ngko huno niyohoho. An+tu a'amu hopi'nonohino somo afa'nohino ulohof+wo'n+ngkiso hweho.

³⁵ An+tu a'amufe a'apaho so'no temtifofo so'no huno mosyaf+siyo'njofoho. O'o, a'amu An+tummo s+meho uyososo kakoe hon+ngkanomo in+ngkaweso sohumne'no An+tu s+meho wop+ngo umo'n+montonoho.

³⁶ Oso hungkuno An+tu a'amu Is+lael somo uy+mentisoso sekwo huno moi'wonoho. Hungkuno hiso ole, Jisas K+lais a'amu hopi'nonohinofe. Hwe Engo hweho. Kakoe syoho ole, An+tu'nji a'amu'nji s+meho afa inyo'ne imokuhwone hweho.

³⁷ Sekwo soku huno moi'wonoho. S+mo'mo Joun A'amumo Mijo Kiyoma'mojo sohwo hungkuno wop+ngo lut+hwamentiso sohonta Ngkalili sopo hungkuno hiloso emanto Jutiya ango ho'mo ho'meemo ho'n+mentisofoho.

38 Ole upa'n+imentohofoso Jisas Nasaletnnta'ango sohumo Anitu kakoe Towahuno'nji yokumpohn'nyo'nji nuyahon+ngki Jisas kako ango'meemo emoyonto a'amumo ufo'ma'mentisofoho. Hwe wonyo Seten osohwo a'amumo wonyo umokontan+ngki Jisas wop+ngo umokumentisofoho. Jisas kako'nohini umokumentiso'maho. O'o Anitu huhwo'njoho.

39 Nakwo a'amu *apousel* sohwna'ni yo'mayo Jisas a'amu Jutafe hwaho'nji Jelusalem sopo imentisoso uhwon+ment+hwone so'no selalokweno. Hof+iko Jisas+mo fonjinto'ofahumentohofofoho.

40 Nope'n+ngkahon+ngki sikuno hufa'u sihune memjaofahon+ngki Anitu ul+kofahon+ngki Jisas kakoe a'amu'njopo i'mofapmmentisofoho.

41 Nul+kofahon+ngki a'amu hopi'nono Jisas+mo uhwon+mentohofomaho. O'o Anitu Jisasiye hungkuno jo'ne nahwosopo'mentiso sohwna'ni uhwon+ment+hwonefoho. Jisas nope'n+ngkahon+ngki Anitu apa'no ul+ka'mentiso sohonta kako'nji wopayo hwa mijo hwa n+ment+hwonefoho.

42 Ole nal+mento sekwo nje hungkuno a'amumo yoloho filut+hwamno. Ole ul+mno. Anitu Jisas+mo uhwosopo'mentiso sohwo a'amu poyo pe'n+mentohofomaho so'nji songo humalofo so'njimo hungkuno ito'no m+hwajiyo'ne hon+ngkano yano ilof+hwajiyo'ne uhwosopo'mentisofoho.

43 A'amu hohonta Anituye hungkuno li'motofo sohwa kakine'no ul+imentohofofoho. Ole ul+imentohofi, A'amu Jisas+mo si'meho

hi'ntnnono uyifijo'manji Anitu hofikoe wonyo wae yaofonefoho.

A'amu temtitofo kengo somo Anituye Towahuno Wopingo uhula'mo'mentisofoho.

⁴⁴ Oso hungkuno Pita lontaningki a'amu upa'nimentohofu somo Anituye Towahuno uhula'mo'mentiso so'no

⁴⁵ Jisasimo inomokomotofo Joupanta'ango sohwa Pita'nji pmentohofu sohwa nuhwonontifi pisopisaho mjal+mwentifi yomo imentohofofoho.

⁴⁶ Ole upa'nimentohofi a'amu kengoso hungkuno kengo kengo lontifi Anitumo hungkuno wopingo isamoyoka'nji ulimentohofofoho.

⁴⁷ Pita nuhwononto ulimento, Olo a'amu loso nakwo hopa Anituye Towahuno ma'nnyofoho. Olo a'amu loso mijo nokiyomase'eno eso tihwo lonehoho. Awonoho.

⁴⁸ Ose ulonto ulimento, A'amu somo Jisasimne'no fikiyomapmno. Ose imentohofoso Pitamo ulimentohofi, Sikuno nom'ne memjaofihwoso'no nakwo'nji wohumano. Ose ulimentohofofoho.

11

A'amu Jelusalemmjo somne'no Pita kakoe hungkuno ho'nahumentisofoho.

¹ Nom'ne *apousel* sohwanji a'amu Jutiya humamotofo so'nji ole upa'nimentohofi, A'amu kengoso hofiko Anituye hungkuno nupa'nontifi tifi iningkamentohofofoho.

² Pita Jelusalemne'no sahonꝯngki a'amu Juta fehohnjo a'apaho sihu kolo'nyo yahino so'njo sohwa Pitamo yoka ulꝯmentohofoho.

³ Oso a'amu sohwa Pitamo ole ulꝯmentohofi, Kiko a'amu a'apaho sihu makolo'nnyo sohwanji humanji wopayo nimahnno hwosoho. Oso wonyofoho.

⁴ Ose ulahonꝯngkofi Pita yo'mayo imo'nꝯmentiso so'no yoloho ulꝯmentisofoho.

⁵ Ole ulꝯmento, Ngko ango Joupa sopo nohumanji Anitumo jomo ulonji wojo hopa uhwonꝯmentoheso, hwapife engo ahwomo mta'ango pmmentisofoho. Oso hwapife tokwajo osofosofahu'nohino somo a'amu ahwomomjo sohwa nokemokoho'nowentifi ngko'njopo pmmentohofoho.

⁶ Nopahonꝯngkofi hwapife ajwomo'mo uhwonꝯmaleso yo'mayo tongo, homa, yihufo somo uhwonꝯmentohefoho.

⁷ Ose uhwonꝯmentoheso ahwomo mta'ni mam-paho ole ho'nꝯmento, Pita filikaho. Oso tongo yo'mayoso nofonjasyohoji hmnyo.

⁸ Ose ho'nꝯngkahonꝯngki ulꝯmento, Hwe Engofo, ngkilaho. Tongo manilongoso maniwonꝯngkiyohe hwo'nyoho.

⁹ Ose ulahonꝯngko mampaho apa'no ho'nꝯmento, Yo'mayo Anitu wopꝯngofoho lꝯmentiso so'no wonyofoho eso nolohotoho.

¹⁰ Ose ho'nꝯngkahonꝯngki oso hopa hufa'u sihune imo'nꝯngkahonꝯngki nihu'nahone ahwomomno simentisofoho.

¹¹ Nosontanꝯngki hwe hufa'u sihune nje ango humayo sopo i'mofapmmentohofoho. Hwe

fihwo Sisaliyanta'ango sohwo ngkiyepono hwe hufa'u sihune sohwamo uhwatimentisofoho.

¹² Anituye Towahuno Wopingo ntimento, Oso hwanji fiwano. Huno pi'ningo engo syafisiyo'eno. Ose ntahoningki olo hwe aho hopi'nono fehohnjo anga'nohino sohwanji hofiko'nji Sisaliya'no umentihwonefoho. Nowentani Kouniliyosiye angomo humamentihwonefoho.

¹³ Kouniliyos nalimento, Hwe ahwomo mta'ango sohwo nje angomo nolohofonto ole ntimento, Kiko ango, Joupa'no a'amu filihwajo. Hwe yofe hufa'u'njo Saimoun Pitamne'no filihwajo.

¹⁴ Oso hwe huhwo sohwo hungkuno waselono. Hungkuno hiso nupa'ningkohoji kiko jije a'amu so'nji Anituye honingkano ne wotipemantifeho. Ose nalimentisofoho.

¹⁵ Ngko Anituye hungkuno ulimentaningko Anituye Towahuno noponto uhula'mo'mentisofoho. Oso hiso nakune'no simo'mo pmentiso hopafoho.

¹⁶ Ose uhwononji Jisasiye hungkunomne'no ole syafihu'mentoho, Joun a'amumo mijo'nohino kiyoma'mentiso so'no hwangu Anituye Towahuno Wopingo wosehulo'afono.

¹⁷ Simo'mo nakwo Hwe Engo Jisas Kilaisimo simo'hi'ntnono umentihwone sohonta kakoe Towahuno nejapmentiso hopaso oso a'amu kengo somo umentisofoho. Oso'no ngko Anitumo pijwohumayoso pipilo. Awonoho, Ngko a'amu hwo'nyoho. Pita ose ulimentisofoho.

¹⁸ Oso hungkuno hiso oso a'amu

yoka'njo sohwanji nupa'nontifi oso yokaso noho'naofontifi Anitumo isamoyoka ulontifi ulimentohofi, Anitu a'amu kengo somo simeho uwolomokuwo'n'ngkiso hweho. Hofiko hon'ngkano wonyo ho'naofikujo'manji oso a'amu somo Anitu songo ne'no humayo'ne uyimtonoho. Ose ulimentohofofoho.

A'amu Antiyok humamotofoso Anituye syohoso kahopi imentohofofoho.

¹⁹ Sitifenimo fonjahumentohoho sohonta a'amu Jisasimo in'ngkamotofo somo a'amu Jisasimne'no nakwolaho limotofo sohwa wonyo umokumotofofoho. Wonyo umokuwo'n'ngkahon'ngkofi hiyaso humpo'mentohofofoho. Nohumpentifi a'amu fehohnjo Founisiya sopo i'mofopahon'ngkofi nom'neso hwaho we'e Saipilos sopo i'mofopahon'ngkofi nom'neso ango Antiyok sopo u'mofapontifi oso hopo sopo a'amu Juta'nohino somo Anituye hungkuno lutihwamentohofofoho.

²⁰ I oso'no a'amu fehohnjo Jisasimo in'ngkamotofoso hwaho we'e Saipilosnta'ango so'nji a'amu nom'ne ango Sailininta'ango so'nji hofiko ango Antiyok sopo uhu'mokontifi a'amu kengo somo Jisasiye hungkuno lutihwamentohofofoho. A'amu Juta'maho. O'o, a'amu Ngkilik somo lutihwamentohofofoho.

²¹ Lutihwamentohoho somo Anituye yokumpohn'nyo yano uyahon'ngki hwe moya'mi kengoso Jisasimo simeho hi'ntnnono uyimentohofofoho.

22 Anituye a'amu ne Jelusalem humamotofoso oso hungkuno hiso'no nupa'nontifi Mponopasimo ango Antiyoukine'no lihwatimentohofofoho.

23 Mponopas i'mofawento uhwonimentisoso Anitu a'amu kengo somo wopingo umokumentisoso uhwononto kako simeho wopingo umo'nimentisofoho. Oseso kako a'amu somo hungkuno yano ole uyimento, Sekwo Anituye hungkuno iningo seyoen Kakoe hungkunomo aho yokumpohn'nyo fikemokosyohumamno. Kakoe huyo'mo fosyohumamno. Ose ulimentisofoho.

24 Mponopas huhwo sohwo hwe wopingo hweho. Kakoe simehomo'mo Anituye Towahuno toyo yamo'nyo hweho. Kakoe simeho hi'ntnnono Anitune'no yokumpohn'nyo unyo hweho. Oso'no a'amu pi'ningo engo Anitumo iningkamentohofofoho.

25 Osohonta Mponopas nolikafonto Tasosimne'no nowento Soul'imne'no hafihafe tipmentisofoho.

26 Notipemanto ango Antiyoukimne'no womentisiyefoho. Osopo Antiyouk a'amu Jisas Kilaisimo iningkamotofo so'nji nohumantifi hwe moya'mi pi'ningo engo somo Anituye hungkuno lutihwentanngki soswo anga'no uyakolo'mentisofoho. Antiyouk ango hopo sopo a'amu Jisasimo iningkamotofo somo yofe Kilais we'e'nwoho hnnoma'mentohofofoho.

27 Hohosohonta a'amu Anituye hungkuno limotofo sohwa Jelusalemnta'ango nuliko'mantifi Antiyoukimne'no umentohof-

foho.

²⁸ Hwe fihwo Anituye hungkuno limojo sohwo kakoe yofe Akaposiyoho. Osohumo Anituye Towahuno hungkuno uyahonngki Akapos nolikafonto, ole ulimento, Hwangku hwaho hopi'nonohino lopo mijoho engo u'mofapmmonteponoho. Hwangku sohonta hwe Kiloutiyos a'amu Loum somo mokosyohumamentiso sohonta oso mijoho engoso i'mofapmmentisofoho.

²⁹ Antiyoki'njo a'amuso oso hungkuno mijoho so'no nupa'nontifi a'amu Jutiya Jisasimo inngkamotofo somo ufo'mane'entifi hungkuno nano mtito'mentohofofoho. Ose mtito'mentohofoso hnnimentohofi, Hwe hamniyoho engo'njoso engo uyife. Hwe hamniyoho we'e'njo sohwa we'e uyife. Ose hnnimentohofofoho.

³⁰ Oso hiso yontifi hofiko Mponopas'nji Souli'nji hamniyohoso oso hwa'u uyohojiku'mo'mojiyofoho. Jerusalem a'amu Jisasimo inngkamotofo sofe hwe engo sohware uyimentisiyefoho.

12

Helout kako Jemisimo nofonjasyonto Pitamo impo'angomo intofahumentisofoho.

¹ Hohosohonta hwe yofe engo'njo Helout osohwo a'amu Jisas Kilaisimo inngkawo'nngkohofosomo wonyo umokumentisofoho.

² Hwe huhwo sohwo kakoe a'amu itokuso'njo sohware uhwojahonngki hofiko Jouniye

kola'wehwo Jemis oso hwi hosimno'nji fahumentohofoho.

³ Fahumentohoho so'no a'amu Juta nuh-wonontifi simeho wopingo umo'ninkahoninkgi Helout nuhwononto a'amu Jutafe simeho wopingo umo'nyo'ne Pitamo impo'angomo intofahumentisofoho. Hohosohonta a'amuso Sıkuno Engo uhwonimotofoho. Oso sıkuno so'no ole limotofo. Sıkuno hiso wopayo engo kamo'nnyoso ane nyo'nefoho limotofoho.

⁴ Osohonta Pitamo aho kento impo'angomo intofasyonto hwe itokuso'njo mtitofosofofahuh'nohino sohwamo umentisofoho. Hofiko Pitamo uhwontohumayo'ne hwafoho. Oso mtitofanga'nohino sohwa a'amu osofofahuh'nohino hwafoho. Helout huno ole unimento, Olo Anitu A'amu Isılael somo Uyakolo'mentiso somne'ne Syafisiyo Sıkuno Engo * moi'wo imo'ninkuhwoso'no ngko Pita sohumo hwe moya'mife timopo uhwatimo. Ose syafihu'mentisofoho.

⁵ Pita impo'angomo nohumentaninkgi a'amu Jisas Kilaisimo ininkawo'ninkkohofoso Pitamne'no Anıtumo jomo yokumpohn'nyo ufo'mayo'ne ulimentohofoho.

A'amu ahwomomjo sohwo Pitamo impo'ango mta'ni isihutofoma'mentisofoho.

⁶ Oso Sıkuno Engoso moi'wo umo'nimonte'no yahoninkgi Helout huno ole syafihu'mento, Mo'ninka ngko Pitamo hungkuno ulimo. Ose limentiso sohonta sıkwo'miyo somo Pita

* 12:4: Mt. 26:2 enjwa so'mo fehonolo'mongkomaho.

a'amu itokuso'njo sohwa'u'njo ajwo'mo saho foyowentan'ngki ahwomo nano hufa'u'nji into'mentohofofoho. Hwe nom'ne itokuso'njo sohwa hoku'yopo a'amu impo'angomjo sohwamo uhwontohumayo'ne'ent'fi loho'mentohofofoho.

⁷ A'amu ahwomomjo sohwo noponto impo'angomo humentisofoho. Noswahon'ngki iyohohopa longkon'mentisofoho. A'amu huhwo sohwo Pitafe hupepo hwan'ngo ufonjonto ul'mento, Komo'no fil'kaho. Ose ulahon'ngki ahwomo nano hufa'uyoso Pitafe aho mta'ni isihuto hmmokwaj'mentisofoho.

⁸ Oso a'amu huhwo sohwo ul'mento, Jije ahuloho yohoji s'fikwongofosyo fiyo. Ose ulahon'ngki Pita yahon'ngki ul'mento, Jije manji'mofo yohoji t'fi nn'ngkape.

⁹ Ose ulahon'ngki Pita hwe sohomo t'fi in'ngkowahon'ngki impo'angomo ul'ko'ma'mentisiyefoho. Oso hiso hwe ahwomomjo sohwo imentiso so'no Pita huno ito'no muy'immentisofoho. Wojo hopa hon'ngkon'mentisofoho.

¹⁰ Siko nowenji a'amu itokuso'njo s'imo'mjo sohwa impo'angomjo somo uhwontohumayo sohwa nohumentan'ngkofi uyakolofonji nom'ne a'amu itokuso'njo ayo saponjo sohwamo uyakolofonji hoku'yo ahwomo yokino'nohinoso siki hwosampo'n'ngkahon'ngki mempo hohnta'ni swol'kofawenji hon'ngkanomo umentisiyefoho. Osohonta hwe ahwomomjo sohwo Pitamo komo'no uhwot'i'ma'mentisofoho.

¹¹ Nuhwot'i'mofahon'ngki Pita kako huno ito'no uyahon'ngki ole l'mento, Ngko huno

niyohoho. Anitu kakoe a'amu ahwomo mta'ango uhwajiso sohwo Heloutiye aho mta'ni isi+hutofon+makwoho. A'amu Juta sohwanji Helouti+jonji yo'mayo wonyoso wontohofantifi imalofoso ne mmo'n+ngkohoyohoho.

¹² Huno ose uyahon+ngki Joun Makiye kona'wohi Maliyafe angomno umentisofoho. Oso ango somo a'mu pi'n+ngo nuhu'mokontifi Anitumo jomo ulontan+ngkofi,

¹³ Pita hoku'yo mempo mongkihnta'ni hwan+ngo fonjahon+ngki a'mu syoho ulohofiyosi kakoe yofe Louta, hoku'yo uhwosampo'mo lonto pmentisofoho.

¹⁴ Pitafe mampaho upa'nonto ole limento, U, olo Pitafoho. Ose lonto kakoe simeho wop+ngo umo'n+mentisofoho. Oso'no m+hwasampo'mmentisofoho. O'o haloho'no mupa'nonto hano kunto'no swonto ulimento, Pita hoku'yopo lohofoho. Ntopohoho.

¹⁵ Ose ulahon+ngki ulimentohofi, Kiko ilo'nnyo kiyoho. Ose ulahon+ngkofi kako yokumpohn'nyo imo'nonto ulimento, Awonoho. Kako nehopi pohoho. Ni'hu'no nehopi selohono. Ose ulahon+ngki hof+ko ulimentohofi, Kakoe huyo'mangofoho.

¹⁶ Ose lontan+ngkofi Pita hoku'yopo hwan+ngo ne'no fongku'mentisofoho. Hof+ko hano hwosampo lohofontifi uhwon+mentohofoso Pita nohumentan+ngki uhwonontifi yomo yomo imentohofofoho.

¹⁷ Mampi'nyo wohumafento Pita kakoe aho ho'noma'mentisofoho. Mampi'nyo humahon+ngkofi Pita ulimento, Anitu impo'ango

mta'ni isi:hutofon+hwatiso hwo'nyoho. Oso'no ulonto ulimonto, Sekwo Jemisi'nji nom'ne sohwanjimo olo hilo so'no ulimno. Ose ulonto mempo swaponto nom'ne ango kengopono umentisofoho.

¹⁸ Hwangku imingo'nji mofehi'nyo si'mofape so'nji a'amu itokuso'njo sohwa yomo yontifi ole hnn+mentohofi, Pita nt'imto.

¹⁹ Ose hnn+ngkahon+ngkofi Helout ulimonto, Sekwo Pitamne'no hafihafe fitipmno. Ose ulahon+ngki wonyopi tipmmentohofofoho. Oso'no Helout nom'ne a'amu itokuso'njo sohware ulimonto, A'amu Pitamo ito'no momokosyohumayo'njo imalofo sohware fonjahumno. Osohonta Helout hwaho Jutiya uliko'manto Sisaliya'no wento osopo humamentisofoho.

Helout poyo pe'nimentisofoho.

²⁰ Osopo nohumanto Helout a'amu Taiya'nji Saitoun ntnne'no yoka ulimentisofoho. Oso a'amu huhwo sohwa huno ole syafi+hu'mentohofi, Helout nakumne'no simano hintotolino umnalokusoso nakwo kakoe hwaho mta'ango wopayo mpe pipi yanehwono. Ose syafisyontifi nuhu'mokontifi Helout kakoe hungkunoso pompengo wonamofono lontifi limentohofofoho. Simo'mo hofiko Mpilasitos'nji hungkuno ito'no melihwat+mentohofofoho. Mpilasitos huhwo sohwo kako Helout+ye ango engo somo mokosyohumayo hweho. Hofiko oso yokaso wope'nono lontifi jomo ulimentohofofoho.

21 Oseso Helout a'amu so'nji nuhu'mokuhwasi hungkuno lane'ento s'ikuno ho'nahumentisofoho. Oso s'ikuno somo Helout a'amu mnokino engo'njo sohwafe hwapife wonyoangkafoso pa'nonto epohumayo wopingo engo sopo nohumanto hungkuno sawemo ulimentisofoho.

22 Ose lontaningki a'amu sohwa joho ulimentohofi, Olo hwe lohwo a'amu'maho. O'o Anitu pa'ningo hweho.

23 Helout ose upa'nonto huno syafihu'mento, Ou Anitu pa'nyo hwo'nyoho. Oso kakoe huno hiso Anitu nuhwononto a'amu ahwomomjo sohwo Helout+yepono uhwojahoningki Helout sohomo hwaningo fongku'mentisofoho. Nofonjahonjo sohonta pihnyo Helout+ye a'apaho nolongkwopmmokosyahoningki poyo pe'nimentono.

24 Anituye hungkuno ango'meemo ho'ningkahoningki a'amu pi'ningo engoso Jisasimo iningkamentohofofoho.

25 Mponopas+nji Soulnji Jelusalemne'no hamniyoho motawenji osopo syoho moi'wo esojwaofonji Joun Mak'nji Antiyouk+imne'no umentisiyefoho.

13

Hofiko Mponopas+nji Soulnjimo Anituye syoho iku'mofo'ne uhwatimentohofofoho.

1 A'amu Jisasimo iningkamotofo ango Antiyouk humamotofoso a'amu fehohnjo somo Anitu hungkuno uyahoningki lutihwamotofofoho. A'amu fehohnjoso a'amu

nom'ne somo mesyoluti

kofe yofeso olenoho. Mponopas, Simeyoun hwe wonisa'nyo sohwo, Lusiyos ango Sailininta'ango sohwo, Manain osohwo hwe yofe engo'njo Helout Tetilak, sohwo'nji humamojo sohwo, Souli'njoho.

² A'amu Jisasi mo iningkamotofoso nuhu'mokontifi wopayo manyo'njo yontifi Anitumo jomo ulontaningkofi Anituye Towahuno Wopingo ulimento, Sekwo Mponopasi'nji Souli'nji nom'ne syoho uyimale so'no uhwasopopmno.

³ Ose ulahoningki hofiko wopayo humaho ne'no humantifi Anitumo jomo ulontifi hwe sohwa'umo aho kisusyontifi sikimo uhwatimentohofofoho.

Hwaho Saipilos sopo Anituye hungkuno lutihwamentisiyefoho.

⁴ Anituye Towahuno Wopingo hwe sohwa'umo uhwojahoningki siko Selusiya'no umentisiyefoho. Osopo siko yofayokinomo nokotosahoningki hwaho we'e Saipilosine'no motowako'mentisofoho.

⁵ Nomotowekahoningki oso hwe huhwo sohwa'u Salomis ango sopo i'mofawenji a'amu Jutafe tajo ango hopi'nonohinomo Anituye hungkuno lutihwamentisiyefoho. Joun Mak siko'nji nohumantifi ufo'ma'mentisofoho.

⁶ Siko Salomis ango sopo uliko'manji emoyonji, hwaho we'e nongkihnta'ni ango nom'ne Pafous sopo ifawo'mentisiyefoho. Oso ango hopo sopo a'amu Juta fihwo kakoe yofe Mpajisasiyoho.

Oso hwe huhwo sohwo kako ki'nyo'nji peefo'nji hwoso'nji imojo hweho. Kako Anıtuye hungkuno hwasyo limojo hweho.

⁷ Mpajisas huhwo sohwo hwe yofe engo'njo Sesiyaş Poulos sohwoe a'amufoho. Sesiyaş Poulos sohwo hwe huno wopıngo'njo hweho. Kako Anıtuye hungkuno upa'nımo lonto Mponopası'nji Soulı'njine'no joho ulımentisofoho.

⁸ Mpajisas oso hiso'no nupa'nonto Mponopası'nji Soulı'njine'no ngkilaho lonto sotofo ulımentisofoho. Kako hwe yofe engo'njo sohomo ulımento, Anıtumo sımeho hi'ntnnono uyohotoho ulımentisofoho. Oso Mpajisas sohwo a'amu Ngkılık'i'njoso yofe nom'ne ole mulımotofi Elimasıyoho.

⁹ Soul osohwo nom'ne yofe ole Poulıyoho, * ulımotofofoho. Mpajisasiye Hungkunomo Poul nupo'nıngkahonıngki Anıtuye Towahuno Wopıngo kako Poulıye hunomo ufohotofahonıngki hwe hwoso sohomo sımano upento hungkuno yokumpohn'nyo ulımento.

¹⁰ Kiko Seteniye hwomu hwosoho. Kiko yo'mayo honıngkano wopıngo sofe mango hwosoho. Hwasyo hungkuno so'nji honıngkano wonyo so'nji yo'mayo hwahoponjo so'nji kiko hwapıngo hwosoho. Kiko Anıtuye

* **13:9:** Oso yofe Soulıyeso Hipılu hungkuno mta'ango imo'nyofoho. Oso yofe Poulıyeso Ngkılık hungkuno mta'angofoho. A'amu fıso hofıkoehuno ole, Soul sohwo Poulıyeso kakoe huno mta'angofoho syafıhu'mentohofofoho. Hwapıngoso kako Anıtuye hungkuno syoho a'amu Ngkılık ajwo so'mo yonto meehntımentisofoho.

hungkuno wopingo yiwolo'mokonji hwasyo lutihwamotnno hwosoho. Olo yahino loso moho'naofeso peho'neto.

¹¹ Kiko upa'nyo. Olohonta Anitu wonyo wakumokumontonoho. Kiko timpi'nyo imo'n'ingkohoji mofehi'nyoso muhwonhnehino. Hwangku apa'no nuhwonhnefoho. Ose ulahon'ngki Elimasiye timo komo'no timpi'nyo imo'n'imentisofoho. Timpi'nyo imo'nonto kako a'amu hon'ngkano utihwayo'ne hafihafe tippmentisofoho.

¹² Oso hiso'no hwe yofe engo'njo sohwo nuhwononto Anitumo simeho hi'ntnnono uyonto Anituye hungkuno Poul lutihwamentiso so'no yomo imentisofoho.

Ango Antiyouk Pisitiya osopo syoho imentisiyefoho.

¹³ Poul hwe nom'ne kako'nji emmotofo sohwanji Pafous ango sopo nuliko'mahon'ngkofi yofayokino nutimanto hwaho nom'ne Pamifiliya sopo ango Peka sopo kuhwojamentisofoho. I oso'no Joun Mak a'amu somo uhwotimofonto Jelusalemne'no umentisofoho.

¹⁴ Hofiko ango Peka uliko'mantifi nosontifi ango Antiyouk hwaho Pisitiya sopo simo'mentohofofoho. Sikuno iyoho humayo somo hofiko a'amu Jutafe tajo ango somo noswontifi osopo humamentohofofoho.

¹⁵ Mousesiye hon'ngkano hungkuno so'nji a'amu Anitu hungkuno uyahon'ngki lomotofosohwanjiye hungkuno so'nji atofolontifi hwe engo tajo ango syoho'njo sohwa Poul

kakoe a'amu ntnne'no lihwatimentohofofoho. Ole ulimentohofi, Nakwoe a'amu sohwasi, hungkuno yokumpohn'nyo nakwoe simehomo sosofitofonesyohumayo'ne hi'njo hwasimanji noho filimno.

¹⁶ Ose ulahoningkofi Poul nolikafonto aho ho'noma lohofonto ulimento, Sekwo a'amu Isilael soku sekwo'nji a'amu kengo Anitumo jomo uliwo'n'ngkohofu soku sekwo upa'nimno.

¹⁷ Anitu a'amu Isilael hn'nwiye Anituyoho. Kako nakwoe ajuyohwosamo uhwosopo'mentisofoho. Hofiko hwaho Ijip osopo kihn'nawo'nnyo hwafoho. I oso'no osopo nohumentaningkofi Anitu wopingo ulohofahoningki a'amu pi'n'ngongo engo'ni'mentohofofoho. Hwangku Anitu kakoe yokumpohn'nyo engo'nji a'amu homo somo hwaho Ijip mta'ni ipemotawento hwaho nom'nepo uhwojamentisofoho.

¹⁸ Hwaho a'amu anepo emoyontifi yo'mayo wonyoso yahoningkofi Anitu nuhwononto simeho tango umentisofoho. Osopo emoyontan'ngkofi soswo *fouti* (40) uyokolofahoningki,

¹⁹ a'amu temtifo kengo kengo aho fehohnta'ni hopi'nono nom'ne aho mta'ni hufa'u oso a'amu somo Anitu wae yaofonto hofikoe hwaho a'amu Isilael somo uyimentisofoho. Oso hwaho yofe Kenan+yoho.

²⁰ Hwaho hiso uyonto osopo a'amu hungkuno ito'no mihwajiyo'ne uhwosopo'mentisofoho. A'amu hungkuno ito'no mihwajiyo sohwa a'amu Isilael somo umokosyohumentaningkofi soswo

foua hantilet fifiti (450) uyakolo'mentisofoho. Uyokolofahon'ngki a'amu Anituye hungkuno lutihwamojo sohwo Samuel imo'n+mentisofoho.

²¹ Samuel nohumentan'ngki a'amu Isilaeliso Anitumo hwe yofe engo'njo sohune'no jomo ulimentohofofoho. Ose ulahon'ngkofi Anitu kako Kisiye hwomu Soul sohumo uhwosopo'mentisofoho. Kakoe temtifofo Mpenyaminiyoho. Soul yofe engo'njo a'amumo mokosyohumentan'ngki soswo *fouti* (40) uyakolo'mentisofoho.

²² Uyokolofahon'ngki hwe huhwo sohumo Anitu wae yaofonto, nom'ne hwe songo Ntefitimo uhwosopo'mentisofoho. Osohune'no Anitu ole ulimento, Olo hwe lohwo Ntefit Jesiye hwomu sohumne'no nje simeho nimo'n'ngkohoho. Yo'mayo ngko imesomo Ntefit wonn'ngka'mte hweho.

²³ Ntefitiye imu sohwo Jisasiyoho. Jisas huhwo sohwo a'amu Isilaelife wonyo engo tangoso Jisasiimo kotasimentisofoho. Oso hiso'no hohonta Anitu Ntefitimo ulimentisoso olohonta ne imo'nalofoho.

²⁴ Jisas mape sohonta Joun a'amumo mijo kiyoma'mojo sohwo a'amu Isilael somo lutihwamento, Sekwoe hon'ngkano wonyo pi'ningo engoso foho'naopmno. Anitumo simeho yiwolo'mokukuji tifi fin'ngkamno.

²⁵ Joun nje syoho moi'wo umono'nono lonto a'amu somo ulimento, Sekwo ngkine'no huno pipi seyalofoho. Sekwo hwe fihune'no hon-tohumalofoso ngko'maho. I oso'no we'enepo nopone hweho. Ngko hwe wop'ngo hwo'ni

kalohi oso hwe huhwo sohwe sifikwongo fosyo isihuto'mne'maho. Hwapingoso kakoe yofe yokintahoponoho. Ngko a'amu hwahoponjo hwo'nyoho.

²⁶ Nje a'amufo. Apilohamiye temtitofo so'nunonji a'amu temtitofo kengoso Anitumo jomo uliwo'n'ingkohoho soku, oso hungkuno hwe fihwo nakwoe wonyo so'no tango kotasone so'no nakune'no Anitu lihwatimentisofoho.

²⁷ Oso hwe huhwo sohwo Jisasiyoho. A'amu Jelusalem humamotofo so'nji hofikoe hwe engo sohwanji olo hwe sohumne'no huno ito'no muyofoho. Sikuno iyoho humayo homo homo Anituye hungkuno limotofo sohwafe hungkuno atofu lonti'fi haloho maposo'njo imentohofofoho. Anituye hungkuno limotofo sohwa ole mt'i'mokumentohofi, Oso hwe huhwo sohmo yo'mayo wonyo ulohopitnnefoho. Ose mt'i'mokumentohofofoho. Oso wonyo hiso hofiko uloho'mentohofofoho.

²⁸ Hofiko Jisasiye hon'ingkanu wonyo so'no huno ko tipenti'fi a'amuso Pailoti'mo ulimentohofi, Fonjinto'ofahumno.

²⁹ Anituye hungkuno limotofo sohwa yo'mayo Jisasi'mo wonyo ulohopitne so'no mt'i'mokumentohofoso olo a'amu huhwo sohwa wonyo hiso yonti'fi iyo hwojiyafiku'nnyo mta'ni motaponti'fi sokimo'mo ho'nahumentohofofoho.

³⁰ I oso'no Anitu apa'no songo ulika'mentisofoho.

³¹ A'amu Ngkalilinta'angoso Jisasi'nji Jelusalemno umentohofoso hohosohonta sikuno pi'n'ingo engo Jisasi'mo uhwonimentohofofoho.

Olohonta oso hwe huhwo sohwa hofiko
a'amu Isilael somo Jisasiye hungkunoso
lutihwalokwofo.

³² Oso'no olohonta Mponopasi'nji
ngko'nji Anituye hungkuno woselontayo'no
pihwayo. Anitu neyakwosamo hungkuno nto
ulimentisofoho.

³³ Olo hungkunoso olohonta ne
imo'nimasofoho. Hungkuno hiso ole, Anitu
Jisasi'no songo uliko'mentisofoho. Oso hiso'no
Ta'njo Iyoswo 2 somo ole mtimokumento,
Kiko nje hwomu hwosoho.

Olo sikuno lomo nje yokumpohn'nyo kijapm'mo
a'amu hopi'nono yofe wakuhwopife, ngko
hnnngkwo hwo'nyoho.

Ose mtimokumentisofoho.

³⁴ Nom'nepo Anitu kako Jisasi'no songo
likafo'ne apa'no poyo mape'nyo'ne so'no
Jisasi'mne'no ose ulimento,

Yo'mayo wopingoso uloho'mne'no Ntefitimo
uyimtoheso wokijapmmonne'no
yohono.

³⁵ Anitu nom'ne Ta'njo Iyoswo somo ulimento,
Kiko jije Hwe Wopingo Syoho Kilohofiy
sohumo ito'no esyohumusoso kako
nope'nngkuhwosi pisakino mowanehoho.

Ose ulimentisofoho.

³⁶ Nakwo Ntefitimne'no huno moi'wonoho.
Kako nohumanto Anituye hungkunomo
tifi inngkamojo hweho. Kako poyo
pe'nngkahonngki kakoe pijafoso ajuyohwosan-
jopo ijopijisyosyahonngkofi osopo pisakino
wa'mentisofoho.

³⁷ I oso'no hwe nom'ne sohomo Anitu uli'ko'mentiso sohwo pisakino mowasofoho.

³⁸ Nje a'amu soku oso'no sekwo huno ito'no waseyono. Nakwo olo so'no hungkuno woselantane'no yihwono. Olo hwe huhwo lohwo kako sekwoe wonyo wae weesemo'mto pmentiso hweho.

³⁹ Mousesiye honing'kano hungkuno sekwoe wonyo wae yaofoso hopa'maho. O'o, oso hungkuno hiso a'amumo wopi'ngo mmokiyofoho. I oso'no oso hwe huhwo sohwa Jisas kakoe hungkunomo tifi in'ngkafijoso sekwoe wonyo wae yasemofihwosi a'amu wopi'ngo wasemokumontono.

⁴⁰ I oso'no sekwo huno ito'no fisyafi'hupmno. Hohonta Anituye hungkuno limotofo sohwafe hungkuno mt'i'mokumentohofoso sekumne'no ne imo'nonoho.

⁴¹ Hungkuno ole,

Sekwo yo'mayo uhwon'wo'nontifi yo'mayo ne'njo so'no nakwolaho lalokwofo.

Sekwo oso'no huno syafi'hupifijoso poyo wope'nantifeho.

Sekwo nohumentan'ngkuji ngko yo'mayo wopi'ngo yalokwe so'no a'amu losetihwafijoso sekwo haloho mupa'n'fitnnehofo.

Hungkunomo si'meho hi'ntnono muy'fitnnehofo.

Oso hungkunoso Poul uli'mentisofoho.

⁴² Ose ulonto Pouli'nji Mponopasi'nji ango uhu'mokiyo somo woswopaho lonji yontan'ngki

ulimentohofi, Nom'ne sikuno iyoho humayo somo olo hungkuno hiloso apa'no fonalinyo.

⁴³ A'amu ango uhu'mokiyo somta'ni nohotoswopahon+ngkofi a'amu Juta fehohnjo so'nji a'amu kengoso Jutafe hon+ngkanomo in+ngkamotofo so'nji Pouli'nji Mponopasi'nji womentohofofoho. Siko a'amu homo somo ulimentisiyo, Sekwo Anituye hungkunomo tifi fin+ngkamno. Kako wopingo semokosyohumane so'no simeho ne'njo uyimno.

⁴⁴ Oso nom'ne sikuno iyoho humayo somo a'amu pi'n+ingo engo ango uhu'mokiyo somo Anituye hungkuno upo'nano lontifi uhu'mokumentohofofoho.

⁴⁵ Ose uhu'mokahon+ngkofi a'amu Jutaso a'amu pi'n+ingo somo uhwonontifi hintotohino umn+ngkahon+ngki Pouli'nji Mponopasi'ntnne'no nakwolaho lontifi sitofo ulontifi sikoe hungkunomo hwotoho hmmentohofofoho.

⁴⁶ Ose ko yahon+ngkofi siko iyoho munn+mentisofoho. Siko ulimentisiyo, Sekwo a'amu Juta soku Anituye hungkuno simo'mo sel+malohwoyo. Oso hiso sekwo nupa'nontifi hohujo ikinjao'malofofoho. Hohujo ikinjao'malofo kalohi songo ne'no mohumafitnnehofo. Sekwoe syohofoho. Upa'n+imno. Olo hilo so'no nekwo a'amu kengo somo Anituye hungkuno wolut+hwantayoho.

⁴⁷ Anitu ole nalimento,

Ngko a'amu kengo sofe pomponaho pa'nyo sehwsopehono.

Sekwo hwaho yawojo'meemo nje honingkano utihwanno.

Ngkimo ni'mayo'nefoho.

⁴⁸ Ose ulahoningki a'amu kengoso nupa'nontifi Anituye hungkuno so'no simeho wopingo umo'nimentisofoho. Anitu hohonta oso a'amu songo ne'no humayo'ne uhwasopo'mentisoso oso sikuno somo Jisasimo simeho hi'ntnono umentohofofoho.

⁴⁹⁻⁵⁰ Oseso Anituye hungkuno angomeemo ho'nimentisofoho. I oso'no a'amu Jutaso Pouli'nji Mponopasi'njimo sitofu ulontifi hwe yofe engo'njo sohwanji moya'mi hamniyoho'njo Jutajafe tajo angosomo syuwo'ninkohofoso so'njimo ulikofahoningkofi hofiko sitofoso nupa'nontifi Pouli'nji Mponopasi'njimo wonyo ulohomentohofofoho.

⁵¹ Pouli'nji Mponopasi'nji siko sifemjo hwahowae yao'mentisiyoso a'amufe honingkano wonyo utihwayonefoho. Wayo yaofonji ulimentisiyo, Olo wonyo elohofohofoso Anitu uhwoninkohoho. Ose ulonji ososongosopo nuliko'manji Aikouniyamne'no womentisiyefoho.

⁵² Anituye a'amu ne Antiyouk humamotofoso simeho wopingo umo'ninkahoningkofi Anituye Towahunonji humamentohofofoho.

14

Ango Aikouniyam sopo syoho imentisiyefoho.

¹ Oseso siko Antiyouk imentisiyo hopa Aikouniyam angosopo imentisiyefoho. Pouli'nji Mponopasi'nji siko Jutafe tajo angouhu'mokiyo

sopo Anituye hungkuno lutihwahonngki a'amu Juta fehohnjo a'amu kengo so'nji Jisasimo simeho hi'ntnnono umentohofofoho.

² I oso'no a'amu Juta fehohnjo simeho hi'ntnnono muyo'njoso hofiko Pouli'nji Mponopasi'njimo sitofo ulontifi a'amu kengo somo ulikofahonngkofi hofiko sikimo wonyo ulohomentohofofoho.

³ Pouli'nji Mponopasi'nji siko Aikouniyam ango sopo ne'no nohumanji Anituye hungkuno yokumpohn'nyo lutihwamentisiyefoho. Siko iyoho munnimentisofoho. Anitu sikimo sosofitofosyohumentanngki siko yo'mayo kengo wonyoangkafo itihwamentisiyefoho.

⁴ Oso ango hopo sopo a'amu fehohnjo *Apousel* Pouli'nji Mponopas sohwa'u'njimo simeho afa iningkahonngkofi nom'ne a'amuso nakwolaho limentohofofoho. Oso'no hofiko husilomentohofofoho.

⁵ A'amu Juta fehohnjo hofikoe hwe engo sohwa'ntne'no a'amu kengo fehohnjo so'nji uhu'mokontifi hnnimentohofi, Nakwo Pouli'nji Mponopasi'njimo sojo wofonjosyano lontifi imentohofofoho.

⁶ Siko oso hiso'no nupa'nonji hwaho Likouniyamno hiyaso umentisiyefoho. Osopo ango hufa'u ole, Lisitila'nji Ntepe'njoho.

⁷ Osopo Anituye hungkuno lutihwamentisiyefoho.

Pouli'nji Mponopasi'nji siko ango Lisitila sopo syoho imentisiyefoho.

⁸ Oso Lisitila ango hopo sopo hwe fihwo sife wonyo'njo sohwo humunyoponoho. Kona'wohi

aswo mta'ni ose'nohini ma'mentisofoho. Kako hano memayo'njo hweho.

⁹ Oso hwe huhwo sohwo Pouliye hungkuno nupa'nonto simeho hi'ntnnono uy+mentisofoho. Oso'no Poul uhwon+mentisoso kako sife wop+ngo umokiyo'ne syof+syahon+ngki uhwon+mentisofoho.

¹⁰ Poul hungkuno yokumpohn'nyo ul+mento, Kiko nol+kafohoji jje sife'nji fil+kofohumaho. Ose ulahon+ngki kako komo'no sol+kofapi lohofonto hano emmentisofoho.

¹¹ Oso Poul imentisoso hwe moya'mi nuhwonontifi hofikoe hungkuno mohm'no limentohofi, Anitu pi'n+ngo pi'n+ngo humalofo. Hufa'u hwa'u a'amu imo'nonji nakuyepono pisiyo hwaswoho.

¹² Ose lontifi hofikoe anitu sohwa'uye yofe Mponopas+nji Pouli'njimo mul+mentohofi, Mponopas Susiyoho. Poul hungkuno liwo'n+ngkiso sohwo Hemesiyoho. Ose mul+mentohofofoho.

¹³ Oso anitu Sus kakoe ango engo kakoe yofe ho'nomayo'ne yolohopo molinyofoho. Susiye ango mokosyohumayo sohwo ahwomo yahu'nji wokoso'nji kusomno motas+mentisofoho. Oso hwe huhwo sohwo'nji a'amu hopi'nonohino so'nji yahu'nji wokoso'nji Pouli'nji Mponopas+njimo uyantifi imentohofofoho.

¹⁴ Oso hiso'no Pouli'nji Mponopas+nji nupa'nonji yahino hiso nekwolaho lonji sikoe nem'no manji'mofo sis+mpo'mentisiyefoho. Siko hano hwe moya'mi'njopono nowenji ajwopo nta'ni joho ul+mentisiyefoho.

15 Ole ulimentisi, Oso sekwo a'amu soku peho'no yalokwofo. Nekwo a'amu hwoya'yoho. Sekwo hopa hwoya'yoho. Nekwo Anitu ne sohwoe hungkuno selalokuhwoyo. Sekwoe yo'mayo hwasyoso ho'nafo'ne'no selalokuhwoyo. Noho'naofikuji Anitu songo ne'no humayo'ne sohomo finingkamno. Kako ahwomo'nji hwaho'nji ayo'nji yo'mayo songo humayoso mtimokumentiso sohune'no selalokuhwoyo.

16 Anitu hohonta a'amu hofikoe yahino wonyo imotofo so'no uhwontohumamentisofoho.

17 I oso'no Anitu kako yo'mayo wopingo utihwa'nyopo nejapowo'nngkiso hweho. Anitu kako ahwomomo humanto ifoyo nejaponteso nakwoe yo'mayo nonyo wosopayo wopingo imofopalofoho. Wopayo nejaponteso nakwoe simeho wopingo nemo'nalofoho.

18 Ose ko ulahoningki hofiko Poulinji Mponopasinji yahu uyantifi yahoningkofi nekwolaho uliwo'nimentisiyefoho.

Poulimo sojo fongku'mentohofofoho.

19 A'amu Juta fehohnjo hwaho Pisitiya ango Antiyoknta'ango so'nji nom'ne a'amu Aikouniyam mta'ango so'nji Poul sohumne'no nakwolaho lontifi nopontifi a'amu nom'ne so'nji nuhu'mokinontifi Poulimo sojo'nji fongku'mentohofofoho. Nofonjontifi poyofoho lontifi mempo hohnta'ni mehusimpee'mentohofofoho.

20 I oso'no a'amu Jisasimo iningkamotofo sohwa Poulimo ho'nahumentohofoho sopo

uhu'mokahonɨngkofi Poul apa'no songo lika'mentisofoho. Nolikafonto angkuhwafo engo sopono asomo umentisofoho. Mo'nɨngka Poulɨ'nji Mponopasɨ'nji ango Ntepe sopono umentisiyefoho.

²¹ Poulɨ'nji Mponopasɨ'nji ango Ntepe i'mofawenji Anɨtuye hungkuno lutɨhwahonɨngki a'amu pi'nɨngo engo nupa'nontifi tifi inɨngkomotofofoho. Oso syoho hiso yonji siko nowenji Lisɨtɨla'nji Aikouniyam'nji hwaho Pisitiya ango Antiyok osopono asomo umentisiyefoho.

²² A'amu Jisasɨmo sɨmeho hi'ntnnono umotofo somo siko yokumpohn'nyo sosofito lohofonji ulɨmentisi, Sekwo Anɨtuye hungkuno yokumpohn'nyo fɨkesyohumamno. Olo hwaho lopo nohumehwasi yo'mayo tango'njo wohumantonoho. Oso'no hwangku sohonta Anɨtuye ango wopɨngo kakoe yokumpohn'nyo mokosyhumaso sopo wohumentɨhwantanoho. Ose lutɨhwamentisiyefoho.

²³ Ango ho'mo so'mo a'amu Jisasɨmo sɨmeho umotofo sopono Poulɨ'nji Mponopasɨ'nji a'amu anga'no anga'no uhwasopo'mentisiyefoho. A'amu Jisas Kilaisɨmo umotofo somo umokosyohumayo'ne hwafoho. Siko wosopayo humaho humantifi Anɨtumo a'amu somne'no jomo ulɨmentisiyo, Mpohwo a'amu kikine'no sɨmeho hi'ntnnono kijopalokwofoso olo a'amu lomo kiko umokosyohumaho. Ose ulɨmentisiyefoho.

Poulɨ'nji Mponopasɨ'nji siko hwaho Siliya ango

Antiyouk asomo umentisiyefoho.

²⁴ Osoponta'ango siko hwaho Pisitiya emoyonji ango Pamifiliya i'mofapmmentisiyefoho.

²⁵ Siko nowenji ango Peka sopo Anituye hungkuno lutihwanji ango Ataliya'no umentisiyefoho.

²⁶ Osoponta'ango yofayokinomo nokotosahonngki Antiyoukime'no wekapmmentisiyefoho. Hohonta oso ango Antiyouk ho'mo so'mo a'amu Jisasi'mne'no hitoho ulo'mojoso Pouli'nji Mponopasi'nji Anituye syohomme'no uhwojahonngkofi siko oso syoho hiso moi'wo yonji asomo pmmentisiyefoho.

²⁷ Siko Antiyouk asomo i'mofopahonngki a'amu hopi'nono uhu'mokahonngkofi siko yo'mayo yo'mayo Anitu imentiso so'no lutihwamentisiyefoho. Siko ole ulimentisiyo, Anitu a'amu kengo somne'no honngkano hwosompeehonngki hofiko simeho hi'ntnono umalofofoho.

²⁸ Ose ulonji osopo humamojijefoho.

15

Ango Jelusalem uhu'mokumentohofofoho.

¹ Hwe fihwa hwaho Jutiyanta'ango sohwa Antiyoukime'no pmmentohofofoho. Osopo a'amu Jisasi'mo inngkamotofo somo hungkuno ole lutihwamentohofi, Sekwo Mousesiye honngkano hungkuno a'apaho sihu kolo'nyo so'no tifi minngkayo'manji Anitu kako mosetimanefoho. Ose lutihwamotofofoho.

2 Oso hungkuno hiso Pouli'nji Mponopasi'nji nupa'nonji a'amu Jutiya nta'ango so'nji yoka ikujoho hopa hnnimentohofofoho. Oso'no a'amuso ole ulimentohofi, Pouli'nji Mponopasi'nji nom'ne a'amu Antiyouknta'ango so'nji Jelusalemmne'no fisimno. Osopo *apousel* nom'ne sohwanji hwe engo sohwanji olo hungkuno hilo so'no ito'no womihwojantifeho.

3 Ose lontifi uhwatimentohofofoho. Nowentifi hwaho Founisiya'nji Someliya'nji osopono nohumantifi oso ango sponjo a'amu somo ulimentohofi, A'amu kengo sohwa Anitumo hofikoe simeho uyalokwofo. Ose ulahoninkofi hofikoe simeho wopingo umonimentisofoho.

4 Jelusalem imofopahoninkofi osopo a'amu *apousel* sohwanji hwe engo sohwanji isamoyoka ulahoninkofi Antiyouknta'angoso yo'mayo Anitu imentiso so'no ulimentohofofoho.

5 A'amu Falisi fehohnjo Jisasimo ininkamotofu sohwa nolikafontifi ulimentohofi, A'amu kengoso Jisasimo ininkowalokwofoso hofikoe a'apaho sihu wakolo'nife. Ole ulimno, Sekwo Mousesiye honinkano hungkunomo tifi fininkamno. Ose ulimentohofofoho.

6 A'amu *apousel* sohwanji hwe engo sohwanji oso hungkuno hilo so'no ito'no meliwejiyo'ne uhu'mokumentohofofoho.

7 Oso hungkuno so'no ne'no lontifi lontifi Pita nolikafonto ulimento, Nje a'amufu, sekwo huno moi'wonoho. Hohonta Jisas kakoe syohoso nakumo nejapmmentisofoho. Osohonta a'amu kengo somo Anituye hungkuno lutihwayo'ne

nihwosopo'mentiso hwo'nyoho. Oso'no hofiko nupa'n'ngkuji simeho hi'ntnnono uyantifeho.

⁸ Anitu kako a'amufe simehomo huno uy'wo'n'ngkiso hweho. A'amu kengo somo Anitu kako hofikine'no simeho wopingo umo'n'ngkahon'ngki kakoe Towahuno Wopingo nakumo nejapmmentiso hopa uy'wo'n'ngkiso hweho.

⁹ Anitu nakumo a'amu kengo so'njimo yahino afa nelohofalofoho. Hofiko simeho hi'ntnnono Anitumo uyahon'ngkofi oseso Anitu kako hofikoe wonyo wae yaofalofoho.

¹⁰ Sekwo Anituye simehomo tango peho'no umokalokwofo. Mousesiye hon'ngkano hungkuno tango engo'njofoho. Oso tango hiso ajuyohwosanji nakwo'nji ito'no miyo'njo imotohwonefoho. Oso'no olo a'amu kengo somo oso tango hiso peho'no uyantife'no yalokwofo.

¹¹ O'o, Jisas kako nakumne'no hitoho ulofahon'ngki nakwoe wonyo'ne poyo pe'n'imentisofoho. Oso hiso'no nakwo simeho hi'ntnnono uy'hwaso'no kako wonet'ma'mtonoho. Oso'nohinofoho. A'amu kengoso hungkuno homo somo in'ngkafijo so'no Anitu ut'ma'mtonoho.

¹² Ose ulahon'ngki a'amuso nupa'nontifi mampi'nyo humentan'ngkofi Poul'i'nji Mponopasi'nji ul'imentisi, Siko a'amu kengo so'nji nohumanji yo'mayo kengo wonyoangkafoso Anitu it'hwamentiso so'no lut'hwamentisiyefoho.

¹³ Moi'wo lahon'ngki Jemis ul'imento, U, nje a'amufo, nje hungkuno upa'n'imno.

14 Saimoun Pita ole nalohi, s'imo'mo a'amu kengoso Anituye a'amu ne mmo'nyo'njo imotofofoho. Olohonta Anitu hofikine'no hon'ngkano imo'mentiso so'no hofiko kakimo in'ngkwalokwofo. Oso'no hofiko kakoe a'amu ne imo'nimalofofoho.

15 A'amu hohonta Anituye hungkuno lutihwamotofo sohwa olo hilo so'no mt'i'mokumentohofoso ole, Anitu l'imento,

16 Hwangku ngko nopmne hwo'nyoho.

Ntefitiye temtitofoso ango hopa p'iwahu'mentohofofoho.

Ngko wop'ingo imoku'mo ango songo hopa apa'no mol'imnefoho.

17 Osohonta a'amu kengoso ngkine'no tip'itnnefoho.

Oso a'amu kengo uhwosopo'mentoheso nje a'amu nefoho.

18 Oso hungkuno hohonta Anitu l'imentisoso ne'no lalofoho.

19 Oso hungkunoso Jemis nulonto nom'ne hungkuno ul'imento, Nje huno ole syof'isyalokweno. A'amu kengoso Jisas'imne'no huno uyahon'ngki simeho uyalokwofo somo syoho tango'njo uhwaloho.

20 O'o, nakwo hofikine'no iyoswo ifalifaliyo ole womt'i'mokano. A'amu hofiko hwasyo anitu somo y'ihufo uy'ifijoso sekwo non'ngkutoho. Sekwo a'mohufo ikutoho. Sekwo tongo honiyo hi'njoso non'ngkutoho. T'i'wangomo jilipopijoso non'ngkutoho.

21 Hohonta Mousesiye, hon'ngkano hungkuno a'amu Jutafe ango uhu'mokiyo sopo s'ikuno

iyoho humayo homo somo luti
sonta'angoso olohonta ose'nohini ne'no weho.
Jemi's ose uli^{mentis}ofoho.

A'amu temtitofo kengo Jisasimo
in^{ing}kowawo'n^{ing}kohoho somne'no iyoswo
mti'mokumentohofoho.

²² A'amu *apousel* sohwanji hwe engo sohwanji
a'amu Jisasimo in^{ing}kowawo'n^{ing}kohoho
so'nji hungkuno ole mtito^{ment}ohofi, Nakwo
Pouli'nji Mponopasi'^{ntn}ne'no hwe nom'ne
sohwanji Antiyouk^{mne}'no uhwojano. Ose
mtitofont^{fi} hofiko hwe nom'ne hufa'u Jutas'^{nji}
Sailasi'njimo uhwosopo^{ment}ohofoho.
Oso hwe Jutas sohwo kakoe yofe nom'ne
Mpasopasi'yoho. Oso hwe sohwa^{umne}'no a'amu
hopi'nono ole li^{mot}ofoho. Hwe wopi^{ngo}
hwa'uyoho.

²³ Iyoswo mti'mokont^{fi} hofiko'nji uy-
ohot^{ment}ohofoho. Iyoswo hiloso ole, Nakwo
apousel sohwna'nnonji hwe engo sohwanji
a'amu Jisasimo in^{ing}kowawo'n^{ing}kohoho
so'^{ntn}ne sekwo'ne iyoswo mti'mokalokuhwono:

Sekwo a'amu kengo soku Antiyouk, Siliya,
Silisiya sokune'no nakwo nakwoe a'amufu se-
lalokuhwono.

²⁴ Ole upa'nimalohwono, a'amu fehohnjo
oloponta'ango sohwa hungkuno tango'njo
selimalofoho. Hungkuno hiso'no
sekwo nupa'nont^{fi} huno pi'ⁿngo engo
syof^{syalok}wofo. Upa'n^{mno}. Oso hungkuno
hiso'no nakwo masejofoho. O'o hofikoe huno
mta'ⁿngo'nohinofoho.

25 Oso'no nakwo nuhu'mokontani hungkuno ole mtito'malohwono. Hwe engo hufa'u hwa'umo uhwosopentani, siko Pouli'nji Mponopasi'nji sekuye pone'no uhwojalokuhwono. Nakwo Pouli'nji Mponopas ntnne'no simeho afa wopingo uy'wo'n'ngkuhwonefoho.

26 Siko Jisasiye hungkuno ango'meemo luti'hwani iyoho munyofoho. Anitumne'no poyo pe'nyo so'no iyoho munyofoho.

27 Nakwo Jutasi'nji Sailas ntnne'no uhwojalokuhwono. Siko olo hungkuno iyoswo lomjoso woselanjiyoho.

28 Anituye Towahuno nakwo'nji olo hilo so'no simeho afa inalokuhwono. Hon'ngkano tango'njo mosejopalokuy'hwono. O'o, olomnohini tifi fin'ngkamno.

29 A'amu hwasyo Anitumne'no yahu y'hufo peefo'ne uy'fijoso sekwo non'ngkutoho. Sekwo tongo hon'yo non'ngkutoho. Ti'wangomo jilipopijoso non'ngkutoho. Sekwo a'mohufo ikutoho. Olo wonyo hiloso sekwo miyo'njo ifijo'manji wopingo wohumantifeho. Osohopeho.

30 Oso iyoswo mti'mokontifi a'amu sohwamo uhwatimentohofofoho. Antiyok ango sopo i'mofapontifi a'amu Jisasi'mo simeho umotofoso uhu'mokahon'ngkofi oso iyoswo umentohofofoho.

31 A'amu hiso iyoswo hiloso atofa lontifi, olo hungkuno hilo so'no simeho wopingo umo'n'mentisofoho.

32 Jutasi'nji Sailasi'nji Anituye hungkuno limojiyo sohwa'u hungkuno ne'no ulonji

yokumpohn'nyo usosofito'mentisiyefoho.

³³ Osopo ne'no humamentisiyefoho. Tifi sohonta uhwatimentohofosopo asomo uhwatimentohofofoho.

³⁴ [I oso'no Sailas Antiyokimo wohumamo lonto humamentisofoho.]

³⁵ Oseso Poul'nji Mponopasi'nji ango Antiyok sopo ne'no humanji a'amu nom'ne so'nji Anituye hungkuno lutihwamentohofofoho.

Poul'nji Mponopasi'nji siko mtampo'mentisiyefoho.

³⁶ Hwangku sohonta Poul Mponopasimo ulimento, Oso ango ho'mo so'mo Anituye hungkuno lutihwamentihwoyo sopo oso'mno wehwaho. Hofiko wopingo ko humalofo.

³⁷ Uhwonowaho. Ose ulahonngki Mpanopas ulimento, Nekwo Joun Makjanji wehwano.

³⁸ Ose ulahonngki Poul ulimento, Hohonta Joun Mak nekwo'nji nowentani ango Pamifliya osopo nta'ni eliko'manto asomo umentisofoho. Nekwo'nji syoho moi'wo miyo'njo imentiso hweho. Oseso nekwo'nji mowanewono.

³⁹ Oso'no Poul'nji Mponopasi'nji siko yoka hnnonji mtampo'mentisiyefoho. Siko nomtampenji Mponopasi'nji Mak'nji siko yofayokino nomanji hwaho we'e Saipilos sopo ne'no womentisiyefoho.

⁴⁰ Poul Sailasimo utimanto siko kengopo nowahonngki a'amu Jisasimo inngkowawo'nngkohofoso ulimentohofi, Anitu siko'nji wesoso wosefo'ma'mtonoho.

⁴¹ Ose ulahonngkofi siko nowenji hwaho Siliya'nji Silisiya sopo nowenji a'amu Jisasimo

inɨngkowawo'ningkohoho somo sosofitofosyohu-
mamentisiyefoho.

16

Timouti kako Pouli'nji Sailasi'nji umentohofoho.

¹ Poul ango Ntepe'nji Lisitila'nji sopone'no umentisofoho. Ango Lisitila sopo hwe fihwo Jisasi mo inɨngkawowo'nɨngkiso sohwo humunyoponoho. Kakoe yofe Timoutiyoho. Timoutiye kona'wohisi Juta apefoho. A'musi Jisasi mo inɨngkawowo'nɨngkisiyoho. Timoutiye kanɨngkwohwo a'amu Ngkilik nta'ango hweho.

² A'amu Jisasi mo inɨngkawowo'nɨngkohoho Lisitilanta'ango so'nji Aikouniyam mta'ango so'nji hofiko Timoutimne'no ole ulimentohofi, Hwe wopingo hweho.

³ Poul ole syafihu'mento, Ngko Timouti'nji wehwantae hwo'nyoho. Ose syafisyonto kako a'amu Jutafe yahino a'apaho sihu kolo'nyoso Timoutimo uloho'mentisofoho. Hwapingoso ole, A'amu Jutaso ango hopo sopo humamotofoso hofiko huno moi'wonoho. Timoutiye kanɨngkwohwo a'amu Juta hwo'maho. O'o Ngkiliknta'ango hweho. Oso'no kakoe hwomufe a'apaho sihu makolofe'njo imentohofofoho.

⁴ Ango ho'mo so'meemo Pouliyo Timoutiyo Sailasiyo hofiko nowentifi oso hungkuno a'amu *apousel* sohwanji hwe engo Jelusalem mta'ango sohwanji mtito'mentohoho so'no lutihwamentohofofoho. Ole ulimentohofi, Olo hungkuno hiloso tifi finɨngkamno.

⁵ Oseso a'amu Jisasi'mo in'ingkawowo'n'ingkohofofe simeho hi'ntnnonoso yokumpohn'nyo engo imo'n'imentisofoho. A'amu Jisasi'mo in'ingkawowo'n'ingkohofoso pi'n'ingo engo imo'n'imentohofofoho.

Poul ango Tɪlouas sopo wojo hopa uhwon'imentisofoho.

⁶ Nowentifi hwaho Fɪlijiya'nji Ngkolesiya sopo emoyontan'ingkofi Anituye Towahuno ul'imento, Sekwo hwaho Esiya sopo Anituye hungkuno nolut'ihwafikutoho.

⁷ Hofiko Misiya hwaho momingo sopo nowentifi Mpitiniya hwaho sopo wohwano lontifi ko imentohofoso, Jisasiye Towahuno hano pitofahumentisofoho.

⁸ Oso'no hofiko Misiya uhwontawentifi Tɪlouas ango sopo i'mofamentohofofoho.

⁹ Oso hopo sopo sikwo'miyo somo Poul wojo hopa uhwon'imentsoso hwe Masetouniyanta'ango sohwo nolohofonto Poulimo jomo ul'imento, Mijo lopo nowekohopohoji fonefo'maho.

¹⁰ Ose uhwon'ingkahon'ingki, nakwo, ngko Luk ntnne'no Masetouniyamne'no yo'mayo ito'no esyohumament'hwonefoho. Nakwo huno moi'wonoho. Anitu ole nal'imento, Sekwo nje hungkuno Masetouniya motakuji a'amu somo filut'hwamno. Ose nal'imentisofoho.

A'mu Litiya kako Anituye a'amu ne imo'n'imentisofoho.

¹¹ Oseso nakwo ango Tɪlouasnta'ango yofayokino nomentani nowekentani Samoutilas

i'mofiwentani mo'n'ingkanta Neyapolis
i'mofamentihwonefoho.

¹² Oso ango sopo ul'iko'mentani hon'ingkanomo
nowentani Filipai i'mofamentihwonefoho. Oso
ango hopo sopo hwaho Masetouniya sofe ango
engo ponoho. A'amu Loum mta'ango hwaho
mokosyohumayo sohwa osopo humamentohof-
foho. Sikuno fehohnjo oso ango sopo huma-
mentihwonefoho.

¹³ Sikuno iyoho humayo somo nakwo kusomo
noswopontani mit'mom'ingo sopo nakwo huno
ole syafi'hu'mentihwone, A'amu Juta olopo
An'itumne'no jomo ujo'no uhu'mokumotofofoho.
Osopo uhwon'imentihwoneso moya'mi sofa
nofosyohumentan'ingkofo uhwonontani nakwo
nujwokohumentani hofi'ko'nji hungkuno
l'imentihwonefoho.

¹⁴ A'mu fisi kakoe yofe Litiya ango Taiyotaila
nta'angiyoho. Kako ho'yo fae miyo'nohino
syoho'njiyoho. Oso a'musi kako An'itumo
jomo ul'mojiyoho. Kako nohumanto Pouliye
hungkuno upa'n'imentisofoho. An'itu a'musiye
huno yi'wolo'mokahon'ingki kako Pouliye
hungkuno yokumpohn'nyo upa'n'imentisofoho.

¹⁵ Nupa'n'ingkahon'ingki oso a'musi
kakoe angomo humamotofo so'njimo
nakwo mijo kiyoma'mentihwonefoho.
Nokiyomahon'ingkuhwoni a'mu hisi nal'imento,
Ngko An'itu ne'no simeho hi'ntnnono nehopi
syan'if'sy'kuji'manji sekwo nje angomo
nop'kuji fosyohumamno. Oso hungkunoso
yokumpohn'nyo nelahon'ingki kakoe angomo
humentihwonefoho.

*A'amu Filipai sohwa hofiko Pouli'nji
Sailasi'njimo impo'angomo uhu-
matimentohofofoho.*

16 Sikuno fihwi nakwo Anitumo jomo ujo'ne sopono nowentan+ngkuhwoni, a'mu siki syoho ulohofiyosi nakumo hon+ngkanopo ne'ma'mentisofoho. Oso a'mu hisi towahuno wonyo'njosi nohumanto hungkuno yo'mayo hwangku imo'nyo'neso limojiyoho. Oso hungkuno limojo so'no hofiyakwosa hamniyoho engo ma'mentohofofoho.

17 Oso a'mu hisi Pouli'nji nakwo'nji nonen+ngkawento a'amu somo uliwo'n+mento, Olo hwe lohwa Anituye syoho ulohofiyo hwafoho. Anitu nakumo asomo nemayo so'no wolosetihwantifeho.

18 Sikuno huhwo huhwi a'musi kako oso yahino ose yiwo'n+ngkiso so'no Poul simeho wonyo umo'n+ngkahon+ngki ikinjamo lohofonto towahuno wonyo sohomo ulimento, Jisas Kilaisiye yofe wakilmne'no yohono. Oso a'mu simo nuliko'mahoji mpano. Ose ulahon+ngki towahuno wonyo sohwo kunto'no uliko'ma'mentisofoho.

19 Uliko'ma'mentisoso a'musiye hofiyakwosa olo hiloso uhwon+mentohofoso hofikoe hamniyoho hwap+ngoso uliko'ma'mentisoso uhwonontifi Pouli'nji Sailasi'nji aho yokumpohn'nyo kentifi a'amu uhu'mokiyo sopo hwe engo sohwanne'no hus+mpemotawomentohofofoho.

20 Hwe engo Loum mta'ango hungkuno ito'no melihwajiyo'njo sohomo u'mantifi uli+mentohofi,

Olo hwe lohwa'u Juta hwa'uyoho. Nakwoe ango wonyo imokiyo'ne pisiyo hwa'uyoho.

21 Hiko honɨngkano nom'ne songo netɨhwalokusiyoso nakwo Loum honɨngkano'njo sohwna'niye hungkuno hohontajo somo mtɨhupeelofoho. Honɨngkano songoso minɨngkowanehwono.

22 Ose ulahonɨngkofi a'amu hopi'nono nupa'nontɨfi hwe sohwa'umo mango engo ulɨmentohofofoho. Hwe hungkuno melɨhwajiyo'njo sohwa Poulɨ'nji Sailasɨ'nji hikoe hwapɨfe mtɨhupeemofontɨfi a'amumo ulɨmentohofi, Sohwe'nji fongkupmno.

23 Nofonjantɨfi impo'angomo uhumatɨ'mentohofofoho. Uhumatɨ'mentohofoso hwe impo'angomjo mokosyohumayo sohomo ulɨmentohofi, Kiko hikimo yokumpohn'nyo mokosyohumaho.

24 Hwe huhwo sohwo hungkuno yokumpohn'nyo upa'nonto oseso ango ne ajwomo'mo nomotasonto sikoe sife iyomo intofahumentisofoho.

25 Kuntaliyopo Poulɨ'nji Sailasɨ'nji impo'angomo nohumanji Anɨtumo isamoyoka ulonji ta lontanɨngki a'amu impo'angomjo sohwa upa'nɨmentohofofoho.

26 Hohosohonta hwomɨhwo mɨkunɨmposo yahonɨngki impo'angomjo hwosaho yomo yomo yonto hoku'yo hopi'nono hwosompeefahonɨngki ahwomo nano hofɨkoe sife ahomjo itolo'meehumentisofoho.

27 Hwe impo'angomjo mokosyohumayo sohwo nolɨkafonto uhwonɨmentisoso hoku'yo

hopi'nono nohwosompo'nowo'miwentanꜱngki uhwononto huno ole syafiꜱhu'mento, Impe'njo sohwa hofiꜱko hiyae nto humpehofo lonto kakoe siꜱhu nomanto kakimo wojwotofahinꜱmonto imentisofoho.

²⁸ I oso'no Poul joho mohm'no ulꜱmento Kꜱko wonyo imokintoho. Nakwo hopi'nonohino sohwna'ni humalohwono.

²⁹ Ose ulahonꜱngki hwe impo'angomjo mokosyohumayo sohwo sikiloho'no joho ulonto, hano kunto kunto'no wento humentisofoho. Noswonto yomo engo yonto Poulꜱ'nji Sailasꜱ'njiye siꜱfe ki'nyo'mo piꜱwahu'mentisofoho.

³⁰ Poulꜱ'nji Sailasꜱ'njimo mempo hohnta'ni ipemotoswaponto ulꜱmento, Hiko hwe engo sohwhahusi, Anꜱtu niꜱfo'mayo'ne pipi imnehono.

³¹ Ose ulahonꜱngki ulꜱmentisi, Kꜱko Jisasꜱmne'no siꜱmeho hi'ntnnono uyo'manji Mpohwo Anꜱtu asomo nokumanefoho. Kakoe a'amu ne imo'ntnne hwosoho. Jiꜱje mehomi'nji ape'nji osenohinoho.

³² Ose ulonji hwe huhwo sohomo kakoe ango humamotofo so'njimo Anꜱtuye hungkuno lutꜱhwamentisiyefoho.

³³ Hohosohonta hwe huhwo sohwo Poulꜱ'nji Sailasꜱ'njiye uyomo mijo yatꜱku'mentisofoho. Yatꜱjwahonꜱngki oso hwe sohwo kakoe a'amu'njimo Jisasꜱmne'no mijo kiyoma'mentisiyefoho.

³⁴ Hwe impo'angomjo mokosyohumayo sohwo Poulꜱ'nji Sailasꜱ'njimo kakoe angomo ipemotasonto wopayo umentisofoho. Oso hwe huhwo sohwo kakoe mehomi intohwantnne'no

Anitumne'no simeho hi'ntnnono uyoso'ne simeho wop'ingo umo'nimentisofoho.

³⁵ Iyoho longkon'ingkahon'ingki hwe engo Loum mta'ango sohwa hofi'ko hwe itokuso'njo sohwa mo lihwojahon'ingkofi hofi'ko hwe impo'angomjo mokosyohumayo sohomo ul'imento, Oso hwe hufa'u sohwa'umo s'ikwatipo filohoho.

³⁶ Ose ulahon'ingkofi hwe huhwo sohwo Poul'mo hungkuno ul'imento Hwe engo Loum mta'ango sohwa woses'ikwojantife'no hungkuno lihwojahoho. Oso'no siko impo'ango mta'ni uli'ko'mahosi simeho pompenjiyo'nji fi'waninyo.

³⁷ Ose ulahon'ingki Poul kako hwe itokuso'njo sohwa mo ul'imento, O'o oso yahino wop'ingo'maho. Nekwo Loum a'amu hwoya'yoho. Fosi nekwo wonyo miyo'njo yahon'ingkuhwoi sekwo wonyo elohofontifi uti'hwani'nyopo ikujoho efongku'malofofoho. Hungkuno ito'no melihwajiyo'njo miyontifi impo'angomo siki intofo ehumalofi'hwaso. I olohonta elohoho, Siko hiyae hano uhusisi fi'waninyo. Oso yahino ni'hu'no wonyofoho. Hwe engo Loum mta'ango sohwa nekumne'no nop'ikui mempo hohnta'ni ipemotewahon'ingkuji nekwo wohwantayoho.

³⁸ Ose ulahon'ingki a'amu itokuso'njo sohwa oso hungkuno hiso motowahon'ingkofi hwe engo Loum mta'ango sohwa nupa'nontifi Poul'i'nji Sailasi'nji Loum a'amu sohwa'une'no iyoho unimentisofoho.

³⁹ Oso'no hwe engo sohwa impo'angomne'no

nowentifi Pouli'nji Sailasi'njimo simeho wopingo umonyo'ne'entifi ulontifi mempo hnta'ni ipemotaswontifi ulimentofofi, Siko olo ango lopo uliko'mahosisi mpannyo.

⁴⁰ Ose ulahon'ngkofi Pouli'nji Sailasi'nji impo'angomo uliko'manji Litiyafe angomo humentisiyefoho. Osopo a'amu Jisasi'mo in'ngkowawo'n'ngkohoho so'nji nuhu'mokontifi hungkuno simehomo'mo nusosofitofonji uliko'ma'mentisiyefoho.

17

A'amu Tesolounikaso Pouli'nji Sailasi'njimo ikujoho wofonjantifi imentohofoho.

¹ Pouli'nji Sailasi'nji ango Amifipoulisi'nji Apolouniya'nji uhwontawenji ango Tesolounika sopo i'mofapmmentisiyefoho. Osopo a'amu Jutafe tajo ango loho'nnyoponoho.

² Poul sikuno iyoho humayoso engolopohamo kako tajo angomo umojo sohwo hofikoe tajo angomo hofiko'nji humentisofoho. Sikuno iyoho humayo hufa'u sihune somo Poul Anituye iyoswo mta'ango hungkuno hwapingo lutihwamentisofoho.

³ Ole lutihwamento, Anituye hungkuno ole nalimento, Hwe fihwo nopihwosi tohino engo nomahwosi nope'n'ngkuhwosi apa'no nolikafonefoho. Ose nalimentisofoho. Oso hiso'no Anitu nakwoe hwahopo uhwat'mentiso huhwo sohwo Jisasi'yoho. Osohune'no selalokweno.

⁴ Pouliye hungkuno upa'nontifi a'amu fehohnjo oso hungkuno hiso simeho

hi'ntnnono uyontifi Pouli'nji Sailasi'njimo in+ngkamentohofofoho. Oso a'amu hiso fehohnjo Ngk+lik a'amu Anitune'no tajo ango somo uhu'mokumotofofoho. Hwe engo sohwafe moya'mi sofانji in+ngkamentohofofoho.

⁵ I oso'no a'amu Juta fehohnjo honimo yontifi hofiko hwe wonyo a'amu uhu'mokiyo sopo siki humawo'n+ngkohoho sohwafo nomantifi nom'ne hwe moya'mi'nji uhu'mokontifi mango engo liwo'n+mentohofofoho. Ose yahon+ngkofi a'amu hopi'nonohino simano hintotohino umn+ngkahon+ngki Jesouniye angomo kikito'mentohofofoho. Hofiko Pouli'nji Sailasi'njine'no notipeentifi ut+hwa'nyopo womuhumojano limentohofofoho.

⁶ Ose ko limentohofoso wonyopi tpeentifi Jesoun oso hwo'nji a'amu Jisasi'mo in+ngkawowo'n+ngkohoho nom'ne so'njimo hwe engo hwaho mokosyohumayo sohwafo'no hus+mpentifi mango engo mohm'no ul+mentohofi, Olo hwe hufa'u lohwa'u siko hwaho hopi'nonohinopo yahino wonyo yonji olohonto olopo humasiyo.

⁷ Olo Jesoun lohwo hikimo kakoe angomo motawomasofoho. Hiko nakwoe hwe engo Sisafe hungkunomo hwotoho fewo'n+ngkisiyo hwa'uyoho. Ole limentisiyo, Hwe yofe engo'njo hwaho mokosyohumayo ne sohwo Jisasi'yoho.

⁸ Ose ulahon+ngkofi a'amu hopi'nono nupa'nontifi hwe engo huhwanji simano hintotohino umn+mentisofoho.

⁹ Hwe engo sohwa Jesoun'nji a'amu Jisasi'mo in+ngkawowo'n+ngkohoho nom'ne so'njiye

hamniyoho we'e nomantifi usihutofahonɔngkofi hofiko umentohofofoho.

Ango Mpeliya sopo Pouli'nji Sailas'nji syoho imentisiyefoho.

¹⁰ Oso sikwo'miyo somo sikuno meefahonɔngki a'amu huhwo sohwa Pouli'nji Sailas'nji Mpeliya angosopo komo'no uhwatimentohofofoho. Osopo i'mofaponji a'amu Jutafe tajo angosomo humentisiyefoho.

¹¹ A'amu Mpeliyaso huno wopingo'njofoho. Hofiko a'amu nom'nefe hungkunomo upa'n'iwonontifi huno ito'no syafihu'motofofoho. A'amu Tesolounika pa'nyo'maho. O'o, Pouliye hungkunomo sikuno huhwo huhwi upa'n'iwonontifi Anituye iyoswo somo hungkuno atofolimotofofoho. Ole syafihumentohofi, Pouliye hungkuno nehopitikeno. Anituye hungkunomo uhwonano. Ose syafisyontifi Anituye hungkunomo atofoliwo'nimentohofofoho.

¹² Anituye hungkuno atofolontifi Pouliye hungkuno ne'njo uhwonontifi Jisasimo simeho hi'ntnnono umentohofofoho. A'amu hiso fehohnjo Ngkilik a'amu hwe moya'mi yofengo'njofoho.

¹³ A'amu Juta Tesolounika humamotofoso Poul Mpeliya angosopo Anituye hungkuno lijwaofahonɔngki nupa'nontifi nolikafontifi Mpeliya angosoponpmentohofofoho. Osopo a'amufe huno yiwolo'mokontifi fonifonyo yahonɔngkofi a'amuso simano hintotohino umnimentisofoho.

14 Oso hiso'no a'amu Jisasimo in'ngkawowo'n'ngkohofoso nupa'nontifi Poulimo mijo ayo mom'ngopo komo'no uhwat'mentohofofoho. I oso'no Sailasi'nji Timouti'nji siko Mpeliya ango sopo humamentisiyefoho.

15 A'amu Poulimo ipemotawomentohoho sohwa ango Atenis i'mofawentifi osopo Poul ole lihwat'mento, Sailasi'nji Timouti'nji siko komo'no wapiyo. Ose ulahon'ngki a'amu sohwa Poulimo uliko'mantifi kakoe hungkuno motas'mentohofofoho.

Ango Atenis sopo Poul hungkuno ul'mentisofoho.

16 Poul ango Atenis hwe hufa'u sohwa'umne'no uhwontohumanto sojo huyo'mango kengo kengo uhwon'mentisofoho. Oso huyo'mangoso a'amu hwomtame ulohofone mt'i'mokumentohofofoho. Poul nuhwononto simeho tango umentisofoho.

17 Oso'no Poul a'amu Jutafe tajo ango somo noswonto osopo a'amu Juta so'nji a'amu kengo Anitumne'no jomo ulimotofso so'nji Anitune'no hungkuno hnniwo'n'mentohofofoho.

18 A'amu huno hwap'ngonjoso fehohnjo Epikuliyan hon'ngkanomo in'ngkamotofso so'nji fehohnjo Sitouik hon'ngkanomo in'ngkamotofso so'nji Poul'nji yoka ikujoho pa'nyo hnn'mentohofofoho. Yo'mayo Jisas imentiso so'no kako poyo pe'nonto apa'no songo lika'mentiso so'no Poul kako hofikimo ul'mentisofoho. Oso hungkunoso nupa'nontifi

fehohnjo ole hnn+mentohofi, Olo hwe huno ane hweho. Kako ne'no liwo'n+ingciso lohwo pehofo hungkuno lalofoho. Nom'ne fehohnjo ole hnn+mentohofi, A'amu kengofe an+itu huyo'mango so'no lalofoho. Ose hnn+mentohofofoho.

¹⁹ Oseso hofi+ko Poul+mo nomant+fi a'amu *kaun+sol* Aleyoupakos+injo sopo uhumajont+fi, Olo hungkuno songo lalokunoloso nakwo huno wonaimonte'no yalofoho.

²⁰ Ji+je hungkuno fehohnjo songoso nakwo huno ito'nohino'maho. Olo hungkuno hwap+ngoso nakwo huno wonayono. Ose ul+mentohofofoho.

²¹ A'amu Aten+is so'nji a'amu nom'ne osopo humamentohof+o so'nji hofi+ko hungkuno songo upa'nont+fi oso hiso'no ne'no li+motofofoho. Syoho ne'nji miyo'njofoho. O'o, hungkuno'nohino li+motofofoho.

²² Oseso Poul kako nol+ikafonto a'amu *kaun+sol* Aliyoupakas sohwanjo sopo lohofonto ul+mento, Sekwo a'amu Aten+is soku, Ngko sehon+ngkoheso sekwoe sojo huyo'mango pi'n+ingo engo somne'no sekwoe An+itu pa'nyomo hwomtame ulohof+wo'n+ngkohof+o kuyoho.

²³ Ngko sekwoe angkuhwafo lopo emoyonji oso sekwoe ango sojo huyo'mango yofe ho'nomayo'ne pi'n+ingo uhwon+malefoho. Ole uhwon+maleso, ijempoho anga'nohino sopo sekwo ole mt+imokumentohofi, Oloso nakwo An+itu nom'nehwo huno momaso'njo sohumne'nefoho. Ose mt+imokumentohofofoho. Oso An+itu huhwo sohwo sekwo huno maseyo'njo siki hwomtame ulohof+wo'n+ngkohof+o

sohune'no selalokweno.

²⁴ Kako hwaho'nji yo'mayo hwahoponjo wososo mti'mokumentiso sohwa kako yo'mayo hwahoponjo ahwomomjososo mokosyohumayo'ne Hwe Engo hweho. Ango a'amu molinyo sopo mohumayoponoho.

²⁵ Kako yo'mayo umofonyo iyoso ni'hu'no awonoho. Oso'no a'amu pipi ufo'mapitnnehofo. O'o, Anitu kako songo humayo so'nji ifofo si'mano esyaofone so'nji a'amu hopi'nonohino somo yano uy'wo'n'ngkiso hweho. Yo'mayo hopi'nonohino hwap'ngo hweho.

²⁶ Si'mo'mo ne'mo kako hwe anga'nohino mti'mokumentiso sohonta a'amu hopi'nonohinofe si'kuno so'nji hofi'koe hwaho ayo mom'ngo sopo ho'nahumentisofoho. Oso hwe si'mo'mjo sohumta'ango temtifofo hopi'nonohinoso imo'n'imentohofofoho. Anitu a'amu somo hwaho ho'mo ho'mo uhwoj'wo'nalofoho.

²⁷ Anitu ose yonto kako a'amuso kakine'no watipenimopifento yalofoho. A'amu hofi'ko Anitumo notipemafikuji nuhwon'fitnnefoho. Nakwo a'amu anga'no anga'nohino so'nnonjo sopo Anitu mofonepo humaho.

²⁸ Hwe nom'ne sohwa ole ul'imento, Anitu nakwoe hwap'ngo hweho.

Nakwoe si'mano esyaofoso, nakwoe hano emoyoso, nakwoe songo humayoso kako anga'nohino hwap'ngo hweho.

Nom'ne hwe sekumta'ango huno'njo sohwo ole li'mento, Nakwo'ntne kakoe mehomi'nwoho.

29 Nakwo Anituye mehomini'manji ole mosyafisiyo'njo uyano. A'amu hwaho kengo kengo nomanti'fi a'mohuyo'mango mt'i'mokuwo'n'ngkohofofoho. Nakwoe Anitu kako hwahoponjo huyo'mango a'amu mt'i'mokuwo'n'ngkohofo pa'nyo hweho. Ose mosyafisiyo'njo uyano.

30 Hohonta a'amu Anitumne'no huno mosyafisiyo'njoso yo'mayo huyo'mango mt'i'mokahon'ngkofi Anitu nuhwononto hungkuno mujo'njo imentisofoho. I olohonta Anitu kako a'amu hopi'nonohino hn'nimo ole nelalofoho, Sekwoe hon'ngkano wonyomo hohujo ikinjaof'kuji ngko Anitu ne sohwo'nimo t'fi nn'ngkapmno. Ose nelalofoho.

31 Anitu a'amu hopi'nonohino somne'no sikuno yano ilof'hwajiyo'ne ho'nahumentisofoho. Hwe fihumo yano ilof'hwajiyo syoho so'no uhwosopo'mentisofoho. A'amu hopi'nonohinoso oso hwe huhwo sohumne'no huno uyoso'no Anitu ut'hwanyopo hwe pe'nyo sohumo songo ul'ika'mentisofoho. Oso hungkunoso Poul ul'imentisofoho.

32 Oso hungkuno hwe pe'nyo sohumo apa'no songo ul'ika'mentiso so'no nupa'nontifi a'amu fehohnjo sitofo ul'imentohofofoho. A'amu nom'ne fehohnjoso ole ul'imentohofi, Olo hungkuno hiloso apa'no upo'nano.

33 Oseso Poul a'amu somo nul'iko'manto umentisofoho.

34 A'amu fehohnjo Poulimo ufohi'nontifi Jisasimo simeho hi'ntnnono umentohofofoho. Hwe anga'no kakoe yofe Ntiyounisiyos kako

kaunisol Aleyoupakos syoho'njo hweho. A'mu fisi kakoe yofe Ntomalisiyoho. Oso'nji nom'nesi'njoho.

18

Ango Koulin sopo Poul syoho imentisofoho.

¹ Osohonta Poul Atenis uliko'manto ango Koulinne'no umentisofoho.

² Osopo nohumanto hwe Juta fihwo nohumentaningki uhwonimentisofoho. Oso hwe huhwo sohwo kakoe yofe Akwila. Kakoe ango hwapingo neso Pountos. Hohonta kako kakoe ape Pilisila'nji hwaho Itali uliko'manji pmmentisiyefoho. Hwapingoso hwe yofe engo'njo Kiloutiyos kako a'amu Juta Loum humamotofosomo wae yaofahoningki hofiko ango kengo kengopono humpo'mentohofofoho. Oso a'mu siya'umo Poul jomo u'ma'mentisofoho.

³ Poul'nji oso a'mu siya'u'nji hofikoe syohoso afafoho. Hwapife ango molimotofofoho. Osopo Poul siko'nji nohumantifi syoho imentohofofoho.

⁴ Engolopohamo sikuno iyoho humayo somo Poul a'amu Jutafe tajo ango somo swonto hofiko'nji hungkuno limotofofoho. Poul kako a'amu Juta'nji Ngkiklik'nji Jisasimo simeho hi'ntnnono uyifitnne'ento lutihwamentisofoho.

⁵ Hwangku sohonta Sailasi'nji Timouti'nji hwaho Masetouniya uliko'manji Poul ango Koulin humentaningki pmmentisiyefoho. Siko nopahoningki Poul hwapife ango syoho uliko'manto Anituye hungkuno a'amumo lutihwamentisofoho. Ole ulimento, Hwe Anitu

nakwoe hwahopo uhwatimentiso sohwo Jisas Kilaishoyoho. Ose ulimentisofoho.

⁶ Olo hungkuno hilo so'no a'amu Juta fehohnjoso nakwolaho lontifi hofiko Poulimo sitofo ulimentohofofoho. Oso'no Poul kakoe hwapifemjo hintalinyo wae loho'nimentisoso kakoe hungkunomo haloho maposo'nefoho. Ose yonto ulimento, Sekwo tikanomo ufijo'manji sekwoe syohofoho. Nje syoho moi'wonoho. Sekwo a'amu Juta sokumo seliko'mahm'mo a'amu temtitofo kengo somo Anituye hungkuno wolutihwamne'no yohono.

⁷ Ose ulonto tajo ango somo nuliko'manto hwe nom'ne temtitofo kengo sohwoe ango somno nowento osopo nohumanto lutihwamojofoho. Oso hwe huhwo sohwo kako Anitune'no jomo uliwo'ninkgiso hweho. Kakoe yofe Taitas Jositos. Kakoe ango tajo ango'njo sopo afapo molinyofoho.

⁸ Oso tajo ango mokosyohumayo sohwoe yofe Kilisiposiyoho. Kako kakoe ape'nji sikoe mehomi'nji hofiko Jisasimo simeho hi'ntnnono uyimentohofofoho. A'amu Koulin pi'nngoso Poulie hungkuno nupa'nontifi simeho hi'ntnnono yahonngkofi mijo kiyoma'mentohofofoho.

⁹ Sikuno nom'nemo wojo hopa uhwonimentisoso Anitu ulimento, Kiko iyoho yohotoho. Kiko nje hungkuno yoloho fiso. Kiko mampi'nyo humahotoho.

¹⁰ Ngko kiko'nji humaleno. A'amu nom'neso wonyo makumokufitnnehofo. Oso ango lopo nje a'amu ne pi'nngo imo'nifitnnefoho. Ose

ulimentisofoho.

11 Oso'no Poul oso ango sopo soswo anga'no uyokolofahonꞑngki osopo nohumanto Anituye hungkuno lutihwamojofoho.

12 Hwe fihwo kakoe yofe Ngkaliyou, Loum mta'ango sohwo yofe engo nomanto hwaho Ngkꞑlik mokosyohumayo sohonta a'amu Jutaso simeho afa inontifi Poulimo nakwolaho lontifi, hungkuno ujo'ne ango Ngkaliyou hungkuno ito'no mihwajiyo'ne spono ipemotasimentohofofoho.

13 Ole ulimentohofi, Olo hwe lohwo kako Anitune'no tifi inꞑngkayo so'no honꞑngkano songo lonetihwalofoho. Olo honꞑngkano songo losomo tifi inꞑngkawasomanji hungkuno hohontajo somo womtihupeentanoho.

14 Ose ulahonꞑngkofi Poul hungkuno ulimonto yahonꞑngki Ngkaliyou kako a'amu Juta somo ulimento, Olo hwe lohwo hungkuno Loum-nta'angomo hwotoho hmmasomanji ngko sekwoe hungkuno upa'nimnesohilo.

15 I oso'no olo hiloso sekwoe honꞑngkano hungkuno hohontajo mta'ango so'no sekwo'nohini mtitopmno. Nje syohomaho. Sekwoe syohofoho.

16 Ose ulonto ango mta'ni lihwatimentisofoho.

17 Oso'no a'amu Juta hiso hwe fihwo kakoe yofe Sousitenis tajo ango mokosyohumayo sohomo aho nokentifi ango hungkuno ito'no mihwajiyo sopo ikujoho fongku'mentohofofoho. Ose ko yahonꞑngkofi Ngkaliyou kako hungkuno nom'ne mujofoho.

Hwaho Siliya ango Antiyouk sopo Poul asomo umentisofoho.

18 Poul ango Koulin sopo a'amu Jisasimo in+ngkamotofo so'nji nohumentan+ngki sikuno nom'ne nuyokolofahon+ngki Poul oso a'amu somo uliko'ma'mentisofoho. Kako P'ilisila'nji Akwila'nji siko'ya'u'nji nowentifi ango Sengkiliya sopo Poul kako Anitumo hungkuno nto ulimentiso so'no kakoe mijiyo hohwafo imokin+mentisofoho. Hohwafo imokin+ngkahon+ngki yofayokinomo nokotasontifi hwaho Siliyamne'no wako'mentohofofoho.

19 Hofiko ango Efesos i'mofawentifi Poul a'mu siya'umo nuliko'manto a'amu Jutafe ango uhu'mokiyo somo noswonto hofiko'nji hungkuno limentohofofoho.

20 Hofiko Poulimo ulimentohofi, Kiko nakwo'nji sikuno pi'n+ngo fohumaho. Ose ulahon+ngkofi oso hungkuno somo tifi min+ngkammentisofoho.

21 O'o kako wamonto yonto ulimento Anitu ngkimo ole ntoso'manji, Kiko ango Efesos asomo fiwe ntososo, e'wa ngko wapmmonnoho. Ose ulonto Efesos uliko'manto yofayokinomo umentisofoho.

22 Yofayokino Sisaliya ifohohosyosyahon+ngki Poul a'amu Jisasimo in+ngkamotofo osopo humamotofo somo u'manto hungkuno we'e ulonto Antiyouk+imne'no umentisofoho.

Apoulous ango Efesos sopo Anituye hungkuno ulimentisofoho.

23 Osopo nohumanto sikuno nom'ne somo umentisofoho. Kako hwaho Ngkolesiya'nji Fijiyani'nji uhwontawento a'amu Jisasi mo in'ngkamotofo somo yokumpohn'nyo sosofito fosyohumamentisofoho.

24 A'amu Juta fihwo kakoe yofe Apoulousiyoho. Oso hwe huhwo sohwoe ango hwap'ngoso Aleksantiliyanoho. Kako ango Efesos sopo noponto humamentisofoho. Oso hwe huhwo sohwo Anituye iyoswo somo huno'njo hweho. Kako Anitune'no hungkuno wonyoangkafo liwo'n'ngkiso hweho.

25 A'amu nom'neso kakimo Anituye hon'ngkanomne'no luti'hwahon'ngkofi kako haloho'no yonto simeho wop'ngo umo'n'ngkahon'ngki nom'ne a'amu somo Jisasi'ne'no yoloho luti'hwamentisofoho. I oso'no Jisasiye hungkuno fehohnjo kako huno muyofoho. O'o, Joun a'amumo mijo kiyomayo yahino so'no huno unyo hweho.

26 Kako a'amu Juta sofe ango uhu'mokiyo sopo olo hungkuno hiloso a'amu somo yokumpohn'nyo luti'hwoma'mentisofoho. P'ilisila'nji Akwila'nji siko olo hungkuno hiloso nupa'nonji hwe sohomo nut'manji sikoe angomno ipemotawenji osopo Jisasi'ne'no hungkuno hopi'nonohino luti'hwamentisiyefoho.

27 Hwangku sohonta Apoulous hwaho Ngk'lik sopone'no wamo lonto, a'amu Jisasi mo in'ngkamotofo Efesos humamotofoso Apoulousi'no ufo'mano lontifi hofikoe a'amu hwaho Ngk'lik osopo humamotofoho

somne'no iyoswo mtì'mokumentohofofoho. Ole mtì'mokumentohofi, Olo hwe lohumo nakwoe a'amu hwosoho ulimno. Ose mtì'mokumentohofofoho. A'amu Ngkìlik somne'no Anìtu hitoho ulofahonìngki honìngkano imo'mentisoso a'amu anga'no anga'no Jisasìmo sìmeho hi'ntnnono umotofofoho. Oso a'amu homo somo Apoulous nu'manto ufo'ma'mentisofoho.

²⁸ Osopo Apoulousì'nji a'amu Juta Jisasìmo minìngkayo'njo so'nji utìhwa'nyopo Jisasìmne'no hungkuno hnnìmentohofofoho. Apoulous kakoe huno hofìkimo yakolo uloho'mentisofoho. Kako Anìtuye iyoswo mta'ango utìhwanto ole lutìhwamento, Oso hwe Anìtu nakwoe hwahopo uhwatìmentiso sohwo Jisas Kìlaisìyoho. Ose lutìhwahonìngki hofìkoe sìmehomo'mo nehopeho syafìhu'mentohofofoho.

19

Ango Efesos sopo Poul syoho imentisofoho.

¹ Apoulous ango Koulin osopo nohumentanìngki Poul ango Antiyok ulìko'manto hwaho hwofìki'nyo'njo spono nowakento ango Efesos i'mofapmmentisofoho. Osopo kako a'amu Jisasìmo inìngkamotofo fehohnjo somo tìpema'mentisofoho.

² Poul a'amu homo somo ulìmento, Sekwo Jisasìmo sìmeho hi'ntnnono uyìmentohofohohonta Anìtuye Towahuno Wopìngo ma'mentohofotaho. Ose ulahonìngki

ulimentohofi, O'o, nakwo Anituye
Towahunomne'no mupa'nyo'nwoho.

³ Ose ulahon'ngkofi Poul ulimento, Mijo
sekwo tihwoe hungkuno upo'n'ngkahon'ngkofi
kiyosema'mentohofoto. Ose ulahon'ngki
ulimentohofi, Jouniye hungkuno nalontifi mijo
kiyonema'mentohofofoho.

⁴ Ose ulahon'ngkofi Poul ulimento, Hohonta
Joun ole ulimojo hweho, A'amu hofikoe
wonyomo hohujo ikinjaofikujo'no mijo
wokiyosema'mnoho. Ose ulonto nom'ne
hungkuno ulimento, hwe tifi pososohumo
simeho hi'ntnnono uyimno. Ose ulimojo
hweho. Oso hwe tiffinjo sohwo Jisasiyoho. Ose
ulimentisofoho.

⁵ Oso hungkuno hiso nupo'n'ngkahon'ngkofi
Jisasiye yofemo mijo kiyoma'mentohofofoho.

⁶ Ose yahon'ngkofi Poul a'amu homo somo aho
kisosyahon'ngki Anituye Towahuno Wop'ngo
a'amu somo uhula'ofonto hungkuno kengo
kengo uyimentisofoho. Hofiko hungkuno
kengo kengo lontifi Anituye hungkuno
limentohofofoho.

⁷ Oso hwe sohwa aho hopi'nono sife mta'ni
hufa'uyoho.

⁸ Poul a'amu Jutafe tajo angomo
noswonto Jisasi'mne'no yokumpohn'nyo
lutihwamentisofoho. Hamno hufa'u s'hune
memjaofahon'ngki kako ne'no liwo'nimojo
hweho. Poul kako a'amu Jutaso Anitu
nemokosyohumayo sopone'no simeho
yiwolo'mokufitne'ento lutihwamentisofoho.

9 I oso'no a'amu fehohnjo yokumpohn'nyo imo'nontifi Jisasimo simeho hi'ntnnono muyofoho. Hofiko utihwa'nyopo Anituye Honingkanomne'no wonyo hungkuno sitofolimentohofofoho. Oso'no Poul oso a'amu homo somo uliko'manto a'amu Jisas Kilaisimo iningkunyo nom'ne so'nji umentohofofoho. Sikuno huhwo huhwi Poul mesyilutihwayo sohwoe hungkuno angomo Jisasiye hungkuno lutihwamojofoho. Oso hwe mesyilutihwayo sohwoe yofe Tilanosiyoho.

10 Poul ose yontaningi soswo hufa'u uyakolo'mentisofoho. A'amu hopi'nono hwaho Esiya sopo humamotofoso Jisasiye hungkuno upa'nimentohofofoho. A'amu Juta so'nji a'amu temtifo kengo so'nji upa'nimentohofofoho.

Hwe Sefa sohwo kakoe hwomu sohwafe hungkunofoho.

11 Anitu Poulimo aho yokumpohn'nyo umokahoningi yo'mayo kengo wonyoangkafoso mtimokumentisofoho.

12 A'amu fihwafe hwapife we'e somo Poul aho pm'mokahoningi nomotawentifi a'amu mnokino'njo so'nji a'amu towahuno wonyo ehuhnamo'nnyo so'njimo uyahoningkofi a'amuso hwapife we'eso aho nopm'mokahoningkofi mnokino moi'wo imo'nimentisofoho. Towahuno wonyoso nuliko'mantifi umentohofofoho.

13 A'amu Juta hwoso sohwa emoyontifi towahuno wonyo somo wae yao'motofihwafoho. Oso a'amu huhwo sohwa Jisasiye yofe

lontifi towahuno wonyo somo wae yaofone'entifi limentohofofoho. Towahuno wonyo somo ulimentohofi, Poul hungkuno lutihwawo'n'ngkiso sohune'no Jisasiyoho. Oso hwe huhwo sohwoe yokumpohn'nyo'njo kengopo wokuhwatimo. Ose ulimentohofofoho.

¹⁴ A'amu Juta yofe engo'njo tajo ango syoho'njo sohwo kakoe yofe Sefa, oso hwoe hwomu aho fehohnta'ni hopi'nono nom'ne mta'ni hufa'u sohwa oso hungkunoso towahuno wonyo sohomo ulimentohofofoho.

¹⁵ Oso hungkuno towahuno wonyo sohomo ulahon'ngkofi towahuno wonyo sohwo ulimento, Jisas sohune'no ngko huno niyohoho. Poul ntnne'no huno niyohoho. I sekwo t'hwasiloh, Ngko huno maniyohoyohoho.

¹⁶ Ose ulonto hwe towahuno wonyo'njo somo a'amu sohwo hweka'mo yaofonto hofikoe hwapifemo sisimpento ikujoho yokumpohn'nyo fongku'mentisofoho. Oso a'amu huhwo sohwa hwe sohwoe angomo komo'no uliko'mantifi a'apaho tohino'nji hwapife ane hiyae humpo'mentohofofoho.

¹⁷ A'amu Juta'nji a'amu kengo so'nji Efesos humamotofo sohwa olo hilo so'no nupa'nontifi iyoho unimentisofoho. Oso'no hofiko Jisasiye yofe ho'noma'mentohofofoho.

¹⁸ Hwe moya'mi pi'n'ngo engo Jisasi'mo simeho umentohofoso hofiko hofikoe hohontajo yahino hofikoe yo'mayo wonyo so'no utihwa'nyopo yoloho ulimentohofofoho.

¹⁹ A'amu pi'n'ngo engo peefo'nohwoso'no ki'nyo'no huno'njoso hofiko hofikoe iyoswo

huno hwapɨngo'njo mti'mokumentohofoso nuhu'mokontɨfi a'amufe tɨmopo toho uyo'mentohofofoho. Oso iyoswo somne hamniyohoso atofɨ lɨmentohofoso *fifiti tausen* (50,000) kina imo'nɨmentisofoho.

²⁰ Hohosohonta Jisasiye hungkuno yokumpohn'nyo imo'nɨngkahonɨngki angɨ'meemo ho'nɨngkahonɨngki a'amu pi'nɨngo Jisasiye hungkunomo inɨngkamentohofofoho.

A'amu Efesos sopo humamotofoso Poulɨmne'no yoka hungkuno ulɨmentohofofoho.

²¹ Osohonta Anɨtuye Towahuno Wopɨngo Pouliye hunomo uyahonɨngki Poul ole syafɨhu'mento, ngko hwaho Masetouniya'nji Ngkɨlikɨ'nji uhwonta'mo tɨfi Jelusalemno wamo, lonto lɨmento, Ngko osopono u'mo hwangu angɨ Loum sopo uhwonɨmonnoho.

²² Ose syafɨsyonto kako hwe hufa'u kakimo ufo'mawo'nɨngkisiyo sohwa'u Timouti'nji Elasiɨtosɨ'nji oso hwa'umo Masetouniya'no uhwatɨmentisofoho. Poul sikimo nolɨhwajonto kako hwaho Esiya sopo we'enehwo humamentisofoho.

²³ Oso hohosohonta a'amu fehohnjo Efesos humamotofoso a'amu Jisasiye Honɨngkanomo tɨfi inɨngkawowo'nɨngkohɨfo somo wonyo ulohɨ'mentohofofoho.

²⁴ Oso angɨ sopo hwe fihwo kakoe yofe Ntemitɨliyosiyo. Kako sojo ewafo pa'nyoso huyo'mango syohɨ'njo hweho. Oso a'amu sofe anɨtu hwasyosi Atemisiyo. Ntemitɨlios kakoe a'amu'nji hɨfɨkoe anɨtu hwasyosiye angɨ

huyo'mango mt'i'mokahon'ngkofi a'amu ham-niyoho engo'nji mpe imotofofoho.

25 Ntemit'liyos kako kakoe a'amu syoho afa'njo sohwanne'no joho ulahon'ngki uhu'mokumentohofofoho. Nuhu'mokahon'ngkofi ul'imento, Olo syoho hiloso nakwoe hamniyoho hwap'ngofofoho.

26 Oso hwe Poul sohwo kakoe yo'mayo syoho yi'wo'n'ngkisoso sekwo huno moi'wonoho. Kako ole lut'hwalofo, sekwo an'itu aho'nji mt'i'mokuwo'n'ngkohofoso hwasyo an'tuyoho. Ne anefoho. Ose lut'hwalofoho. A'amu pi'n'ingo engo oso hungkunos nupa'nontifi tifi in'ngkwalokwofo. Olo hiloso nakwoe ango Efesos'i'nohino'maho. O'o, nakwoe hwaho Esiya yawojo'meemnoho.

27 Oso hungkuno Poul lisoso nakwoe syohomo wonyo wonamokumontonoho. Oso'nohin'i'maho. Nakwoe an'itu engosi Atemis kakoe ango wonyoangkafoso siki'ngo pa'nyo umo'n'montefoho. Si'mo'mo a'amu Esiya so'nji hwaho yawojo'meemjo so'nji olo a'mu lohnne'no hwomtame uloho'motofofoho. I oso'no Pouli'ye hungkuno Atemisi'ye yofe engoso wonyo umokumonto yalofoho.

28 Ose ulahon'ngki a'amuso nupa'nontifi si'meho tohino um'ngkahon'ngki mohm'no ul'i'wo'n'imentohofi, Nakwo Efesos so'nyuye Atemis yokumpohn'nyiyoho.

29 Ose ne'no ul'i'wo'nontifi si'meho fefoyo umokahon'ngki hof'iko afa'no afa'no nol'ikafontifi angkuhwafo uhu'mokiyo spono komo'no wentifi hwe hufa'u hwa'u

Ngkaiyos+'nji Alis+takos+'nji oso hwa'umo kompemotawomentohofofoho. Oso hwe huhwo sohwa'u Masetouniyanta'ango hwa'u Poul+'nji emmojiyo hwa'uyoho.

³⁰ Poul kako a'amufe s+manopo waloho'mto yahon+ngki a'amu Jisas+mo in+ngkamotofoso uholo'mmtohofofoho.

³¹ A'amu fehohnjo yofe engo'njo hwaho Esiya mokosyohumayo sohwa Poul+imne'no hwe wop+ngo hweho hnn+imentohofo sohwa Poul+yepono hungkuno ole lihwat+imentohofi, Poul k+ko oso uhu'mokiyo sopo nopohotoho.

³² Ose lihwamentohofoso a'amu uhu'mokiyo somjo sofe hunoso ehilo'mee'mentisofoho. A'amu fehohnjo hungkuno kengo liwo'nontan+ngkofi a'amu nom'ne sohwa nom'ne kengo hungkuno liwo'n+imentohofofoho. Oso a'amu pi'n+ngo sohwa uhu'mokiyo so'no hwap+ngoso huno muyofoho.

³³ A'amu Juta fihwa Alek+isanta sohomo a'amu somo ulone'ent+fi us+tofomotamentohofofoho. Oso'no Alek+isanta ajwomo'mo nolohofonto hofi+koe hungkunomo asomo ul+mo lonto aho ho'noma'mentisofoho.

³⁴ Ose ko yahon+ngki a'amuso Alek+isanta yofe uhwofont+fi Juta hweho lont+fi hungkuno afa'no afa'no mohm'no ul+wo'n+imentohofi, Atemis nakwo a'amu Efesos so'nyuye a'mu engiyoho. Hof+ko joho ne'no liwo'nontan+ngkofi mofehi'nyo s+mo'me hano uyoso hufa'u imo'n+imentisofoho.

³⁵ T+fi sohonta hwe fihwo yofe engo'njo a'amufe ifalifaliyo syoho'njo sohwo mampi'nyo

fosyohumamno ulonto ulimonto, Sekwo a'amu Efesos soku upa'nimno. A'amu hopi'nono huno ole uyalofoho, Nakwo Atemisiye ango engo so'nji oso sojo ahwomo mta'ango piwahu'mentiso so'nji mokosyohumamwo'n'ingkuhwone'nwoho.

³⁶ A'amu oso hungkuno somo ilojaofoneso tihwolo. Awonoho. Sekwoe simeho nto'no wasemo'nono. Fonifonyoso iyo'eno.

³⁷ Olo hwe sekwo ipemotapohofu sohwa'u nakwoe Atemisiye ango engomjo hufo miyo hwa'uyoho. Siko Atemisimne'no sitofo mujofoho.

³⁸ Ntemitiliyosi'nji kakoe syoho ulohofiyo so'nji hofiko nom'ne hwe sohumne'no hungkuno'njo'manji oso hungkunoso nakwoe hwe engo sohumne'no fipemotapmno. Osopo hungkuno jo'ne sikuno somo ito'no womihwajife.

³⁹ Sekwo nom'ne hungkuno'njo hwasimanji sikuno uhu'mokiyo ne somo walife.

⁴⁰ Olo hungkuno ne'no lontan'ingkuji nakwoe hwe engo sohwa huno pipi syonafihupitnehofu. O'o, yolohoso ne anefoho. Hwe engo sohwa olo uhu'mokiyo so'no nalohon'ijoso nakwo pehofu ulantanto. Awonoho. Nakwo hungkuno asomo mulanehwono.

⁴¹ Ose ulonto a'amu hofiko uhu'mokiyo sopo nohumentan'ingkofi ulimonto, Fohumpopmno. Ose ulahon'ingki humpo'mentohofofoho.

20

Hwaho Masetouniya'nji Ngk'lik'i'nji osopo Poul kako hano emoyamentisofoho.

1 Nohumpeehonɨngkofi Poul a'amu Jisasɨmo inɨngkawowo'nɨngkohoho somne'no ngkiyepono wapɨfento joho ulɨmentisofoho. Nuhu'mokahonɨngkofi Poul Anɨtumne'no hungkuno ulonto hofɨkimo usofito'mentisofoho. Ose yonto ulɨmento nje a'amufo woselɨko'ma'mne'no yohono. Sekwo mpanɨmno. Ose ulonto Masetouniya'no umentisofoho.

2 Oso hwaho sopo uhwontawento a'amu Jisasɨmo inɨngkawowo'nɨngkohoho somo Anɨtune'no hungkuno ulonto a'amu homo somo usofito'mentisofoho. Osohonta kako Ngkɨlik hwaho sopono umentisofoho.

3 Osopo nohumentanɨngki hamno hufa'u sɨhune uyakolo'mentisofoho. Nohumanto kako yofayokinomo Siliya'no wamto yahonɨngki a'amu Juta sohwa Pouli'mo wofonjosyano lontɨfi yahonɨngkofi Poul kako nupa'nonto huno yɨwolo'mo lohofonto Masetouniya'no wamo lɨmentisofoho.

4 Nom'ne a'amu Pouli'nji umentohoho sohwa hofɨkoe yofe ole, Soupata Pilosɨye hwomu Mpeliyanta'ango hweho. Tesolounikanta'ango hwa'u Alisɨtakosɨ'nji Sekuntosɨ'njoho. Ngkaiyos Ntepe mta'ango sohwo'nji Timoutɨ'njoho. Hwaho Esiya mta'ango hwa'u Tikikosɨ'nji Tɨloufimosɨ'njoho.

5 Oso a'amu sohwa sɨmo'mo nowentɨfi nakune'no ango Tɨlouas hontohumamentohofoho.

6 Nakwo ango Filipai nohumentanɨngkuhwoni oso Sɨkuno Engo a'amu hofɨko oso

wopayo engo ka mo'nnyoso ane nyo'ne sikunoso moi'wo imo'n'ngkahon'ngki nakwo yofayokinomo nowentan'ngkuhwoni sikuno aho anga'no hopi'nono neyakolofahon'ngki ango Tɪlouas i'mofapmmmentihwonefoho. Osopo nohumentan'ngkuhwoni sikuno aho anga'no hopi'nonohino nom'ne mta'ni hufa'u neyakolo'mentisofoho.

Ango Tɪlouas sopo Poul kako hwe Jutikos sohumo ulika'mentisofoho.

⁷ Salole sikuno'nji a'amu so'nji nakwo nuhu'mokontani wosopayo nimentihwonefoho.

* Non'ngkahon'ngkuhwoni Poul a'amu somo lutihwamentisofoho. Kako mo'n'ngkanta wamo lonto imentisoso hungkuno nom'ne nom'ne lutihwamentisoso kuntoliyopo imo'nimentisofoho.

⁸ Nakwo ango yokintahopo tokilonjwa'mjo somo nohumentan'ngkuhwoni sikiloho pi'n'ngo sijimentisofoho.

⁹ Hwe songo fihwo kakoe yofe Jutikos osohwo kako ifofo hanopo nokehumentan'ngki Poul hungkuno ne'no lontan'ngki timosaho un'ngkahon'ngki ni'hu'nahone saho poyo pa'nyo fosyawo'mentisofoho. Fosyawo'mentisoso ango tokilonjwa'mjo hufa'u si'hune somta'ni piwahu'mentisofoho. Nopiwesyahon'ngki a'amu hofi'ko utimano lontifi kotawentifi uhwonimentohofoso kako poyo nto pe'nimentisofoho.

* **20:7:** A'amu pi'n'ngo engo huno'njoso hofi'ko Jisasiye mikufo'nji hon'yo'nji nyo'neso hofi'ko huno syafi'hu'motofofoho.

¹⁰ Poul nokotawento hwomu poyo sohwoe a'apahopo pisongki'namofonto kehutnnoma lohofonto a'amu somo ulimonto, Sekwo yomo iku-toho. Kako songo humaho.

¹¹ Oseso Poul angomo apa'no nokotasonto a'amu'nji wopayo kutikujo lohofontifi nimentihwonefoho. Nimentihwoneso Poul apa'no hungkuno ne'no lahoningki iyoho longkoningkahoningki Poul nuliko'manto umentisofoho.

¹² Oseso a'amuso hwomu pe'nimentiso sohomo songo humahoningki kakoe angomo ipemotawentifi hofiko simeho wopingo umo'nimentisofoho.

Poul kako angu Tlouas uliko'manto angu Miletos spono womentisofoho.

¹³ Poul nalimonto, sekwo yofayokinomo ukuji angu Asous sopo woswo'nano. Ngko honingkanomo wamo. Ose nelahoningki nakwo yofayokinomo umentihwonefoho.

¹⁴ Angu Asous sopo noswo'nontani Pouli'nji nakwo yofayokinomo nokotosontani angu Mitilnimne'no umentihwonefoho.

¹⁵ Mitilini nta'ni nowekentani mo'ningkanta hwaho we'e Kiyous mofonepo umentihwonefoho. Osopo nta'ni nowentani mo'ningkanta hwaho we'e Samousimne'no umentihwonefoho. Osopo nta'ni mo'ningkanta Miletos i'mofapmmentihwonefoho.

¹⁶ Poul nto nalimentisofoho. Sikuno Engu Pentikousimo † ngko Jelusalem wohumamonnoho.

† **20:16:** Ap. 2:1 enjwa so'mo fehonolo'mongkomaho.

Oso'no ango Efesos mamnehono. Hwaho Esiya sopo s'ikuno pi'n'ingo engo moneyakolofonehoho.

A'amu ango Efesos sopo humamotofo sofe hwe engo soh wamo Poul kakoe hungkuno ae'uyo uyimentisofoho.

¹⁷ Ose nalimentiso so'no ango Miletos i'mofapmmentihwoneso Poul kako hwe engo a'amu Jisasimo in'ingkawowo'n'ingkohoho somo mokosyohumayo Efesosnta'ango soh wamne'no hungkuno ole l'hwatimento, Sekwo nop'ikui nohonimno.

¹⁸ Ose l'hwajahon'ingki a'amu Efesosnta'ango i'mofopahon'ingkofi Poul ulimento, Ngko hwaho Esiya humamentohe sohonta nje yahinoso sekwo huno moi'wonoho.

¹⁹ A'amu Jutaso ngkimo wonyo ntohofane'entifi hungkuno ko hnn'ingkahon'ingkofi oso'no yo'mayo tango'nji nu'mahon'ingki ngko nje yofe hwotoho fenji simeho tango'nji Anituye syoho imentohefoho.

²⁰ Sekwo huno seyohoho. Ngko iyoho mann'ingkahon'ingki yo'mayo sefo'mayo'no losetihwamentohefoho. Ango uhu'mokiyo utihwa'nyo sopono sekwoe ango so'mno Anituye hungkuno hopi'nono losetihwamentohefoho.

²¹ Ngko a'amu Juta so'nji a'amu kengo so'njimo ole ulimentoho, Hon'ingkanono wonyo hopi'nonohinoso foho'naopmno. Anitumne'no sekwo huno fiwolo'mokumno. Jisasimo simeho hi'ntnnono uyimno.

²² Anituye Towahuno Wop'ingo kiko Jelusalemno fiso ntimaho. Ngko haloho yonji

Jelusalemmne'no wasi'monne'no yohono. Ango Jelusalem sopo peho woni'ma'mtolo. Ngko huno maniyohoyohoho.

²³ Olo'nohino Towahuno Wopingo hungkuno yokumpohn'nyo ole ntahon'ngki, Impo'angomo ho'nakohufijoso kiko tango engo woti'pema'monnoho.

²⁴ I oso'no ngko iyoho man'ngkohoyohoho. O'o, nje a'apahomme'no huno masyofi'syalokuyohono. Olo syoho nakwoe Hwe Engo Jisas ntapmmentisoso moi'wo esojwamofoso'no syofi'syalokweno. Syoho hiloso Anitu a'amumo wop'ngo'nohini uy'wo'n'ngkiso so'no woluti'hwamne'no yohono.

²⁵ Sekwo upa'nimno. Hohonta ngko nose'manji Anitu yokumpohn'nyo enemokosyohumayo so'no loset'hwamentohefoho. I nom'ne sikunomo sekwo ngkimo manohon'fitnnehofo.

²⁶ Oseso olo sikuno lomo hungkuno yokumpohn'nyo waseli'monne'no yohono. Sekwo tikanomo ufijo'manji sekwoe syohofoho.

²⁷ Yo'mayo Anitu yoneso'no nto loset'hwamentohefoho. Hungkuno fehohnjo hiyaso moho'nasiyofoho. O'o hopi'nonohino loset'hwamentohefoho.

²⁸ Sekwo ito'no fehumamno. Anituye Towahuno Wopingo syoho nto sejapmmentisofoho. Sekwo a'amu Jisasi'no in'ngkawowo'n'ngkohoho somo mokosyohumamno. Jisas kakoe honi'yo'nji hofi'kimo mpe imentisofoho.

²⁹ Ngko huno ole niyohoho. Ngko sehwo'ti'mo'me sohonta a'amu sikisi'wojo

pa'nyo sekwo'njo ajwo lopo nopikujji wonyo wosemokantifeho.

³⁰ A'amu fehohnjo sekumta'ni nolikafikujji a'amu Jisasimo iningkawowo'n'ngkohoho somo hwasyomo ipesemotakujji hwasyo hungkuno woselantifeho.

³¹ Oso'no ito'no mokosyohumamno. Oleso in'ngo seyo'eno. Soswo hufa'u sihune neyakolo-fontan'ngki ngko in'ngo'nji sikuno'nji humotaho lonji a'amu anga'no anga'nohino sokumo Anituye hungkuno losetihwamentohofoho.

³² Ngko Anituye ahopo ho'nosesyalokweno. Kako a'amumo wop'ngo'nohini selohofwo'n'ngkiso hweho. Kakoe hungkuno yokumpohn'nyo esesyohumahwosi, kakoe a'amu somo hon'ngkano wop'ngo in'ngkayo'ne yo'mayo wosejapmmentonoho.

³³ Sekwoe hamniyoho hwapife yo'mayo so'no hi manimo'n'immentisofoho.

³⁴ O'o, sekwo huno moi'wonoho. Ngko sekwo'nji nohumanji ngko umofonyo iyo so'ne nje a'amumne'no mpe imentohofoho.

³⁵ Nto setihwamentohofoho. Oso pa'nyo sekwo fiyimno. Sekwo syoho yokumpohn'nyo ifijoso a'amu po'nifo somo ufo'mafikuno. Olo hungkuno Jisas nalimentisoso sekwo in'ngo seyo'eno. A'amu nom'nemo yano'nohino uy'wo'n'ngkohofoso hofikoe simonyo iyoso nom'ne a'amu yo'mayo mawo'n'ngkohoho somo yakolonoho.

³⁶ Poul oso hungkunoso moi'wo ulonto hofiko'nji hwomtame ehumantifi Anitumo jomo ulimentohofofoho.

³⁷ Ose yontifi hofi'ko humotaho lontifi Poulimo kehutnnoma'mentohofofoho.

³⁸ Sekwo apa'no manohonifitnnehofo ulimentiso so'no hofi'ko simeho tango umentisofoho. Hofi'ko yofayokinomne'no ipemotawomentohofofoho.

21

Poul kako Jelusalemne'no asomo umentisofoho.

¹ Nakwo a'amu somo uli'ko'mentani yofayokinomo nokotosontani, nowekentani hwaho we'e Kous osopo i'mofapmmentihwonefoho. Mo'n'ngkanta nakwo hwaho Loutes i'mofapontani osoponta'ango ango Patola i'mofapmmentihwonefoho.

² I'mofapontani yofayokino nom'neso hwaho Founisiyamne'no wamonto yahon'ngki uhwonontani osohumo nokotasontani wekapmmentihwonefoho.

³ Nowekapontani hwaho Saipilos uhwonontani oso hwaho sopo yofayokino hwonamonyo hohnta'ni uyokolofontani umentihwonefoho. Nowentani hwaho Siliya i'mofapontani ango Taiya sopo ifohohosahumentihwonefoho. Oso ango hopo sopo yofayokino ho'yango wojo'mesyamto umentisofoho.

⁴ Osopo nohumentani a'amu Jisasimo in'ngkamotofo somo t'ipema'mentihwonefoho. Hofi'ko'nji nohumentan'ngkuhwoni sikuno aho anga'no hopi'nono nom'ne mta'ni hufa'u neyakolo'mentisofoho. Anituye Towahuno sohwo a'amu somo kakoe huno uyahon'ngki

hofiko Poulimo ulimentohofi, Kiko Jerusalem
sopono nowakehotoho. Ose ulimentohofofoho.

⁵ Nakwoe sikuno hano iyoso'no
imo'n'ingkahon'ingki nakwo angopono
nuli'ko'mentani umentihwonefoho. A'amu
Jisasimo in'ingkamotofo sohwa hofikoe ape
sofanji mehomi'nji nakumo mitimom'ngo
sopo nehwojamentohofofoho. Osopo nakwo
hwomtame ehumentani Anitumo isamayoka
ulimentihwonefoho.

⁶ Ose ulontani nakwo hnnimentihwoni,
Nakwoe a'amu soku mpan+mno,
hnnimentihwonefoho. Nakwo yofayokinomo
nokotosahon'ingkuhwoni hofiko angopono
umentohofofoho.

*Ango Sisaliya sopo hwe Akapos sohwo Poulimo
hungkuno ulimentisofoho.*

⁷ Nakwo ango Taiya uli'ko'mentani
nowekontani ango Toulemes sopo
i'mofapmmentihwonefoho. Osopo a'amu
Jisasimo in'ingkamotofo so'nji noswo'nontani
sikuno anga'no fosyawo'mentihwonefoho.

⁸ Mo'n'ingkanta ango Toulemes uli'ko'mentani
nowekentani ango Sisaliya sopono
i'mofapmmentihwonefoho. Osopo nakwo
Filipiye angomo humamentihwonefoho. Filip
huhwo sohwo Anituye hungkuno lutihwamojo
hweho. A'amu Jisasimo in'ingkamotofo ango
Jerusalemmo humamotofoso Filip'i'nji nom'ne
hwe aho fehohnjo hopi'nono nom'ne mta'ni
anga'nohino sohwanji *apousel* sohwanne'no
ufo'mayo'ne uhwsopo'mentohofofoho.

9 Filip kakoe mehomi musijo osofoso-fahu'nohino fafoho. Hofiko Anituye hungkuno lutihwamotofofoho.

10 Osopo nohumentaningkuhwoni sikuno fiso neyokolofahoningki hwe fihwo Anitu hungkuno uyahoningki limojo Jutiyanta'ango sohwo kakoe yofe Akaposiyoho. Kako i'mofapmmentisofoho.

11 Nonetimanto Pouliye ahuloho nomanto kakoe sife aho'nji kilo'nonto ulimento, Anituye Towahuno Wopingo ole ntohoho. Olo ahuloho lo'nji kakwo'yohwo sohomo a'amu Jutaso Jelusalem ango sopo olo pa'nyolo nokilohofikuji a'amu temtitofu kengo sohwife ahomo woho'nokisyantifeho.

12 Ose nelahoningki upo'nontani nakwo a'amu Jisasi'mo iningkamotofu nom'ne so'nji Poulimo yokumpohn'nyo ole ulimentihwone, Kiko Jelusalemne'no nosohotoho.

13 Ose ulahoningkuhwoni Poul nalimento, Sekwo humotaho peho'no sontantikwofo. Nje simeho tango niyohoho. Jelusalem ango sopo ngkimo impe intofanihufijoso Jisasiye yofe ho'nomayo'ne pe'nimeso wopingofoho.

14 Ose nelahoningki nakwo Poulimo nom'ne huno uyoso hopo'maho. Oso'no nakwo apa'no majofoho. O'o, ole ulimentihwoni, Yo'mayo Anitu yoneso umo'nimontonoho. Ose ulimentihwonefoho.

Jelusalemjo hwe engo sohwo Poul kakoe hungkuno ulimentisofoho.

15 Hwangku sohonta nakwoe ho'yango ito'no nuhu'mokontani Jelusalemne'no

uliko'ma'mentiwonefoho.

¹⁶ A'amu Jisasimo in+ngkamotofoto fehohnjo nakwo'nji umentihwonefoho. Hofiko Nasouniye angomo ipenemotawomentohofofoho. Oso hwe Saipilosnta'ango huhwo sohwo hohonta Jisasimo in+ngkamojo hweho. Nakwo kakoe angomo humamentihwonefoho.

¹⁷ Humamentihwoneso Jerusalem ango sopo i'mofopahon+ngkuhwoni a'amu Jisasimo in+ngkamotofoso nonahonontifi simeho wop+ngo umo'n+mentisofoho.

¹⁸ Mo'n+ngka nakwo Poul+nji Jemis sohomo uhwonyo'ne umentihwonefoho. A'amu Jisasimo in+ngkamotofoso hofikoe hwe engo sohwanji pmentohofofoho.

¹⁹ Poul a'amu sohwamo, Nje a'amuhwafo ulonto, yo'mayo wop+ngo Anitu a'amu temtitofoto kengo somne'no uloho'mentiso so'no yoloho ul+mentisofoho.

Poul kako hwe engo sohwafo hungkunomo tifi in+ngkawento Anituye ango engo somo humentisofoho.

²⁰ Oso hiso'no nupa'nontifi Anitumo isamoyoka ul+mentohofofoho. Ose ulontifi Poul+mo ul+mentohofi, N+ngkwahwo. Kiko huno moi'wonoho. A'amu Juta pi'n+ngo engoso Jisasimo in+ngkamotofofoho. Oso a'amu hiso Mousesiye hon+ngkano hungkuno hohontajo somo yokumpohn'nyo mokosyohumawo'n+ngkohof+hwafoho.

²¹ A'amu fehohnjo oso a'amu homo somo kikine'no hungkuno hwasyo ul+mentohofofoho. Ole ul+mentohofi, Poul a'amu Juta ango

kengopo humamotofo somo Mousesiye hungkuno hohontajo somo tifi in'ngkakutoho uliwo'n'ngkiso hweho. Ole ulalofi, Sekwo sekwoe mehomi sohwamo a'apaho sihu kolofikutoho. Sekwo oso hon'ngkano hungkuno hohontajo somo apa'no tifi in'ngkakutoho. Ose ulalofoho ulimentohofofoho.

²² Oso'no pipi yanehwono. Poul ntopohoho upo'nantifeho.

²³ Oseso nakwo kilalokuhwoneso kiko tifi fin'ngkayo. Hwe osofosofahu'nohino sohwa a'amu Jutafe yahinomo in'ngkayo so'no Anitumo ole ulimalofi, Anitu kiko nehonontan'ngkiji oloso uyantane'yihwono. Ose ulimalofihwafoho.

²⁴ Kiko oso hwe sohwamo ufohi'n'ngkohojo hofiko'nji oso yahino kiho'maso semokiyo so'no fiyimno. Kiko hofikine'no hamniyoho ho'nasyohoji hofiko oso yahino nihu'nahone ifijoso a'amu huno ole uyono. Kikine'no upa'nimalofoso hungkuno hwasyofoho. Kiko Mousesiye hungkunomo in'ngkwalokuno so'no hofiko uhwonantifeho.

²⁵ A'amu temtifo kengoso Jisasimo in'ngkawowo'n'ngkohoho somne'no hungkuno nto kotoku'malohwone so'no iyoswo mtimokuyahojimalohwonefoho. Ole mtimokumalohwoni. Yahu yihufo a'amu nom'nehwo hwoso sohomo uyifijoso sekwo non'ngkutoho. Honiyoso nonyo'eno. Tongo yahu ti'wangomo nano jilipopijoso nonyo'eno. Yo'mayo hon'ngkano akngkilike iyo'eno. Ose ulimentohofofoho.

²⁶ Oso'no mo'n'ngkanta Poul oso hwe

osofosofahu'nohino sohwamo utimanto
 oso yahino kiho'maso imokiyo so'no
 imentohofofoho. Ose yontifi hofiko Anituye ang
 engo somo nohotoswontifi hwe engo sohwa
 oso yahino kiho'maso imokiyo so'no moi'wo
 imo'none so'no ulimentohofofoho. Oso sikuno
 somo Anitumne'no a'amu anga'no anga'nohino
 tongo hu'meesiyo'ne uyantifeho.

*Anituye ang engo somo a'amu Juta sohwa
 Poulimo aho kemokosyohumamentohofofoho.*

²⁷ Sikuno aho fehohnta'ni hopi'nono nom'ne
 mta'ni hufa'u moi'wo umo'nimonto yahonngki
 a'amu Juta hwaho Esiyanta'ango sohwa Poulimo
 Anituye ang engo somo uhwonimentohofofoho.
 Nuhwonontifi hwe moya'mi hopi'nono
 ulikafontifi Poulimo aho ko'mentohofofoho.

²⁸ Nokentifi hofiko mango mohm'no lontifi
 ulimentohofi, Sekwo a'amu Isilael soku,
 fonfo'mapmno. Olo hwe lohwo kako
 angomeemo emoyonto nakwoe yahinomne'no
 Mousesiye honngkano hungkunomne'no
 olo ang engo lomne'no hungkuno wonyo
 liwo'nngkiso hweho. Oso'nohino'maho. O'o,
 olohonta kako a'amu temtitof kengo sohwa
 olo ang wopng lomo ipemotapiso so'no
 ang wonyo kiho pa'nyo imo'nngkohoho. Ose
 ulimentohofofoho.

²⁹ Oso hungkuno hiso hwapng ole. Hofiko
 Poulimo uhwonimentohofoso kako a'amu
 temtitof kengo ang Efesosnta'ango Tiloufimos
 oso hwo'nji ang Jerusalem nohumentanngki
 uhwonontifi hwasyo ole syafihu'mentohofi, Poul

oso a'amu sohwanji Anituye ango engo somo ipemotaswohoho. Ose limentohofoho.

³⁰ Oso'no Jelusalem mta'ango a'amu hopi'nonohino yomo yontifi mango engo liwo'nontifi yohoto yohotofo mjaloho'nimiwentifi uhu'mokumentohofoho. Hofiko Poulimo aho kemotaswopahonngkofi Anituye ango engomjo hoku'yo hopi'nono pijwahumentohofoho.

Hwe itokuso'njo sohwo mokosyohumayo yofe engo'njo sohwo Poulimo utima'mentisofoho.

³¹ Hofiko Poulimo wofonjosyantifi ikujoho posontanngkofi hwe yofe engo'njo itokuso'njo mokosyohomayo sohumne'no hungkuno ho'nimentisofoho. Hofiko ole ulimentohofi, A'amu Jelusalem hofiko ikujoho fongki'nalokwofo.

³² Ose upa'nontifi hwe yofe engo'njo sohwo kakoe a'amu itokuso'njo sohwo nomanto a'amu uhu'mokiyo sopo komo'no pmmentohofoho. A'amu Jutaso hwe yofe engo'njo sohwo'nji a'amu itokuso'njo sohwanjimo uhwonontifi hofiko Poulimo apa'no ikujoho mafongku'mentohofoho. Hofiko uyohohu'mentohofoho.

³³ Hwe itokuso'njo yofe engo'njo sohwo Poulimo aho nokento kakoe a'amu sohwo ulimento, Sekwo ahwomo nano hufa'u nomafikui hwe lohomo hmtofahumno. Ose ulonto ulohonimento. Olo hwe lohwo tihwolo. Peho imasoto.

³⁴ Ose ulohoningkahonngki a'amu fehohnjo hungkuno anga'no lontanngkofi a'amu nom'ne

sohwa hungkuno kengo joho lahon+ngkofi hungkuno engo ho'n+mentisofoho. Hungkuno pi'n+ngo engo ho'n+ngkahon+ngki hwe yofe engo'njo sohwo yoloho hwap+ngoso mupa'n+mmentisofoho. Oseso kako itokuso'njo sohwamo ul+mento, Poul+mo itokuso'njo sohwife angomo motas+mmo.

³⁵ Ose ulahon+ngki oso ango homo somo kotasiyo sopo nomotosahon+ngkofi a'amu pi'n+ngo engo kakimo wofonjasyano lahon+ngkofi a'amu itokuso'njo sohwa ut+motas+mentohofofoho.

³⁶ A'amu pi'n+ngo engoso t+fi in+ngkasont+fi ul+mentohofi, Fonjahumno.

Poul a'amu Juta somo kakoe hungkuno ul+mentisofoho.

³⁷ Hwe itokuso'njo sohwa hof+koefoe angomo womotoswant+fi yahon+ngkofi Poul hwe yofe engo'njo sohumo ul+mento, Hungkuno wakil+monne'no yohono. Ose ulahon+ngki hwe huhwo sohwo ul+mento, U, K+ko Ngk+lik hungkuno huno'njo hwosilaho.

³⁸ Ngko huno ole syaf+syohono. K+ko hwe engo Ijip mta'ango sohwoosi a'amu hwaho mokosyohumayo sohwa wafongku'monji yonji kakoe a'amu hos+mmo *foua tausen* (4000) sohwanji hwaho a'amu anepono ipemotawomentohino hwosoho.

³⁹ Ose ulahon+ngki Poul ul+mento, Ngko a'amu Juta hwo'nyoho. Nje hwap+ngoso hwaho Silisiya ango mi+kun+mposo Tasosnta'ango hwo'nyoho. Nje a'amuhwe, olo a'amu lohwa ul+monne'no yohono. Wop+ngotaho.

40 Ose ulahon'ngki hwe yofe engo'njo so-hwo eno ulahon'ngki Poul kotasiyo sopo lohofonto a'amumne'no mampi'nyo humayo'ne aho ho'noma'mentisofoho. Mampi'nyo yahon'ngkofi Poul Hip+lu hungkuno'nji ul+mentisofoho.

22

1 Poul ole ul+mento, N'ngkwahwosafo, Mpohwosafo, sekwo upa'n+imno. Sekwo hungkuno ntohoho so'no ngko nje hungkuno asomo wasel+monne'no yohono.

2 Ose ulahon'ngki a'amu Jutaso hof+ikoe hungkuno Hip+lusu upa'nont+fi songo songo mimmentohofoho. Poul apa'no ul+mento,

3 Ngko a'amu Juta hwo'nyoho. Nje na'u kako hwaho Silisiya ango Tasos sopo aswo n+ima'mentisofoho. Ngko engoso olo ango Jelusalem lopo wo'mentohe hwo'nyoho. Ngkimo hungkuno mesyolont+hwayo sohwo Ngkomeliyel+yoho. Kako nakwoe ajuyohwosafe hon'ngkano ne'njo lont+hwamojofoho. Oseso ngko An+ituye hungkuno yokumpohn'nyo in+ngkayoso sekwo olohonta in+ngkwalokwofo hopa in+ngkamote hwo'nyoho.

4 Ngko a'amu Jisasi+mo si+meho hi'ntnnono umotofo somo wonyo uloho'motefoho. Fehohnjo poyo pe'n+mentohofoho. Fehohnjo somo ahwomo nano intofonji impo'angomo intofahumentohofoho.

5 Hungkuno nehopi selalokweno. Hwe yofe engo'njo tajo ango syoho'njo sohwo'nji a'amu *kaunisol* syoho'njo sohwanji hof+iko olo hilo so'no huno moi'wonoho. Hof+iko nje

yahino so'no waselife. Hofiko a'amu Juta ango Ntomasi'kos humamotofo sohwanne'no ifalifaliyo mt'i'mokonti'fi ntapmmentohofofoho. Nomanji ole l'imentoho, a'amu Jisasi'mo in'ngkamotofo somo ahwomo nano intohm'mo ango Jelusalem tohino engo mayo'ne'no womotasimne'no yohono lonji umentohofoho.

Poul Anituye a'amu ne imo'n'imentisofo so'no ul'imentisofoho.

(Apousel sohwafe Syoho 9:3-19; 26:12-18)

⁶ Ngko nowenji hinjo sopo Ntomasi'kos mofone sopo i'mofowahon'ngko ni'hu'no komo'no pomponaho engo ahwomo mta'angoso ntoho'mentisofoho.

⁷ Osohonta hwahopo pi'wasyonji hungkuno ole upa'n'imentoho. Soul, Soul, Kiko ngkimo wonyo peho'no ntohofantokuno.

⁸ Ose ho'n'ngkahon'ngki ngko ul'imentoho, Hwe engofo, kiko ti'hwosilo. Ose ulahon'ngko nt'imento, Ngko Jisas Nasaletnnta'ango hwo'nyoho. Kiko wonyo ntohofantokuno. Ose nt'imentisofoho.

⁹ Hwe ngko'nji umentohofoho sohwa hofiko pomponaho'nohini uhwon'imentohofofoho. Hofiko mampaho oso hwe nt'imentiso sohwo mupa'nyofoho.

¹⁰ Ngko ul'imentoho, Hwe Engofo, ngko pipi imnehono. Ose ulahon'ngko nt'imento, Kiko nol'ikafohoji Ntomasi'kosimne'no fi'wano. Osopo nuhuji hwe fihwo noku'mahwosi yo'mayo syoho kiko ihnne'enji imentohe so'no walokit'hwono.

11 Ose ntahon+ngki oso pomponaho m+kun+imposo engoso nt+imentiso so'no t+impi'nyo n+imo'n+ingkahon+ngki a'amu ngko'nji umentohofu sohwa ngkimo aho n+impo'nont+fi Ntomas+ikos+imne'no ipemotani+womentohofofoho.

12 Oso hopo sopo hwe fihwo humunyoponoho. Kakoe yofe Anonaiyas+yoho. Kako neyakwosafe hon+ngkanomo t+ifi in+ingkawowo'n+ingkiso hweho. A'amu Juta Ntomas+ikos humamotofoso ole hnn+imentohofi, Kako hwe wop+ngo hweho.

13 Oso hwe huhwo sohwo non+imanto nt+imento, N+ingkwahwo Souliyo, Jije t+imo apa'no uhwon+monnoho. Ose ntahon+ngki oso hohoso-honta nje t+imo wop+ngo n+imo'n+ingkahon+ngki kakimo uhwon+imentohefoho.

14 Nuhwon+ingkahon+ngko nt+imento, Neyakwosafe An+itu sohwo kako yo'mayo yone so'no k+iko huno kiyone so'no kuhwosopo'mentisofoho. K+iko oso hwe ahwomo mta'ango nakwoe hwahopo uhwat+imentiso sohomo uhwonyo so'no kakoe mampaho upa'nyo so'no kuhwosopo'mentisofoho.

15 Hwangku k+iko kakoe hungkuno ul+hnnefoho. K+iko a'amu somo ya'moyo uhwonjo so'no upa'nyo so'no ul+hnnefoho.

16 Oso'no peho'no hontohumahnno. K+iko nol+kafohojo'no ngko mijo wokiyokuma'mo. K+iko Jisas+imo jomo ulohojo'no kako j+ije wonyoso wae weekumofono.

An+itu a'amu temtifo kengo somo Poul uy+imentisofoho.

17 Hwangku ngko Jelusalem apa'no noponji Anituye ango engo somo Mpohumo jomo ulonji wojo hopa uhwonimentohefoho.

18 Hwe engo sohumo nuhwon+ngkahon+ngko nt+mento, Kiko komo'no Jelusalem uliko'maho. Kiko olopo humahojo'no'manji nje hungkuno lutihusoso hofiko mupa'n+fitnnehofu.

19 Ose ntahon+ngki ul+mentoho, Hwe Engofu, hofiko huno moi'wonoho. Ngko a'amu kikimo simeho hi'ntnnono kijap+wo'n+ngkohofu somo ango uhu'mokiyoso mta'ango nomanji ikujoho fonjonji impo'angomo intofohumalefoho.

20 Oso hwe Sitifen, jije hungkuno l+mojo sohumo fonjahumentohofu sohonta osopo ngko hofiko'nji nohumanji osohi so'no nje simeho wop+ngo nimo'n+ngkahon+ngki a'amu fonjahumentohofu sohwafe manji'mofu yo'mayoso mokosyohumantohofu.

21 Ose ulahon+ngko nt+mento Kiko mpano, Ngko kikimo hon+ngkano sawemo sopo a'amu kengo somne'no wokuhwatimo. Ose nt+mentisofu.

Hwe itokuso'njo mokosyohumayo yofu engo'njo Loum mta'ango sohwo Poulimo mokosyohumamentisofu.

22 Poul oso hungkuno a'amu kengo somne'no ulahon+ngki a'amu Juta nupa'nontifi joho mohm'no ul+mentohofi, Fonjahumno. A'amu oleso olo hwaho lopo mohumanehoho.

23 Oso hungkunoso ne'no lontifi hofikoe hwapife yo'mayoso yojasyontifi hwaho husontifi husa'mentohofofu.

24 Ose yontaningkofi hwe yofe engo'njo kakoe a'amu itokuso'njo soh wamo ulimonto, Poulimo angomo ipemotasyikuji ole ulimno, A'amu sohwa mango engo kilohofoso peho'neto. Oso'no fonaso. Monajo'manji ikujoho wokufonjano. Ose ulimno.

25 Ose ulahoningki hwe sohwa Poulimo hofiko impe intofontaningkofi Poul hwe mnokino manji'mofonjo kako'njopo humentanjo sohomo ulimonto, Olo sekwoe yahinotaho. A'amu Loumnta'ango sohomo kakoe hungkuno m+kwalofo'njo yontifi siki ikujoho fongku'motofoso sekwoe yahinotaho.

26 Ose ulahoningki hwe sohwo nupa'nonto nowento hwe yofe engo'njo sohomo ulohonimonto, Kiko peho yalokuno. Olo hwe lohwo Loummjo soh wafe hwomufoho.

27 Ose ulahoningki hwe sohomo nupa'nonto Poulimo nu'manto ulohonimonto, Ole njo. Kiko Loumnta'ango hwosilaho. Ose ulahoningki Poul ulimonto, Ou, ngko Loum mta'ango hwo'nyoho.

28 Ose ulahoningki hwe yofe engo'njo sohwo ulimonto, Ngko hamniyoho engo ho'naofonji a'amu Loum imo'nimontohe hwo'nyoho. Ose ulahoningki Poul ulimonto. Nje mpohwo Loum mta'ango hweho. Oso'no ngko a'amu Loum hwo'nyoho.

29 Ose ulahoningki a'amu Poulimo impe intofontifi ikujoho wofonjantifi imentohofoso sohwa uyohohu'mentohofofoho. Hwe yofe engo'njo sohwo olo a'amu Loum mta'ango lohomo impe intofohe so'no tohino engo woma'monntikeno.

Ose lonto iyoho unimentisofoho. *

³⁰ Hwe yofe engo'njo sohwo kako a'amu Juta Poulimo hungkuno ulohofo so'no yoloho hwapingo upa'nimo lonto mo'ningkanta Poulimjo ahwomo nano usihutofonto kako a'amu tajo ango syoho'njo yofe engo'njo sohwanji a'amu *kaunisol* syoho'njo sohwanjimo hungkuno ole lihwatimento, Sekwo uhu'mokumno. Ose lihwajonto Poulimo ipemotasonto a'amufe simanopo uhumatimentisofoho.

23

A'amu Jutafe 'kaunisol' sohwamo Poul kakoe hungkuno lutihwamentisofoho.

¹ Poul a'amu *kaunisol* syoho'njo sohwamo timo yokumpohn'nyo uhwononto ulimento, Nje hwe sifahwe, Anitu nohonontaningki yo'mayo imoteso mjimwenji olohontajo'nji ole nnantofoho, Ngko honingkano wonyo'njo hwonimaho. Ose nnantofoho.

² Ose ulahoningki Anonaiyas tajo ango syoho'njo yofe engo'njo sohwo kako'njo sopo humalowentaningkofo sohwamo ulimento, Poulie mangomo fongkupmno.

³ Ose ulahoningki Poul ulimento, Kiko a'apaho wopingo'njo hwosoho. Simeho mo'mo pisakino'njo hwosoho. Anitu wakufonjono. Kiko nje hungkunomne'no ito'no menihwajiyo'ne

* **22:29:** Loumjo sohwafe honingkano hungkunoso olenoho. A'amu Loum mta'ango sohomo ikujoho fongkiyo so'no yokumpohn'nyo wo'nyofoho.

hwosi nohumanji honingkano ito'nohino somo hwotoho fenji nifonjohino.

⁴ Ose ulahoningki a'amu Poul+injopo lohofontifi limentohofi, Kiko Anituye hwe yofe engo'njo sohumo sitofo lulalokuno.

⁵ Ose ulahoningkofi Poul ulimento, Nje a'amufu. Ngko Anituye hwe yofe engo'njo sohune'no huno maniyohoyohoho. Huno ole niyohoho Anituye hungkuno ole nalimento, Sekwo a'amu semokosyohumayo somo hungkuno wonyo ujo'eno. Oso'no ngko huno niyohoho.

⁶ Ose ulonto Poul uhwonimentisoso, A'amu *kaunisol* syoho'njo sohwa fehohnjo a'amu Satiyusiyoho. Fehohnjo a'amu Falisiyoho. Ose uhwononto *kaunisol* a'amu sohware mango engo ulimento, Nje a'amu hwafo, ngko a'amu Falisi hwo'nyoho. Nje mpohwo a'amu Falisi hweho. A'amu poyo pe'nyoso apa'no likapitnnefoho. Olo hilo so'no ngko hontohumaleno. Oso'no ngko a'amu somo oso hungkunoso lutihwawo'ninkingohe hwo'nyoho. Olo hilo so'no sekwo ngkine'no hungkuno ho'nosyalokwofo.

⁷ Ose ulahoningki a'amu Falisi sohwanji a'amu Satiyusi sohwanji yoka hnnontifi husilo'mentohofofoho.

⁸ Hwapingoso a'amu Satiyusi sohwa ole liwo'ninkingohofi, A'amu poyo pe'nyoso apa'no molikapitnnohofo. A'amu ahwomo mta'ango so'nji towahuno ntnne so'nji mohumuyoho. Ose liwo'ninkingohofihwafoho. I oso'no a'amu Falisi sohwa oso hungkuno hufa'u so'no hwasyofoho

liwo'n'ingkohofofoho. Hofiko olo hilo somo simeho uy+wo'n'ingkohofi, A'amu poyo pe'nyoso apa'no songo likapitnnefoho. A'amu ahwomo mta'angoso towahuno ntnne'no humalofo. Ose liwo'n'ingkohofofoho.

⁹ Oso'no hofikoe yokaso engo imo'n'ingkahon'ngki a'amu Falisi fehohnjo hon'ngkano hungkuno mesy+lut+hwayo sohwa nol+kafontifi yokumpohn'nyo ul+imentohofi, Poul kako wonyo miy+wo'n'ingciso hweho. Hwe ahwomo mta'ango hwol+keno towahuno hwol+keno Poul+mo ul+maso'manji kakoe syohofoho.

¹⁰ Ose ulahon'ngkofi yokaso mi+kun+imposo imo'n'ingkahon'ngki hwe itokuso'njo yofe engo'njo sohwo ole syaf+hu'mento, a'amu sohwa Poul+mo yokino yohosiyo hohnta'ni ifijo so'no wope'n'imtonoho. Ose syaf+hu'mentiso so'no iyoho un'ngkahon'ngki kakoe a'amu itokuso'njo sohwamo ul+imento, Sekwo oso a'amu sohwamo ajwomo'mo nowekuji Poul+mo ut+maf+kuji sekwoe angomno fi+pemotas+mno. Ose ul+mentisofoho.

¹¹ Mo'n'ngkanta si+kwo'miyo somo Jisas Poul+njopo nolohofonto ul+imento, Yokumpohn'nyo hmmo'nyo. Ango Jelusalem lopo ngkine'no hungkuno yokumpohn'nyo ul+mahnnofoho. Oso pa'nyo ango Loum sopo ngkine'no apa'no ul+monnoho. Jisas ose ul+mentisofoho.

A'amu Juta Poul+mo wofonjosyano nolontifi hungkuno nano mtito'mentohofofoho.

12 Mo'n'ingka im'ingo ne'nji a'amu Juta nuhu'mokont'ifi hungkuno yokintahopono lont'ifi ole mtito'mentohofi, Nakwo Poul'imo wofonjasyano. Kako songo nohumentan'ingkuhwosi nakwo wopayo'nji mijo'nji monanehwono. Ose mtito'mentohofofoho.

13 Oso a'amu huhwo sohwa oso hungkuno mtito'mentohofoho sohwa a'amu we'e pi'n'ingo'maho. A'amu *foutimo* (40) yakolonoho.

14 Ose mtitofont'ifi hof'iko nowent'ifi a'amu tajo ango syoho'njo sohwanji hwe engo sohwanji oso hwamo ul'imentohofi, Nakwo hungkuno yokintoshopono lontani ole mtitof'ihwono, Nakwo Poul'imo wofonjasyantane'no y'hwono. Kako songo nohumentan'ingkuhwosi nakwo wopayohwa mijohwa monanehwono.

15 Oso'no sekwo a'amu *kaunisol* syoho'njo sohwanji sekwo hwe itokuso'njo yofe engo'njo sohune'no mo'n'ingka hungkuno fil'hwat'imno. Ole ul'imno, Nakwo Poul'imo nom'ne hungkuno ulohonantane'no y'hwono. Oso'no olopo fi'pemetape. Ose ul'imno. Oseso nakwo hon'ingkanopo Poul'ine'no nohontohumehwasi fonjasyoso olopo maponehoho. Ose ul'imentohofofoho.

16 Olo hilo so'no Poul'iyee koifahwo nupa'nonto nowento a'amu itokuso'njo sohwafe angomo noswonto a'amu Juta Poul'imo nofonjasyane'ent'ifi li'mentohofoho so'no Poul'imo ul'imentisofoho.

17 Ose ulahon'ingki Poul a'amu mnokino manji'mofon'jo sohune'no johu ulonto ul'imento, Olo hwomu lohwo hwe itokuso'njo yofe engo'njo

sohune'no hungkuno ulimte'no yohoho. Osopo fipemotaso.

¹⁸ Ose ulahonɨngki hwe huhwo sohwo ipemotanto hwe yofe engo'njo sohomo ulimeto, Poul impo'angomjo sohwo ngkine'no johonntonto tohoho, Olo hwomu lohwo hwe itokuso'njo yofe engo'njo sohune'no hungkuno ulimte'no yohoho. Osopo fipemotaso. Ose ntohoho.

¹⁹ Ose ulahonɨngki hwe yofe engo'njo sohwo hwomu sohomo aho nokento siko'nohinopo ipemotawento ulohonimeto, Pehofowantimonnto.

²⁰ Ose ulohonɨngki hwomu sohwo ulimeto, A'amu Juta hungkuno ole mtitofohofu, Mo'nɨngkanta hungkuno ole wokilantifeho, Kiko *kaun+solɨ*'njopo Poulimo fipemotape. Hofiko Poulimo kakoe hungkuno hwapɨngo so'no ulane'entifi hwasyo poji yalokwofo.

²¹ Oso'no hofikoe hungkunomo kiko inɨngkahutoho. Hwapɨngoso a'amu *foutimo* (40) hwofilo'nnyo sohwa hofiko honɨngkanopo hiyaso humafikuji Poulimne'no wohontohumantifeho. Oso a'amu huhwo sohwa hofiko ole mtitofohofi, Nakwo Poulimo wofonjoso'ano. Poul songo nohumentanɨngkuhwosi nakwo wopayohwa mijohwa monanehwono. Ose mtitofohofu. Kiko eno ulohoji Poulimo uhwojiso'manji honɨngkanopo wofonjosityantifeho.

²² Ose ulahonɨngki hwe yofe engo'njo sohwo hwomu lohomo yokumpohn'nyo ulimeto, Olo hiloso ntohino so'no nom'ne a'amu somo nulohotoho. Ose ulonto hwomu sohomo uh-

watimentisofoho.

Hwe yofe engo'njo hwaho mokosyohumayo Felikis sohwoepono Poulimo ipemotawomentohofoho.

²³ Nuhwajonto kako hwe hufa'u mnokino manji'mofonjo sohwa'umne'no joho ulonto ulimento, Siko a'amu itokuso'njo *tu hantilet* (200) sohwanji nom'ne a'amu ahwomo yahuponjo kehumawo'n'ngkohoho *sefenti* (70) sohwanji nom'ne a'amu hosimno'njo *tu hantilet* (200) sohwanji hano iyo'ne ito'no fesyohumunyo. Olo sikwo'miyo lomo, (9 *kilouk*), osomo sekwo ango Sisaliya spono fiwanimno.

²⁴ Nom'ne ahwomo yahuso Poul kehumayo'ne fesyohumunyo. Sekwo Poulimo ito'no ipemotakuji hwe yofe engo'njo hwaho mokosyohumayo Felikis sohune'no utimotapmno.

²⁵ Ose ulonto kako iyoswo ifalifaliyo ole mtimokumento,

²⁶ Ngko Kiloutiyos Lisiyasi'ni olo iyoswo loso hwe wopingo yofe engo'njo hwaho mokosyohumayo Felikis sohwo'imne'no mtimokalokweno. Nje Felikis.

²⁷ A'amu Juta olo hwe Poul lohumo nokentifi wofonjasyano lontifi imalofofoho. Kako a'amu Loum hweho upa'nimale so'no ngko nje a'amu sohwanji nowentani utima'malohwonefoho.

²⁸ A'amu Juta Poulimo wonyo hwosoho ulimalofo so'no oso hwapingoso huno waniyono lonji Poulimo *kaunisol* sohwafepono ipemotawomalefoho.

29 Osopo huno ole tɪpema'male, Hofiko hofikoe honɪngkano hungkuno somne'no Poulimo ulimalofofoho. I oso hiso'no poyo mape'nonehoho. Impo'angomo mintofahufitnehoho.

30 Hungkuno ole nɪ'ma'masofoho. Hofiko Poulimo wofonjosyantifi imalofofoho. Ose upa'nonji ngko kikiyepono komo'no uyahotimalefoho. A'amu Poulimo hungkuno ulimalofo sohwanne'no ulimalefoho. Hofiko Poulimne'no hungkuno hi'njo hwa'manji hofiko jje sɪmanopo walife. Osohopeho.

Iyoswo ose mtɪ'mokumentisofoho.

31 A'amu itokuso'njo sohwa hwe yofe engo'njo sohwoe hungkunomo tɪfi inɪngkawentɪfi oso sɪkwo'miyo somo hofiko Poulimo ango Antipatilis spono ipemotawomentohofofoho.

32 Iyoho longkonɪngkahonɪngki a'amu itokuso'njo sohwa hofikoe angomno asomo umentohofofoho. A'amu ahwomo yahupo kehumayo'njo sohwa Poulimo ango Sisaliya'no ipemotawomentohofofoho.

33 Hofiko Sisaliya i'mofawentɪfi hofiko iyoswo motawomentohofoso hwe yofe engo'njo Felikɪs osomo uyontɪfi Poulimo hwe engo sohwo'njopo uhwojamentohofofoho.

34 Felikɪs iyoswo atofu lonto Poulimo ulimento, Kiko ntɪ'mta'ango hwasilo. Ose ulahonɪngki Poul ulimento, Hwaho Silisiyanta'ango hwo'nyoho.

35 Ose ulahonɪngki Felikɪs ulimento, A'amu kikine'no hungkuno hi'njo sohwa i'mofapɪkujo'no jje hungkuno upa'nɪmonnoho. Ose ulonto, kakoe a'amu sohwo ulimento,

Heloutiye ango engo sopo wohumano. Osopo sekwo uhwontohumamno. Ose ulimentisofoho.

24

A'amu Jutajo hwe yofe engo'njo sohwa Poulimne'no hungkuno limentohofofoho.

¹ Sikuno aho fehohnjo hopi'nonohino memjaofahon'ngki hwe yofe engo'njo tajo ango syoho'njo Anonaiyas oso hwo'nji nom'ne hwe engo sohwanji hwe nom'ne hofikoe hungkuno jo'ne yofe Tetulos oso hwo'nji Sisaliya i'mofapmmentohofofoho. Hofiko hwe yofe engo'njo Feliks'i'njo sopo lohofontifi Poulimne'no hungkuno ulimentohofofoho.

² Feliks Poulimne'no lihwojahon'ngki nopahon'ngki Tetulos sohwo a'amu Juta sohwafe hungkuno Poulimne'no ulimento, Hwe engo Feliks sohwosi, Kiko nakumo wonyoangkafo nemokosyohumawo'n'ngkino hwosoho. Nakwo ikujoho mafongki'nyoso simeho pompenjiyo ito'no humalohwono. Nakwoe hwaho lopo yo'mayo wonyo imo'nyoso kiko huno wopingo syafisyonji ito'no mti'mokuwo'n'ngkino hwosoho.

³ Oseso nakwo simeho wopingo nemo'n'ngkahon'ngki isamoyoka wokilantane'no yalokuhwono.

⁴ Ngko huno ole niyohi, Kiko syoho engo'njo hwosoho. Oso'no hungkuno tifo'nohino wakilmne'no yohono. Kiko a'amufe hungkuno upa'n'wo'n'ngkino sohwo nje hungkuno upa'nyo.

⁵ Olo hwe Poul lohwo kako a'amu Jutamne'no wonyo uy+wo'n+ingciso hweho. Ango'meemo nowento a'amu'njopo yoka'nji ikujoho'nji ul+kaf+wo'n+ingciso hweho. Nakwoe a'amu Juta fehohnjo hot+ku lohofont+fi hon+ingkano nom'nemo in+ingkowalokwofo sofe yofe Nasalet+yoho. Olo hwe lohwo hof+koef hwe engo hweho.

⁶ Kako a'amu temtitofo kengo sohwa nakwoe An+ituye anga engo somo wonyo imokiyo'ne ipemotapmmasofoho. Ose uhwonontani Poul+mo aho ka'malohwonefoho. [Nakwo nakwoe yahinomne'no Poul+mo ito'no wom+hwojantani ko yahon+ingkuhwoni

⁷ hwe itokuso'njo yofe engo'njo Lisiyas oso-hwo noponto nakwoe aho mta'ni us+huto'mto yokumpohn'njo imo'nonto ut+ma'masofoho.

⁸ Nut+manto nal+ma, Sekwo olo hwe lohumnene'no hungkuno hi'njo hwas+manji sekwo Felik+si+yepono motawomno. Lisiyas ose nal+masofoho.] I oso'no k+ko Lisiyas sohomo ulohonyo. Kakoe hungkuno nupa'n+ingkohoji huno wakiyono. Yo'mayo ul+malohwone so'no wakilono. Tetulos ose ul+mentisofoho.

⁹ A'amu Juta hopi'nonohinoso si+meho inont+fi ul+mentohofi, Hungkuno nehopi kilohoho. Ose ul+mentohofofoho.

Poul kakoe hungkuno Felik+si+mo ul+mentisofoho.

¹⁰ Hwe engo sohwo Poul+mne'no hungkuno jo'ne uhwon+ingkahon+ngki Poul ul+mento, K+ko nakwo a'amu Juta sohwna'n+imo hungkuno ito'no m+hwojontan+ingkinososwo

pi'ningo neyakolo'mojofoho. Oso'no ngko nje hungkuno kilimne so'no simeho wopingo nimo'n'ngkohoho.

¹¹ Sikuno aho hopi'nono sife mta'ni hufa'u mmo'nyo sohonta ngko Anitumo jomo ulimo lonji Jelusalem i'mofapmmalefoho. Kiko hofikimo olo hiso'no ulohojo'no nehopeho wakilife.

¹² A'amu Juta Anituye ango engo engo somo nom'ne a'amu sohwanji hungkuno ikujoho hopa fongki'nontan'ngkuhwoni monahonyo'njo imalofofoho. Hofiko ango uhu'mokiyo sopo angkuhwafo engo sopo hwe moya'mi ikujoho so'no ulikofontan'ngko manohonyo'njo imalofofoho. Awonoho. Ngko miyo hwo'nyoho.

¹³ Oso hungkuno yo'mayo imale so'no kilohofoso hungkuno hwap'ngoso ne anefoho. Oso'no hofiko kikimo olo hungkuno loso nehopi pipi kitihwafitnehoho. O'o, yo'mayo ngkine'no kilohofoso muhwon'immalofihwafoho.

¹⁴ I oso'no hungkuno anga'no kilohofoso nehopeho. Ole. A'amu Juta fehohnjo hotiku lohofontifi Hon'ngkano songomo in'ngkowalokwofo. Oso Hon'ngkano somo ngko tifi in'ngkawenji neyakwosafe Anitumo simeho hi'ntnnono uyalokweno. Mousesiye hon'ngkano hungkuno so'nji a'amu Anitu hungkuno uyahon'ngki limotofo sohwafe hungkuno somo in'ngkowalokweno.

¹⁵ Anitu a'amu wop'ngo'nji wonyo'nji poyo pe'nyo somo ulikafone so'no simeho hi'ntnnono uyonji oso hiso'no a'amu lo'nji hontohumalohwono.

16 Ngko nje honingkano wopingomne'no syoho engo iwo'niningkohe hwo'nyoho. Oso'no Anitu'nji a'amu sohwanji ngkimo wonyo hwosoho mantifitnnehofo. O'o, hwe wopingo hwosoho ntifitnnefoho. Ngko ole hnnimnefoho. Honingkano wopingo'njo hwo'nyoho hnnimnefoho.

17 Hohonta ngko Jelusalem uliko'manji soswo fihwo niyokolofahoningki ngko hwaho kengo kengopo emoyonji Jelusalemno asomo pmmale hwo'nyoho. A'amu hamniyoho umofonyo iyo somne'no hamniyoho motaponji Anitune'no yahu umalefoho.

18 Ose yonji ngko Anituye ango engo somo nohumanji oso hiso kiho'maso imokiyo so'no yontaningko nohonimalofofoho. Ngko a'amu osofosofahu'nohino'nji nohumentani yo'mayo ito'nohino imalohwonefoho. A'amu pi'ningo nakwo'nji mohumulofa.

19 I oso'no a'amu Juta fehohnjo hwaho Esiyanta'ango sohwa nohumantifi ngkimo aho niko'malofofoho. Oso a'amu huhwo sohwa ngkine'no hungkuno hi'njo hwa'manji jije simanopo lohofikuji ngkine'no hungkuno ntifitne'no mape'njo peho'neto.

20 Mape'njo so'no ngko *kaunisol*'njopo nohumentaningko sohonta *kaunisol* sohwa peho wonyo imale'no mtito'malofo. Olo hwe lohwa wantife.

21 Olo hungkuno lo'nohinotikeno. Ngko hofiko'nji nohumanji ngko johole ulimale, A'amu poyo pe'nyo somo Anitu apa'no songo ulikafo so'no simeho hi'ntnnono uyalokweno.

Oso hiso'no hofiko ngkine'no hungkuno kontalokwofo. Poul ose ulimentisofoho.

²² Felikis kako a'amu Jisasimo iningkamotofo sofe honingkano so'no huno umentiso hweho. Oso'no kako a'amu Juta somo ulimento, Nta'noho. Sekwo fohontohumamno. Hwe itokuso'njo yofe engo'njo Lisiyas sohwo nopihwoso'no sekwoe hungkuno ito'no womesehwatimonnoho.

²³ Ose ulonto a'amu impe'njo sohwo mokosyohumayo sohomo ulimento, Kiko Poulimno fohontohumaho. Kako pawesoso wopingofoho. Kakoe a'amu jomo u'mafikuji yo'mayo uyifijoso wopingofoho. Ose ulimentisofoho.

Felikis kako Poulimo impe intofonto soswo hufa'u uyimentisofoho.

²⁴ Sikuno nom'ne fihwa memjaofahonngki Felikis kakoe ape Ntilusila'nji pmentisiyefoho. Oso a'mu hisi Juta apefoho. Felikis Poulimne'no kakoe hungkuno upa'nyo so'ne luhwajimentisofoho. Poul a'amu Jisasimo simeho hi'ntnnono uyoso'no lutihwamentisofoho.

²⁵ Kako honingkano wopingo tipemayo so'no yo'mayo wonyo ho'nafo so'no hwangu Anitu a'amufe hungkuno ikwolofo so'no lutihwamentisofoho. Ose ulahonngki Felikis iyoho uningkahonngki ulimento, Nta'noho. Olohonta kiko mpano. Sikuno nom'nemo ngko iyoho humame sohonta nekwo apa'no wolaho.

²⁶ Ose ulonto ole syafihummento, Poulimo usihuto'meso'no hamniyoho wontapmmon-tolikeno. Ose syafisyonto sikuno pi'ningo

somo Poulimne'no lihwajiwo'nonto Poul'i'nji hungkuno hnnimentisiyefoho.

²⁷ Soswo hufa'u uyokolofahon'ngki hwe nom'ne Pousiyos Fesitos oso hwo Feliksiye hwaho mokosyohumayo syohoso ma'mentisofoho. Feliks huhwo sohwo a'amu Juta afofo umokumonto yonto Poulimo impo'angomo humentan'ngki musihutofe'njo yonto uliko'ma'mentisofoho.

25

Poul kako yokumpohn'nyo lohofonto, Nje hungkuno Sisa yofe hwofilo'nnyo sohwo won'ipa'nono ulimentisofoho.

¹ Fesitos hwaho kengo mta'ni ango Sisaliya i'mofaponto hwaho mokosyohumayo syohoso nomanto sikuno hufa'u sihune memjaofahon'ngki kako Jerusalemno simentisofoho.

² A'amu tajo ango syoho'njo sohwanji a'amu Jutafe hwe engo sohwanji Fesitos'i'njopo u'mantifi hofikoe hwasyo hungkuno Poulimne'no ulimentohofofoho. Hofiko jomo yokumpohn'nyo ulimentohofi,

³ Kiko nonefo'mahoji Poulimo Jerusalemno uhwajo. Ose ulontifi Poulimo hon'ngkanopo fonjosiyanentifi nto mtito'mentohofofoho.

⁴ Ose ulahon'ngkofi Fesitos ulimento, Poul ango Sisaliya sopo impo'angomo humaho. Oso hopo sopone'no we'enepe wanne'no yohono.

⁵ Poul kako wonyo imentiso'manji sekwoe hwe engo sohwa ngko'nji nowehwasi osopo wolantano. Ose ulimentisofoho.

⁶ Fesitos Jelusalem nohumanto nom'ne sikuno aho fehohnjo hopi'nono nom'ne mta'ni hufa'u sihunetikeno sikuno aho hufa'u hopi'nonohinotikeno memjaofahoningki hofiko Sisaliya'no umentohofofoho. I'mofapontifi mo'n'ngkanta Fesitos kako ango hungkuno ito'no melihwajiyo'ne somo nohumanto kako Poul waponi lonto lihwatimentisofoho.

⁷ Lihwojahoningki Poul noswahoningki a'amu Jelusalem mta'ni pmentohofohi sohwa Pouli'njopo nolohofontifi hungkuno tango'njo Poulimne'no limentohofofoho. Hofiko Poulimo wonyo imentohino hwosoho ko ulimentohofoso Fesitos kako hofikoe hungkuno somo ne motipe'mamentisofoho.

⁸ Poul hofikimo aku ulimento, Ngko honingkano wonyo mmofe'njo hwo'nyoho. Ngko a'amu Jutafe honingkano hungkunoso mtihupeso awonoho. Ngko Anituye ango engo somo wonyo imokiyoso awonoho. Hwe yofe engo'njo Sisa oso hwoe hungkunomo ngko hwotoho fiyoso awonoho.

⁹ Ose ulahoningki Fesitos kako a'amu Juta sohwa mo afofo umokumonto yonto Poulimo ulimento, Kiko huno pipi kiyohoho. Nakwo ango Jelusalem sopo nosihwasi osopo jije hungkuno ito'no melokuhwajimeso wopingtaho.

¹⁰ Ose ulohoningkahoningki Poul ulimento, Olo ango humale loso a'amu Loum sohwafe hungkuno ito'no meliwojiyo angofoho. Oso'no

olo ango olo huhwo lohwo nje hungkuno ito'no mefoholofihwajiyo'ne angofoho. Kiko huno moi'wonoho. A'amu Juta somne'no wonyo mimentohefoho.

¹¹ Ngko wonyo honingkano imofonti'mntentesi oso wonyo hiso'no kiko poyo pe'nyo ntifijoso hungkuno ane'njo nope'ni'mnesohilo. I oso'no oso hungkuno ntohofoso hwasyo'manji kiko hofikoe ahomo noho'nani'syohotoho. Hwe yofe engo hwofilo'nnyo Sisa osohwo kako nje hungkuno upa'nono. Oso hiso'no ngko Loummne'no wawomne'no yohono.

¹² Ose ulahoningki Fesitos kakoe a'amu *kaunisol* syoho'njo sohwanji hnnontifi Poulimo ulimonto, Kiko Sisamne'no jije hungkunomo upa'nono ntohino so'no e'wano. Sisafepono fiwano. Ose ulimentisofoho.

Fesitos kako Poulimne'no Akilipa sohomo ulimentisofoho.

¹³ Hwangku sohonta hwe yofe engo'njo hwaho mokosyohumayo Akilipa sohwo kako kakoe ape Mpenaisi oso'nji siko ango Sisaliya i'mofawenji Fesitosimo isamo uloho'mentisiyefoho.

¹⁴ Siko ango Sisaliya humentaningki sikuno pi'ningo memjaofahoningki Fesitos Poulimne'no hungkuno ole luti'hwamento, Poul impo'angomo humentaningki Felikis musihutofe'njo uliko'ma'mentisofoho.

¹⁵ Ngko Jelusalem nosonji osopo nohumentaningko hwe yofe engo'njo tajo ango syoho'njo sohwanji a'amu Jutafe hwe engo sohwanji ni'mantifi Poulimne'no ntontifi ntimentohofi,

Kiko Poulimo ole uso, Jije wonyo imentohino so'no poyo pe'nyo. Ose uso.

¹⁶ Ose ntahoninkofi ulimentoho, Nakwo a'amu Loum s'i'nwi oso yahino hiso ane'nwoho. Hwe fihwo a'amu nom'ne kakine'no hungkuno hi'njo sohwo kakoe simanopo malohofe'njo yihwosi oso hungkunoso majo'manji oso hwe sohomo tohino siki muyanehwono. O'o, a'amu sohwo nom'nehumne'no hungkuno hi'njo osohwo kakoe hungkuno ulahoninkuhwoso'no hwe huhwo sohwo hungkuno aku ulososo oso honinkano wopingofoho. Ose ulimentohefoho.

¹⁷ Hofiko ngko'nji pmentihwone sohonta ngko mohontohumamentohefoho. O'o, mo'ninkanta ngko hungkunojo ango somo nohumanji Poulimne'no lihwatimentohefoho.

¹⁸ Ngko ole syafihu'mentoho, Hofiko Poulimne'no honinkano wonyo so'no ulantife'no yohoho. Ose syofisyahoninko hofiko nolikofohumantifi wonyo ne so'no mujo'njo imentohofofoho.

¹⁹ O'o, hofiko yoka ole wo'nnyo hwafoho. Poul hofikoe Anitumne'no honinkano songo iningkayo'ne tipema'mentiso so'nji hwe fihwo kakoe yofe Jisas osohwo poyo pe'nimentiso so'nji oso'no yoka ulimentofofoho. Poul ulimento, Jisas songo humaho.

²⁰ Oso'no ole syafihu'mentoho, Hungkuno hwapingo neso pipi syafihu'mnehono. Ose syafsyonji Poulimo ulohonimentoho, Nakwo ango Jelusalem sopo nosihwasi osono jije hungkuno ito'no melokuhwajimeso wopingotaho.

21 Ose ulahonꝯngko Poul ntꝯmento. O'lo, ngko impo'angomo nohumahm'mo tꝯfi hwe yofe engo hwofilo'nnyo Sisa osohwo nje hungkuno ito'no melonꝯhwajonoho. Ose ntahonꝯngki ngko nje a'amu impo'angomjo mokosyohumayo sohwamo ulꝯmento, Poul impo'angomo wohon-tohumano. Hwangku Sisamo uhwonyo'ne uhwatꝯmonnoho.

22 Oso hungkunoso Akꝯlipamo ulahonꝯngki Akꝯlipa ulꝯmento, Olo hwe lohwoe hungkunoso upa'nꝯmne'no yohono. Ose ulahonꝯngki ulꝯmento, Mo'nꝯngkanta kꝯko upa'nyo.

23 Mo'nꝯngkanta Akꝯlipa'nji kakoe ape Mpenaisi'nji siko hwapꝯfe wokoso'njo wonyoangkafoso yahonꝯngki hwe itokuso'njo a'amu yofe engo'njo sohwanji oso ango Sisaliya hwe engo sohwanji nopontꝯfi Akꝯlipa hiya'umo ipemotapontꝯfi ango uhu'mokiyo sopo humen-tohofofoho. Nuhu'mokahonꝯngkofi Fesꝯtos Poulꝯmo utꝯmotapꝯfe lꝯhwatꝯmentisofoho.

24 Nutꝯmotopahonꝯngkofi Fesꝯtos ulꝯmento, Hwe yofe engo'njo Akꝯlipa sohwanji sekwo a'amu hopi'nono nakwo'njopo humalofo soku olo hwe lohomo uhwonꝯmno. A'amu Juta Jelusalem mta'ango so'nji oloponta'ango so'nji olo hwe lohummne'no nje sꝯmanopo lohofontꝯfi nto ntꝯmentohofofoho. Hofꝯko johohomh'mno ntꝯmentohofi, Olo hwe lohwo kako songo mohumanehoho.

25 I oso'no kakoe honꝯngkanomne'no hungkuno upa'nonji wonyo iyoso'no poyo pe'nyo'ne so'no motꝯpema'mmentohefoho. I kako ntꝯmento, Sisa nje hungkuno upa'nono.

Oseso ngko hungkuno nano mtitofonji kako Sisafepono waweno ulimentiontohefoho.

²⁶ Ngko Pouliye honingkano wonyo motipemaso'njo so'no ngko Sisamne'no iyoswo pipi mtimokumnehono. Oso'no hwe yofe engo'njo Akilipa kiko'nji a'amu nom'ne humalofo soku ngko Poul sekwoe simanopo utimotapohono. Sekwo kakoe hungkuno upa'nifijo so'no ngko Sisamne'no iyoswo ifalifaliyo mtimokumne so'no ntimno.

²⁷ Ngko a'amu impo'ango mta'ningo sohwo Sisafepono uhwatimeso kakoe honingkano wonyomne'no iyoswo ifalifaliyo mamtimokiyo'manji oso ngko yahino hopo'maho lohono. Ose ulimentisofoho.

26

Poul kakoe hungkuno Akilipa sohomo ulimentisofoho.

¹ Akilipa Poulimo ulimentionto, Kiko jije hungkuno fiso. Ose ulahoningki Poul kakoe aho honomanto kakoe hungkuno ulimentisofoho.

² Ole ulimentionto, Hwe engo Akilipa, nje hungkuno wakilmne so'no nje simeho wopingo nimoninkkohoho. Oso hungkuno a'amu Jutaso ntimentohofoso asomo wakilmonne'no yohono.

³ Kiko nakwo a'amu Juta so'nyuye yahino so'nji yomayo nakwo huno kengo kengo so'nji huno kiyohoho. Oso'no nje hungkuno sawemoso kiko hopi'nonohinomo ito'no upa'nyo.

4 Ngko we'e sohwo'nnonjo sopo * olohontajo so'nji yo'mayo yahino yi'wo'nningkohe so'no a'amu Jutaso huno uyahoho. Ngko nje ango sopono Jelusalem osoponohini humawo'nningkohefoho. Oso'no hofi'ko huno uyohoho.

5 Hohonta ngko nohumanji ngko a'amu Falisi sohwafe honingkanomo ito'no iningkawo'nimote hwo'nyoho. Oso honingkano hiso tango we'e'njo'maho. Tango m'kun'imposofoho. Oso hiso'no hofi'ko huno uyohoho. Hofi'ko wokilano lifijo'manji olo hilo so'no wakilife.

6 Yo'mayo Anitu neyakwosamo ulimentiso so'no nejapone so'no hontohumaleno. Olo hilo so'no hofi'ko ngkine'no hungkuno ho'nosyahoningkofi olopo lohokweno.

7 Nakwo a'amu Juta temtitofo sife mta'ni hufa'u so'nwi Anitune'no imingo'nji sikuno'nji isamoyoka uli'wo'n'ingkuhwonefoho. Hwap'ngoso yo'mayo Anitu neyakwosamo ulimentiso so'no ne imo'nyo so'no hontohumaleno. Oso'no hofi'ko ngkine'no hungkuno ho'nahumalofofoho.

8 Sekwo a'amu Juta soku, Anitu a'amu poyo pe'nyo somo songo ulikafo so'no simeho hi'ntnnono muyoso peho'neto.

9 Hohonta ngko huno ole syafi'hu'mentoho, Oso hwe Jisas Nasaletnta'ango sohune'no hwotoho

* **26:4:** Hohohonta Poul kako we'e humamentiso sohonta kako ango pone engo Tasas, hwaho Silisiya, humamentisofoho. (Sohe engo 22, honingkano we'e 3, somo uhwonyo.)

wahmmonji imentohono.

¹⁰ Ose syafisyonji ango Jerusalem sopo nohumanji ose imentohefoho. A'amu yofe engo'njo tajo ango syoho'njo sohwa syoho ntapontifi nihwojahon+ngkofi ngko a'amu Jisasimo in+ngkawowo'n+ngkohoho somo nokenji impo'angomo intofahumentohefoho. Oso a'amu hisomne'no a'amu nom'neso wope'nantifeho lahon+ngkofi ngko eno ul+mentohefoho.

¹¹ Sikuno huhwo huhwi hofikoe tajo ango somo nohumentan+ngkofi ngko tohino umotefoho. Ole ul+mentofo, Sekwo Jisasimo simeho uyoso foho'naopmno. Ose ulonji hofikine'no simano hintotohino nimn+ngkahon+ngki ango hwaho kengopono a'amu Jisasimo in+ngkawowo'n+ngkohoho somo tohino uyimo lonji umentohefoho.

Poul Anituye a'amu ne imo'n+mentiso so'no ul+mentisofoho.

(Apousel sohwafe Syoho 9:3-19; 22:6-16)

¹² A'amu yofe engo'njo tajo ango syoho'njo sohwa iyoswo ntapontifi a'amu Jisasimo simeho uy+wo'n+ngkohoho somo tohino uyo'ne ango Ntomasikos osopono nihwat+mentohofofoho.

¹³ U, hwe engo sohwise, ngko hon+ngkanomo nowentan+ngko hinjopo pomponaho engo ahwomo mta'ango lan+humentisofoho. Pomponaho hiloso mofehi'nyomo yakolo'nnyofoho. A'amu ngko'nji ument+hwone sohwanji olo pomponaho hiloso uhwon+ment+hwonefoho.

¹⁴ Ose uhwonontani hwahopo piwahu'ment+hwonefoho. Ngko Hip+lu

mampaho upa'nimentoho, Soul, Soul, wonyo peho'no ntohofantokuno. Kiko sihu mampo'nnyo somo entofomahoji'manji kiko sihu wosakolo'nimonnoho.

¹⁵ Ose ho'n'ingkahon'ingki ulohonimentoho, Hwe engo tihwosilo. Ose ulahon'ngko ntimento, Ngko Jisasi'nyoho. Kiko ngkimo wonyo n' mokantokuno.

¹⁶ Nolikafohoji filohofo. Nje syoho ntohofiyo'ne kuhwosopo'mne so'no ku'mahono. Olo sikuno lomo yo'mayo uhwon'ngkino so'no a'amu nom'ne somo ulohoho. Oso'nji yo'mayo hwangku kit'hwamne so'nji a'amumo ulohoho.

¹⁷ Ngko a'amu Juta so'nji a'amu kengo so'njimo wokuhwatimo. Hofiko kikine'no wokufonjano lifijoso wokufo'ma'monnoho.

¹⁸ Ngko nokuhwaji'mo kiko hofikoe hunomo f'wolo'mokahoho. Hofiko Seteniye sikwo'mjohoso'mo humalofo somo nje pomponahopo f'pemetapohoho. Hofiko Seteniye yokumpohn'nyo usikwaj'kuji ngkiyepono wapife. Ngkimo simeho ntap'fijoso hofikoe wonyo wae weeo'mo. Oso a'amu hiso'nji nom'ne a'amu'nji ngkimo simeho ntapefojo so'no hofiko Anitu mta'ni yo'mayo wop'ngo mapitnnefoho. Ose ntimentisofoho. Anitu kako'ne moi'wo nto uhwosopo'mentisofoho.

Poul kako Akilipa sohomo kakoe syoho'ne ulimentisofoho.

¹⁹ U, hwe engo Akilipa sohwosi, Olo hiloso ahwomo mta'ango ho'n'mentiso so'no hwotoho mafe'njo imentohefoho. O'o, haloho'nohino imentohefoho.

20 Oso hungkuno hiso'no a'amu ango Ntomasiikos humamotofo somo ulimontohefoho. Osoponta'ango a'amu Jelusalem so'nji a'amu hwaho Jutiya hopi'nono humamotofo so'nji a'amu temtifo kengo so'njimo Anituye hungkuno lutihwamentohefoho. Ole ulimontofo, Sekwo honingkano wonyomo hohujo ikenjaofikuji Anitumne'no simo fiwolo'mokumno. Honingkano wonyoangkafo'nohino utihwa'nyopo fiymno. A'amu nom'neso sehonifijoso Anituye a'amu ne kuyoho woselantifeho. Ose ulimontohefoho.

21 Oso hwapingo wo'nnyo so'no a'amu Jutaso Anituye ango engo somo aho nikentifi wofonjonisyantifi imentohofoho.

22 I Anitu nifo'mawo'ningkahonngki olopo nolohofonji a'amu yofe engo ane so'nji sekwo yofe engo'njo sikunonjimo Anituye hungkuno selalokweno. Olo hungkuno hiloso songo'maho. O'o Mousesi'nji a'amu nom'ne Anitu hungkuno uyahonngki lutihwamotofo sohwanji hofiko nto limotofoho.

23 Ole limotofo, Hwe ahwomo mta'ni nakwoe hwahopo uhwatimentiso sohwo tohino engo nomahwosi poyo pe'ningkuhwosi apa'no songo likafone simo'mjo hweho. Oso hwe huhwo sohwo a'amu Juta so'nji a'amu temtifo kengo so'njine'no Anituye honingkano hwosampene hweho. Ose nto limotofoho.

Poul kako Akilipa sohumo Anituye honingkano tipemayo'ne'ento lutihwamentisofoho.

24 Poul ose ulontanngki Fesitos joho mohm'no ulimonto, Poul kiko hwayo hohnjo hwosoho.

Kiko huno pi'ningo engo tipemanji jije huno hwayo hohnjo imo'nimahnno hwosoho.

25 Ose ulahonngki Poul ulimento, Hwe engo Fesitos sohwo, ngko hwayo hohnjo hwonimaho. Nje hungkuno nehopeho. Ngko huno'njo hwo'ni lohono.

26 Hwe yofe engo'nji Akilipa sohwo kako olo hilo so'no huno uyohoho. Oso'no iyoho manngkahonngki ulalokweno. Olo yo'mayo kilohe so'no Akilipa kakoe timo'nji haloho'njimo muyakolofefoho. Olo hiloso hiyaso'mo imo'nimentiso'maho. O'o, utihwa'nyopo imo'nimentisofoho.

27 Hwe engo Akilipa sohwo, kiko a'amu Anituye hungkuno lutihwamotofo sohwafe hungkunomo simeho hi'ntnono luywo'nngkino. Ngko huno niyohoho. Kiko uywo'nngkino.

28 Akilipa Pouliye hungkunomo hotiku lohofonto ulimento, Kiko huno pipi kiyohoho. Jije hungkuno'nohino somo upa'nonji ngko Anituye a'amu ne imo'nyo so'no huno lakiyohoho.

29 Ose ulahonngki Poul ulimento, Ngko Anitumo olo'no jomo ulalokweno. Kiko'nji a'amu nom'ne oloponjo nje hungkunomo upa'nngkohoho so'nji Anituye a'amu ne ngko pa'nyo umo'nife nngkohoho. I oso'no ngko impo'angomo humale hopaso oso ngkilaho nngkohoho. O'o, sekwo Anituye a'amu ne hmmo'nimno.

30 Ose ulahonngki hwe yofe engo'njo Akilipa sohwo'nji Fesitos hwe hwaho mokosyohumayo sohwo'nji Akilipafe ape

Mpenaisi'nji a'amu nom'ne humalofo sohwanji likofohumentohofofoho.

³¹ Hofiko noswapontifi hnnimentohofi, Yo'mayo poyo pe'nyo so'no impo'angomo intofasiyo so'no olo hwe lohwo kako imentiso'maho.

³² Hwe engo Akilipa Fesitosimo ulimento, Poul kako Sisamne'no nje hungkuno upa'nono majo'njo yontentesi kiko nusikwajohotnnesohilo. Ose hnnimentohofofoho.

27

Poul kako yofayokinomo angou Loum ne'no womentisofoho.

¹ Hofiko hwaho Itali'no yofayokinomo wekane'entifi hungkuno mtito'mentohofoso'no hofiko Poul'nji a'amu nom'ne impo'ango mta'ango sohwanji hwe nom'ne yofe Juliyos oso hwoe ahomo ho'nahumentohofofoho. Oso hwe huhwo sohwo kako hwe engo Sisafe a'amu itokuso'njo *wan hantilet* (100) sohwamo umokosyohumayo hweho.

² Nakwo yofayokino Atilamitiyom mta'ango somo kotasimentihwonefoho. Yofayokino homo somo hwaho Esiya wowano lahonngkofi nakwo'nji umentihwonefoho. Hwe fihwo yofe Alisitakos nakwo'nji umentihwonefoho. Kako hwaho Masetouniya angou Tesolounikanta'ango hweho.

³ Mo'nngkanta nakwo angou Saitoun ifohohosahumentihwonefoho. Juliyos kako Poul'mne'no hitoho ulofahonngki Poul'mo

ulimonto, Kiko jije a'amu olo ango lopo humamotofo so'nji foyohumaho. Ose ulahon'ngki Pouliye a'amuso wopayo yo'mayoso Poulimo uyimentohofofoho.

⁴ Oso ango somta'ni nowekentan'ngkuhwoni ifofo engo ilojaofahon'ngki oso ifofo ilojao'mentiso sohosile ifofo engo'njo sohohtani i'waho yontani ifofo we'e'njo sohohtani hwaho we'e Saipilos sopo woment'hwonefoho.

⁵ Nowentani nakwo Sisaliya'nji mofone sopo mijomo nowekentani hwaho Lisiya ango Maila sopo i'mofapmment'hwonefoho.

⁶ Osopo a'amu itokuso'njomo mokosyohumayo sohwo yofayokino nom'ne Aleksant'liyanta'angoso Loum ne'no umne'ento tipema'mentisofoho. Notipemanto nakumo netimanto nehwojamentisofoho.

⁷ Oso yofayokino homo somo nakwo nokotosontani nowentani sikuno pi'n'ngo hofohofahn'no ument'hwonefoho. Hofiko syoho tohohmt'no'njo engo yont'fi nakwo ango Nitos mofone sopo i'mofapmment'hwonefoho. Oso hopo sopo ifofo nomt'ihupmmofahon'ngki nakwo mayofoho. Oso'no nakwo oso hwaho we'e Kilit osohosili nowentani ango Salimoune uyakolo'ment'hwonefoho.

⁸ Oso hopo sopo hofiko syoho tohohmt'no'njo engo yont'fi nakwo hwaho Kilit mom'ngo sopo woment'hwonefoho. Nowentani nakwo mijo wop'ngo'njo sopo i'mof'wentani oso hopo sopo ole limotofofoho. Mijo Wop'ngoponoho. Ango Laseya mofoneponoho.

9 Osopo nohumentanɨngkuhwoni sɨkuno pi'nɨngo memjaofahonɨngki sɨkuno nom'ne * a'amu Juta wopayo humaho humayo somo moi'wo imo'nɨmentisofoho. Osohonta mijo ayo nɨhu'no wonyo imo'nɨmentisofoho. Oso'no Poul kako a'amu yofayokino syoho'njo sohwamo ulɨmento,

10 Sekwo upa'nɨmno. Nakwo olohonta hano'manji, syoho tohohmtnno'njo engo yɨhwasi yo'mayo hopi'nono wonyo umo'nɨmontonoho. Ho'yango'nji yofayokino'nnohino'maho. O'o, a'amu'nnonji wonyo umo'nɨmontonoho. Olo hilo so'no ngko huno niyohoho.

11 Ose ko lahonɨngki hwe a'amu itokuso'njomo mokosyohumayo sohwoko kako Pouliye hungkunomo haloho miyofoho. O'o, kako hwe yofayokino kilonjipe sohwonji hwe yofayokino kakwo'yohwo sohwonji sikoe hungkunomo tɨfi inɨngkamentisofoho.

12 Oso mijo wopɨngo hopo sopo ifoyo'nji ifofo engonji iyo sohonta yofayokino ito'no mofosyohumayo'njo yɨwo'nɨngkisofoho. Oso hiso'no a'amu yofayokino syoho'njo sohwa ole mtito'mentohofi, nakwo olopo ulɨko'mano. Nakwo ango Finikɨs nowehwasi ifoyo'nji ifofo engonji iyo sohonta yamofo wofosyohumano. Ose mtito'mentohofofoho. Ango Finikɨs oso mijo wopɨngopo hwaho Kɨlitɨ'njoponoho. Ifofommne'no hiyaso'mnoho.

* 27:9: Oso sɨkunoso Anɨtu A'amu Wonyo Wae Yafo'ne Imo'nɨmentisofoho. Oso soswo somo ifofo engo Miyo Engo Sa'njo Metitelenyan sohohtatɨni lɨka'mentisofoho. Yofayokino hano miyo'njo imojofoho.

Ifofo engo yonto mijo engo yonto yofayokinomo ho'noma'mentisofoho.

13 We'enepo ifofo posipo'nnyo imo'n'ingkahon'ngki hofi'ko huno ole syafi'hu'mentohofi, Jefo wop'ingofoho. Hano wohwano. Ose lontifi hofi'ko sojo tango'njo mijo mta'ni ifi'wosipemantifi nakwo hwaho Kilit mom'ingomnohini umentihwonefoho.

14 We'enepo nowentan'ingkuhwoni ifofo m'ikun'imposo hwaho Kilitnnta'ango pmmmentisofoho.

15 Ifofo engo sohwo nakwoe yofayokinomo fonjahon'ngki kilonjipe monto hopo mmo'nyo'njo yahon'ngki ifofo yofayokinomo motali'mo'mentisofoho.

16 Nomotali'mofontan'ngki hwaho we'e kakoe yofe Kauta hohujo hohnta'ni umentihwonefoho. Hohujo hohnta'ni yofayokino nowentan'ngki nakwo oso yofayokino nom'ne we'e husimpemotawowo'n'ingkohofoso syoho tohohmtno'njo engo yontifi mokohusimpemantifi yofayokino engomo ho'nahumentohofofoho.

17 Osohonta hofi'ko yofayokino engo sohomo m'ngangomo'mnohini impe swofapo'mentohofofoho. Yokumpohn'nyo intofomokosyohumayo'nefoho. Hofi'ko hwaho engo Api'lika sojo'njo sopone'no iyoho un'ingkahon'ngki yofayokinomjo hwapi'fe ifofo'ne'entifi pmpilipeehumentohofoso asomo peehon'ngki yofayokino mijopo mtapmmmentisofoho.

18 Ifofo'nji mijo yokino'nji nakumo ne'no

ilojonemofahonɨngki mo'nɨngkanta nakwo
 ho'yango yofayokino mta'angoso mijomo
 ho'nomo'mosapmmentɨhwonefoho.

¹⁹ Mo'nɨngkanta nom'ne sɨkuno sohumo
 hofɨko yo'mayo yofayokinomjoso aho'nji mijomo
 mehu'meeo'mentohofofoho.

²⁰ Sɨkuno pi'nɨngo engo somo mofehi'nyo'nji
 hntokwaliyo'nji muhwonyo'njo yon-
 tanɨngkuhwoni ifofo ne'no naloho'mentisofoho.
 Oso hiso'no nakwo ole syafɨhu'mentɨhwoni,
 Nakwo angonepo m'mofayo'njo uyantanoho.
 O'o, nakwo mijomo poyo umo'nantanoho. Ose
 syafɨhu'mentɨhwonefoho.

²¹ Sɨkuno pi'nɨngo engo a'amu sohwa wo-
 payo manyo'njo yahonɨngkofi Poul hofɨko'nji
 ajwo'mta'ni nolɨkafonto ulɨmento, Upa'nɨmno.
 Sekwo nje hungkunomo haloho yontɨfijontentesi
 nakwo Kilitnnta'ango mulɨko'maso'njo nesohilo.
 Nakwo olo syoho tohohmtnno'njo engo miyo'njo
 esohilo. Ho'yango yo'mayo moi'wo mmo'nyo'njo
 nesohilo.

²² I oso'no ngko hungkuno waselɨmonne'no
 yohono. Sekwo iyoho senɨngkuhwoloho. A'amu
 sohwna'ni mape'nyofoho. I, yofayokino'nohino
 moi'wo imo'nyofoho.

²³ Ngko Anɨtuye a'amu ne hwo'nyoho.
 Kakine'no ngko hwomtame ulohofɨwo'nɨngkohe
 hwo'nyoho. Olo sɨkwo'miyo lomo hwe ahwomo
 mta'ango sohwo ngko'njopo nolohofonto,

²⁴ ntɨmaho, Poul kɨko iyoho kinyo'eno.
 Hwangku kɨko Loumjo hwe engo Sisafe
 sɨmanopo lohotnne hwosoho. Anɨtu kako
 kikine'no hitoho ulofɨwo'nɨngkiso so'no a'amu

hopi'nono kiko'nji humalofa sohwa songo wohumantifeho. Ose ntimasofoho.

²⁵ Oso'no sekwo iyoho senyo'eno. Olo hungkuno hiloso Anitu ntimasoso ne imo'nyo so'no ngko simeho uyohono.

²⁶ I simo'mo ifofo nakwoe yofayokinomo motole'mofihwosi sojopo wonyo umo'nimontonoho. Ose ulimentisofoho.

²⁷ Sikuno aho hufa'u hopi'nono sife mta'ni osofosofahu'no memjofahonngki nakwo Mijo Ayo Engo Sa'njo Metiteleniyan sopo mtawomentihwonefoho. Oso sikwo'miyo somo kuntoliyopo a'amu yofayokino syoho'njo sohwa ole syafihu'mentohofi, Hwaho we'e mofoneponoho.

²⁸ Ose syafisyontifi hofiko mijomo impe yamofa yamofa humomj+mihwofofoho. Humomj+mihwofoso uhwonimentohofoso mitipongo kengomo'mo, *futi* (40) *mita*, uhwonontifi we'enhwo nowentifi apa'no humomj+mihwofofoho. Osopo nuhwonontifi mitipongo we'e hopaponoho, *teti* (30) *mita*.

²⁹ Ose uhwonimentohofoso hofiko iyoho uningkahonngki syafihu'mentohofi, Nakwo sojo'njopo i'mofiwanehontifi sojo osofosofahu'nohini tango'njo engoso yofayokino hano miyo'njo'ne mijomo intofuyoho'mokumentohofofoho. Ose yontifi hofiko mofehi'nyo komo'no wosi'mofapono lontifi aho ku'mokumentohofofoho.

³⁰ A'amu fehohnjo yofayokino syoho'njo sohwa hofiko ole syafihu'mentohofi, Nakwo yofayokino we'e so'njo a'amu sohwamo uhwojano lontifi hofiko yofayokino we'e somo impe hiyamno

syofi+yoho'mokumentohofofoho. Ose yontifi hwasyo hungkuno uli+mentohofi, Nakwo sojo tango'njo yofayokino si+mano hohnta'ni untofuy-oho'mokano.

³¹ Ose ulahon+ngkofi Poul a'amu itokuso'njo sohwanji hwe mokosyohumayo sohwo'njimo uli+mento, Oso a'amu sohwa yofayokinomo mohumayo'njo ifijo'manji nakwo hopi'nono poyo wope'nantanoho.

³² Ose ulahon+ngki a'amu itokuso'njo sohwa hofi+ko yofayokino we'e somo impe hotito lohofontifi mijomo uyoho'mokumentohofofoho.

³³ Mofehi'nyo we'enepe wosapmmonto yahon+ngki Poul a'amu hopi'nonohino sohwa mo wosopayo nyo'ne yokumpohn'nyo uli+mentisofoho. Ole uli+mento, Si+kuno aho hufa'u hopi'nono si+fe mta'ni osofosofahu'no nakwo wopayo manyo'njo humentan+ngkuhwoni memjona'maso hwona'nyoho.

³⁴ Oso'no ngko hungkuno yokumpohn'nyo waseli+monne'no yohono. Sekwo wopayo'manji fohu'memapmno. Oso yokumpohn'nyo wosemokosyohumano. Upa'n+mno. Nakwo hopi'nono ito'no wofosyohumantanoho.

³⁵ Ose ulonto kako wopayo nomanto, hofi+ko si+manopo An+tumo isamoyoka ulonto wosopayo hiso kutikujo lohofonto kako si+mo'mo ni+mentisofoho.

³⁶ Oseso hwe hopi'nono nuhwonontifi si+meho wopi+ngo umo'n+ngkahon+ngki hofi+ko wopayo hu'mema'mentohofofoho.

³⁷ Nakwo yofayokinomo humalohwone sohwa'ni *tu hantilet sefenti-sikis* (276)

hwona'nyoho.

³⁸ Hofiko wopayo moi'wo nonontifi yofayokino nohayo imo'nyo so'no ho'yango nom'ne singkume pa'nyoso mijomo meho'nao'mentohofofoho.

Yofayokino wonyo imo'n+imentisofoho.

³⁹ Mofehi'nyo si'mofopahonngki hwahopo uhwonontifi limentohofi, Olo hwaho hopo sopo nakwo huno monayoponoho. Ose lontifi uhwonimentohofoso mijo wopngopo sojo ane wosoho'nohino sopo uhwonontifi osopo ufohososyano limentohofofoho.

⁴⁰ Hofiko sojo yofayokino hano miyo'njo'ne intofahinyoso sihu hotitofontifi nihu'nahone mijomo uyoho'mokumentohofofoho. Ose yontifi hofiko impe hohonta kilonjipe somo intofahumentohofoso italo'mentohofofoho. Hwapife ifofo'ne fisojwaofontifi yofayokino hwahopone'no umentohofofoho.

⁴¹ Yofayokino nowento wosoho'nji sojo'njopo hntoleho hnta'ni fokotofomanto ifofo engo'nji mijo engo'nji hohujo hohnta'ni fonjahonngki yofayokino ajwopo mtihupo'mentisofoho.

⁴² A'amu itokuso'njo sohwa huno syafi'hu'mentohofi, A'amu impo'angomjo sohwa mijopo pifijoso hiyaso le'mopitnnoho, nakwo wofonjano.

⁴³ Ose syofisyahonngkofi hwe a'amu itokuso'njo mokosyohumayo sohwo Poulimo ufo'ma'mo lonto ulimento, A'amu sohwapo nofonjikutoho. Sekwo a'amu mijomno huno'njo

sohwasi sekwo simo'mo nolikofaofikuji femoyamno.

⁴⁴ A'amu nom'ne sohwasi sekwo tifi iyofeejo yofayokino mta'ango nomafikuji nomtawekuji fifohohosahumno. Ose ulahoningki nakwo kakoe hungkunomo haloho'no yontani hwa-honepo ito'no i'mofamentihwonefoho.

28

Ango Malita sopo Poul humamentisofoho.

¹ Nakwo hwaho hopo sopo ito'no i'mofiwentani hwaho hiso yofe Malitayoho upa'nimentihwonefoho.

² A'amu oso hwaho sopo humamotofoso nakumo wopingo nefa'ma'mentohofofoho. Ifoyo syahoningki kwongkwongo nesahoningki hofikoe a'apaho toho umokinife lontifi toho nakumne'no enantohmmentohofofoho.

³ Poul kako toho nomanto mefontaningki homa toho uhu'ningkahoningki toho mta'ni noswaponto Pouliye ahomo toho lo'mentisofoho.

⁴ A'amu hopo sopo humamotofoso homa Pouliye ahomo lojjwosyowahoningki uhwonontifi limentohofi, Olo hwe lohwo a'amumo fonjahumasohwolikeno. Kako mijomo poyo mape'nyoso'ne homa toho ulokwoho. A'amumo fonjasiyo so'no poyo pe'nyoso wopingofoho. Wape'nimtonoho.

⁵ Ose lahoningkofi Poul homa tohomo ilojaefonto kakoe a'apaho wonyo mmo'nimmentisofoho.

⁶ A'amuso Poul poyo pe'nyo so'no hontohumantifi syafihu'mentohofi kakoe aho engo kahwoso'no nopihwasi wape'nimtonoho. Oseso hofiko wonyopi hontohumantifi Poul wopingo humentaningki uhwonontifi limentohofi, Olo hwe lohwo kako Anitu pa'nyo hweho. Ose limentohofofoho.

⁷ Oso hwaho nakwo i'mofapmmmentihwone sopo hwe hwaho hopi'nonohino mokosyohumayo sohwo kakoe hwahoponoho. Oso hwe huhwo sohwo kakoe yofe Papiliyasiyoho. Kako kakoe angomo nomenehumajonto osopo wopingo nelohofahoningki sikuno hufa'u sihune humamentihwonefoho.

⁸ Papiliyasiye kaningkwohwo mnokino'njohwo humamentisofoho. Kakoe a'apaho tohohmtnno'njo iyoho aswo'njoho. Oseso Poul kako'njopo nowento mnokinopo aho kisusyonto Anitumo jomo ulonto wopingo umokumentisofoho.

⁹ Ose yahoningki a'amu hwaho hopo sopo humamotofoso nuhwonontifi a'amu hopi'nono mnokino'njoso nopahoningkofi Poul a'amu hisomo wopingo umokumentisofoho.

Poul Molitanta'ango sohwo Loum i'mofamentisofoho.

¹⁰⁻¹¹ Oso hiso'no hofiko wopingo'nohini naloho'mentohofofoho. Oso hwaho hopo sopo nohumentaningkuhwone hamno hufa'u sihune neyakolo'mentisofoho. Ul'iko'ma'mentihwone sohonta nakwo yo'mayo umofonyo iyoso a'amu hiso hofiko yofayokinomo hu'meehumentohofofoho. Oso yofayokino

hiso ifofo engo so'no oso hwaho hopo sopo hontohumamentohofofoho. Oso yofayokino somo nokotosontani umentihwonefoho. Yofayokinoso ango Alekisantiliyanta'angofoho. Hntole hohnta'ni anitu pa'nyo huyo'mango hufa'u'njoponoho. Susiye hwomu hwa'uye huyo'mangofoho.

¹² Nowekentani ango Silakiyus i'mofopontani osopo sikuno hufa'u sihune humamentihwonefoho.

¹³ Osopo nta'ni nuliko'mentani nowentani ango Lejiyom i'mofapmmentihwonefoho. Mo'n+ngkanta ifofo hohujo hohnta'ni sopahon+ngki sikuno hufa'u memjaofahon+ngki nakwo ango Puteyouli i'mofapmmentihwonefoho.

¹⁴ I'mofopontani osopo a'amu Jisasimo in+ngkamotofo somo tipemahon+ngkuhwoni nalimentohofi sekwo nakwo'nji fosyohumamno. Ose nelahon+ngkofi Sante anga'no neyokolofahon+ngki nakwo ango Loummne'no hon+ngkanomo umentihwonefoho.

¹⁵ A'amu Jisasimo in+ngkamotofo Loum mta'angoso nakwo sopontan+ngkuhwoni nupa'nontifi hofiko pikwato lohofontifi ango Apiyos wopayo mpe yiwo'n+ngkohoho Ango Fosyowe Hufa'u Sihune'njo sopo swo'n+mentihwonefoho. Poul a'amu somo nuhwononto Anitumo isamoyoka ulonto simeho wop+ngo umo'n+mentisofoho.

¹⁶ Nakwo ango Loum i'mofopahon+ngkuhwoni a'amu Loum mokosyohumayo sohwa nalimentohofi, Poul kako'ne ango tipemahwosi

wohumano. Hwe itokuso'njo fihwo uhwontohumayo'ne kako'nji wahumuyo. Ose nalimentohofofoho.

Ango Loum sopo Poul Anituye hungkuno lutihwamentisofoho.

17 Sɪkuno hufa'u sɪhune memjaofahonɪngki Poul a'amu Jutafe hwe engo sohwanne'no joho ulahonɪngki hofɪko nuhu'mokahonɪngkofi Poul ulɪmento, U, Nje tatohwosafo. Ngko nakwoe a'amu Juta somo wonyo mmokiyo hwo'nyoho. Neyakwosafe honɪngkano hungkunomo hwotoho mafiyo hwo'nyoho. I a'amu Juta ango Jelusalem sopo ngkimo impe siki ntofontɪfi a'amu Loum sohwafe ahopo ho'nanɪhumentohofofoho.

18 A'amu Loumɪso nje hungkunomo nupa'nontɪfi hnnɪmentohofi, oso honɪngkanoso poyo pe'nyo'ne'maho. Oso'no hofɪko nonɪsikwojane'entɪfi,

19 a'amu Jutaso nakwolaho limentohofofoho. Oso'no nom'ne honɪngkano ane so'no hwe engo Sisa nje hungkunomo wonɪpa'nono lɪmentohefoho. Ngko nje a'amu Juta somo hungkuno nom'ne mujo hwo'nyoho.

20 Oso hwapɪngo hiso'no sekune'no joho selo-hono. Ngko sekumo sehonɪ'mo hungkuno wosejapmne'no yohono. Nakwo a'amu Isɪlael so'nyuye neyakwosa hwe ahwomo mta'ango sohumne'no hontohumamotofofoho. Oso hwe huhwo sohwo nto pmmntiso so'no sɪmeho uyalokweno. Oso hiso'no olo impe hiloso ngkimo kenɪsyohumaho.

21 Ose ulahon'ngki ul'imentohofi, A'amu Jutiyanta'angoso jije hungkuno so'no nakune'no iyoswo mamti'mokumentohofofoho. A'amu Jutaso mapiyontifi kikimne'no hungkuno malonetihwammentohofofoho.

22 I oso'no a'amu Jisasimo in'ngkamotofo somne'no a'amu fihwa ango hopo hopo wonyoponoho liwo'n'ngkohoho so'no nakwo jije hungkuno jije mango mta'ni wokupo'nano.

23 Ose lontifi oso hiso'no sikuno ho'nahumentohofofoho. Oso sikuno homo somo a'amu pi'ningo engo ango Poul humawo'n'ngkiso sopono pmentohofofoho. Poul Anitu nakumo yokumpohn'nyo nemokosyohumayo'ne lutihwamentisofoho. Hofiko Jisasimo simeho hi'ntnnono uyifitne'ento Mosesiye hon'ngkano hungkuno'nji a'amu Anitu hungkuno uyahon'ngki li'motofo sohwafe hungkuno ntnne mta'ango Jisasimne'no lutihwamentisofoho. Oso hungkunoso im'ngo mta'angoso ne'no lontan'ngki mofehi'nyo n'ngku'n'mentisofoho.

24 Oso hungkunoso a'amu fehohnjo sohwa nupa'nontifi simeho hi'ntnnono umentohofofoho. A'amu fehohnjo simeho hi'ntnnono muyofoho.

25 Oso'no hofiko hungkuno kengo kengo hnn'ngkahon'ngkofi Poul ul'imento Anituye Towahuno Wop'ngo hohontajo hwe Aisaiya sohomo hungkuno uyahon'ngki neyakwosamo hungkuno nehopi ole ul'imento,

26 Kiko oso a'amu nontifepono uhui ole uso, Sekwo hungkuno upa'n'ngkuji hwap'ngo

neso mupa'n+fitnnehofu.

Sekwo yo'mayo nuhwon+ngkuji neso
muhwon+fitnnohofu. Ose uso.

²⁷ An+tu Aisaiyamo ul+mento,

Oso a'amu hiso hof+ko huno anefoho.

Hof+ko haloho pujomokosyohu-
mun+mentohofofoho.

Hof+ko t+mo pijiyu'nnyofoho.

Ose miyo'njo yont+fijontentesi ito'no
nuhwon+ngkutnnesohilo.

Hof+ko haloho mapujomokosyohumunyo'njo
yont+fijontentesi nupa'n+ngkutnnesohilo.

Oseso hof+ko huno ito'no uy+hwonesohilo.

Hof+ko ikenjaof+kuji ngkiyepono
pont+fijontentesi ngko wop+ngo
umokumnesohilo.

Aisaiya ose mt+'mokumentisofoho.

²⁸ Ose ulonto nom'ne hungkuno ul+mento,
Sekwo upa'n+mno. Olo hungkunoso An+tu
a'amufe wonyo wae yaof+hwosi kakoe a'amu
ne umokiyo so'no olohonta a'amu temtifofo
kengo somne'no nto lihwaj+maho. Hof+ko
nupa'n+ngkuji t+fi un+ngkafe.

²⁹ Ose ulahon+ngki a'amu Jutaso nohumpent+fi
hungkuno ikujoho hopa hnn+mentohofofoho.

³⁰ Soswo hufa'u uyokolofontan+ngki
Poul oso ango sopo humamentisofoho.
Ango kakwo'yohwo sohomo hamniyoho
uy+wo'n+mentisofoho. Nohumanto a'amu
kakimo jomo u'mahon+ngkofi wop+ngo
uloho'mojofoho.

³¹ Poul a'amu somo An+tu yokumpohn'nyo
nemokosyohumayo'njo hwe engo Jisas Kilais

ntnne'no hungkuno lutihwamojofoho. Kako
hungkuno yokumpohn'nyo ulahon'ngki hwe
nom'nehwo mopijumo'mmentisofoho.

Hungkuno osohopeho. Ngko Luki'ni
mti'mokohono.

**Mpohwoe Hungkuno Songofoho
The New Testament and Genesis in the Safeyoka
(Ampeeli-Wojokeso) language of Papua New Guinea
Buk Stat na Nupela Testamen long tokples Safeyoka
long Niugini**

copyright © 1988 Wycliffe Bible Translators, Inc.

Language: Ampeeli-Wojokeso (Safeyoka)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2011-12-15

PDF generated using Haiola and XeLaTeX on 28 Dec 2024 from source files dated 31 Aug 2023

f526da1e-a607-571c-ba86-56367d7583f3